

دلیفری روایة

للكاتب
مصطفی عرفة

دار الفراعنة للطباعة والنشر والتوزيع



رئيس مجلس الادارة

إكرام عيد

المدير التنفيذي

فاطمة عبدالعزيز حرز

اسم المؤلف : مصطفى عرفة

رقم الايداع : ٢٠١٨/١١٥٠٥

الترقيم الدولي : 978-977-85388-5-2

نائب المدير

حبيبة وليد محمود

مراجعة لغوية

دكتور عبد الناصر العيسوي

تصميم الغلاف

فارس على عساكر

الإخراج الفني

إكرام عيد

الطبعة الثانية / يوليو ٢٠١٨

حقوق الطباعة محفوظة للمؤلف

الحكمة عشرة أجزاء ، تسعة منها فى الصمت والعاشر إعتزالك لصغار العقول

إهداء ،،، إلى أبى وأمى وإخوتى وعائلتى وكل من كان سبباً فى
تشجيعى على إتمام هذا العمل وغيره من الأعمال . وأخص بالذكر
الصديق العزيز الأستاذ أحمد كريم وكثيرون لا أستطيع أن أحصى
أسمائهم ، فلهم جميعاً جزيل الشكر

كما أود أن أذكر عمالقة السينما الذين ألهمونا بكثير من القفشات
والعبارات والتي لا تتساها السينما المصرية .. بل والأسلوب الراقى
فى الأداء ومنهم العمالقة، الزعيم والأسطورة والسقا المتألق والأنيق
حسين فهمى وعز وغانم ودنيا وإيمى والمبدعين سعد ورمزى وحلمى
وأبو ضحكه جنان والعنديلين والقديرين حسن حسنى، محمود عبد
العزیز، نور الشريف، نهال عنبر، إسعاد يونس، حسن كامى،
يوسف فوزى وكثيرون من النجوم الشباب والسابقين الرائعين
والعالمى جميل راتب وتميم عبده وكثيرون وردت عباراتهم ولزمتهم
بتلك القصة، بل وكل من كتب لهم تلك العبارات المحفورة بالذاكرة،
وبالتأكيد لن يخفى على القارئ ممن إستمد الكاتب إلهامه من هؤلاء
النجوم وغيرهم حتى يخلق بعضاً من شخصيات تلك القصة و
غيرها من القصص ومن منهم إقتبسنا بعضاً من عباراتهم الرنانة،
القديمة فى تاريخها والحديثة ببقائها برنينها ورونقها الذى لا يذبل
مهما مر عليها من الزمن .

مقتطفات وتعليقات

<p>○ واضح إنك حلنجى يا منصور. يهرش منصور فى قفاه :حلنجى!! تصدق. مش إنت الوحيد إالى قالى كده. بس إنت عرفت حلنجى دى منين يا خواجه ○ م تخودش فى بالك يا منصور .. معاك CPA</p>	<p>ثمانية مسلحين ملثمين قادمون من أعلى تبه متاخمه لمهبط الطائرات .. قادمون على خيولهم يتجهون بسرعه تجاه الطائرة .. فتملاً الأفق بالأترية المتصاعدة.. يحاصرون الطائرة فى لمح البصر ويطلقون النار بالهواء .. فنسمع صراخ الركاب الذين أيقنوا بأنها الهلكة لا محاله</p>
<p>وفجأة وبدون سابق إنذار ،كابتن جلال يحرك ذراع معدنى ناحيته ويضغط على زر أحمر</p>	
<p>○ مش معقول دا بيبكى مين إالى بيبكى ؟؟ .. رقم ٢ .. رقم ٢ بيبكى ؟؟</p>	<p>○ يعنى خاطف الطائرة ليه !!! عشان يفسحهم فى دريم بارك !!! ولا يوديهم كارفور إسكندرية</p>
<p>مستر ديفيد فيكسد وينج David Fixed Wing .. مندوب شركة بوينج ع التليفون يا فندم</p>	
<p>لو أعرف إن القصة ه تنتهى مع كلمة تمت ،، مكنتش قفلتها قبل آخرها</p>	<p>يعنى مخلصنيش أعرف إنت مين طول الفترة دى، وكمان مفيش خطة للهرب</p>

صفحة ١٧٣ : بالرغم من كل تلك المفاجآت ، فلم يُسدل الستار بعد ، يمكنك إحترساء فنجان الشاي الذي أمامك لنستكمل (سويًا) قصتنا التي لم تنتهي بعد ، ف الكثير والكثير في إنتظارنا ، هل نسيت كلمات السيد عطار د أو الحكيم بأن المفاجآت ستنزل كالصواعق واحدة تلو الأخرى

○ اسمه إيه
○ مش باين ٢
○ إيه هو إالى ٢ ؟؟
○ مش باين ،، ٢ .. رقم ٢
○ فى الدرجة الثانية يا سيد عطار د
○ معرفش .. معرفش .. قالها المنجم وهو ممسك برأسه يضع المنجم يده على ماكيت طائرة على التراييزه أمامه .. ويأخذ فى تحسسها من الأمام للخلف والعكس ويركز تركيز عميق
- بيكشف ع الطيارة
- تقريباً عاوز يعرف نوع الجنين

○ وكمان.عاوزين نضمن على ،،
○ تظمن ع الطيارة .. مش كده
○ لا لا .. مش مهم طياره
○ على تكنولوجيا . مفهوم مفهوم
○ لا لا .. مش مهم تكنولوجيا
○ أمال عاوز تظمن على إيه
○ مستر وينج ؟
○ عاوز نضمن على أنيتا مستر فاضل

○ لا لا. إنت مش تفهمنى صح بردو
○ مستر فاضل . دى سيادة المستشاره
○ إتصلت بالرئيس كليتتون ووصته عليها

المنتج (الذى إشتري الرواية) : إيه الحكاية إالى مش عاوزه تخلص دى ، هو مفيش حد عارف يحرر أم الطيارة دى ولا إيه ، أمال فين أدهم باشا ، ولا عم فای دا ه يتنو خاطفها كده وأنا عمال ب أقع إيجار الطيارة كل يوم ، فى إيه يااااا عم المؤلف ، مفيش حل ولا إيه ، ولا تكونوش عاملين حسابكوا تفجروها وأدفع أنا تمنها ، وينظر للمؤلف وللمخرج شذراً ، شوفوا يكون فى علمكوا ، كلها عشر دقائق ، لو الموضوع دا م إتحلش ، أنا ه بيقالى تصرف تانى

(١) الحفلة

قاعة الإحتفالات

يتم الإعداد لإحتفال ضخم داخل إحدى القاعات الفارهة الضخمة بواحد من أكبر وأفخم الفنادق حيث زخم جموع الحاضرين بالقاعة من كبار الزوار والمسؤولين الذين يرتدون بزاتهم الأنيقة وكرفقات العنق، أناس يتحركون في كل إتجاه يتبادلون التحيات والحوارات الجانبية في مجموعات منفصلة قبل بدء الإحتفال رسمياً .

المتر دى أوئل وعدد من الجارسونات الذين يتابعون بدأب شديد طلبات المدعويين ووضع زجاجات المياه على الترابيزات، تلك الترابيزات ذات المفارش البيضاء الفاخرة والورود فائقة الجمال التي لا يمكنك تمييزها عن الورود الطبيعية، تنتشر الورود والأشجار الصناعية بكل مكان بالقاعة، الأضواء خافتة، السجاد الأحمر الفاخر يفصل بين الترابيزات في تناغم وحرفية كما لو كانت تشكل خط سير خلية نحل ثمانية الأضلاع على الأرض.

خارج قاعة الإحتفالات عدد من الضيوف ينزلون من سياراتهم الفخمة متجهين إلى القاعة بعدما يفتح لهم سائقهم أبواب السيارات الخلفية وتوجد لافتة فخمة بالقرب من باب القاعة مكتوب عليها

"إحتفالية شركة ستار إير لاينز أوفرسيز"

إحتفالية الرقم القياسي في السلامة والأمن

"Safety Festival"

"No Accident Track Record Festival"

NATR Festival

و أسفلها صورة ركاب يبتسمون ويضحكون داخل طائرة مع المضيفة بينما يظهر على الوجه الخلفي للافتة صورة أخرى لحطام طائرة بالبحر وجوارها نار مشتعلة وصورة سمكة قرش تفتح فمها لأعلى

لتبتلع راكب يهوى من السماء رأساً على عقب بشكل كوميدى، صورة
تتذر بعواقب وخيمة !

مطار القاهرة

وعلى الجانب الآخر، حركة دؤوبة من الركاب القادمين والمغادرين
صالة مطار القاهرة الدولي إلى بوابات الدخول وإجراءات التفتيش
عليها .

التاسعة صباحاً

عودةً إلى قاعة الإحتفالات مرة أخرى، حيث عدد من الحاضرين فى
القاعة يتبادلون الحديث، فنسمع أحد المدعوات التى يبدو أنها مسؤلة
إحدى الشركات السياحية الكبرى تتحدث لمن بـُصِبتها من الضيوف
قائلة مستر فاضل داعى شركات سياحية عالمية من كل حنة، من
روسيا وإيطاليا و

ويتحول الحديث إلى سيدة أخرى

سيدة ٢ : و وزير الطيران المدنى و وزير الطيران المغربى والفرنسى
وتشير بيدها على وزير الطيران الفرنسى الواقف بعيد والمنشغل
بالحديث مع عدد من الضيوف وتسترسل : "أهه، وممثلين عن
منظمات الطيران العالمية"

سيدة أخرى ٣ : على فكرة مقر الشركة جنبنا هنا جنب الفندق عطلول
مدعو ١ : آه .. آه .. م أنا عارف

مدعو آخر : ماهو مستر فاضل حب الفندق يبقى جنب الشركة
والمطار عشان فى ضيوف جايين الإحتفال وراجعين عطلول وعشان
إلى ه يزوروا مقر الشركة تبقى قريبة هنا

تتلفت السيدة حولها وتتساءل : بس هو فين فاضل بيه

مدعو ١ : أعتقد بره بيستقبل الضيوف

عدد من المسؤولين بالشركة ذوى الملابس الرسمية الأنيقة يرحبون بالضيوف عند مدخل القاعة بينما المصورون يستعرضون أعداد جموع الحاضرين من أعلى والتي تظهر على شاشات العرض بالقاعة مروراً بساعة حائط تشير عقاربها إلى التاسعة صباحاً وخارج قاعة الإحتفالات نجد رئيس الشركة وعدد من المسؤولين الذين يرتدون بذاتهم الأنيقة يرحبون بالضيوف حيث تتدلى الكارنيهات على صدورهم

وعلى الباب يقف رجل ضخم الجثة أنيق ذو شارب هو شوكت باشا، تقاعد مبكراً وكان برتبة عقيد وهو الآن فى الستين من عمره لا تبدو عليه علامات الرزانة، بل يبدو كرجل باسم الوجه وكما نقول بلغتنا العامية (هليهلى) يعمل مدير أمن شركة الطيران صاحبة الإحتفال فيقترب منه رجل من رجاله يسأله عما إذا كانت هناك أى أوامر من الواجب تنفيذها .

فيشير شوكت باشا لرجل الأمن بيده اليمنى إلى جهة اليمين : وَرَعلى أربعة هنا ع المدخل الرئيسى، ثم يشير للأمام : وإثنين هنا كمان ثم ينظر لرئيس الشركة : إيه رأيك فى الأمن يا فاضل بيه. يرد فاضل بيه رئيس الشركة وهو رجل ضخم البنية، أصلع عليه مهابة قد تعدى الستين من عمره : والله دا شغلك أنا م باتدخّلش فيه يا شوكت ثم يسترسل بإبتسامة ساخرة : بس إيه الأمن ده كله، إنت داخل موقعة حربية ولا إيه !!

فيرد شوكت بيه : معلىش يا فاضل بيه، دول ضيوفنا ولازم نأمنهم كويس تبقى كارثة لو حصل حاجه، دا نظام أمنى مش ممكن حد يخترقه يا فاضل بيه. يقولها شوكت بيه بصيغة الواثق من أن النظام الأمنى لا يمكن إختراقه ويبدو ذلك جلياً فى أعداد أفراد الأمن وإجراءات التفتيش بالقاعة

أما خارج بوابة الدخول إلى الفندق يفتح أحد سائقي تلك السيارات الفارهة، الباب الخلفى لسيارة سوداء من طراز مرسيدس، ينزل منها مسئول خوجة كبير، ويتجه ناحية القاعة،

يرحب به فاضل بيه بأسلوب إحترافى متعارف عليه بروتوكولياً فهو مخضرم بمجال السياحة لعشرات السنين، ثم يأتى دور شوكت بيه مدير أمن الشركة للترحيب به، فيشير إليه شوكت بيه بيده اليمنى بالدخول للقاعة بابتسامة فكاهية معبراً عن سعادته، و يخاطبه بلغة إنجليزية ركيكة وهو مبتسم: With your right leg please

الضيف (متعجباً) : إيه؟؟

فيرد شوكت بيه (مبتسماً) : برجلك اليمين لو سمحت. فيبتسم الضيف متعجباً ويدخل إلى القاعة

ويشير شوكت بيه لأحد أفراد الأمن بشكل كوميدى ملمحاً إليه إن كان تم تفتيش ذلك الخوجة جيداً هو وسيارته بالبوابة الخارجية للفندق، فعلى ما يبدو أن وجه الخوجة لم يكن على هوى شوكت بيه الذى يشك فى كل شئى بحكم صبغته الأمنية

داخل قاعة الإحتقالات وعلى خشبة المسرح، يصعد مسئول شاب بشركة الطيران إلى المسرح ويبدأ فى الحديث: يتشرف السيد فاضل دكرورى وأعضاء مجلس إدارة شركة ستار إير لاينز أوفرسيز بالترحيب بالسادة الضيوف، رئيس وأعضاء هيئة الطيران المدنى، والسيد وزير الطيران المدنى، والسادة الحضور، أولاً، بنشكركم على حسن تعاونكم وإنكم إتحملتوا الإجراءات الأمنية المشددة على باب الفندق وأتمنى ماتكونش أزعتكم، دى إجراءات أمنية لصالح حضراتكم، إنتوا عارفين القلق اليومين دول

ينظر المسئول الشاب إلى الورقة التي أمامه : إحم إحم، اليوم، ثم يرفع رأسه للحاضرين مسترسلاً : هو إحتفال شركتنا شركة ستار إير لاينز أوفرسيز بمرور ٣ سنوات على تفعيل أحدث الأنظمة الأمنية في العالم على مستوى شركات الطيران،

مش بس كده، لكن بالإحتفال بمرور ٢١ سنة على الشركة، بدون تسجيل أى حوادث، نقدر نقول معدل حوادث صفر، ودلوقتى ه نعرضكم جزء من بعض الأنظمة الأمنية الجديدة إالى تم إستخدامها .

داخل الطائرة

المضيفين والمضيفات يسيرون بالمرمر يوجهون الركاب لربط الأحزمة وضبط وضعية ظهر الكراسى

ويساعدون بعض الركاب، وتشرح المضيفات وسائل الأمان بالطائرة والمعتاد سماعها بالرحلات الجوية

صوت الإذاعة الداخلية بالطائرة : توجد أربع مخارج للطوارئ على متن هذه الطائرة، إثنين بالأمام وإثنين بمؤخرة الطائرة، وعند حدوث إنخفاض مفاجئ فى ضغط الهواء داخل الكابينة، فإن أقنعة الأكسجين ستتدلى من فوق رؤسكم بمجرد الضغط على الزر أعلى المقعد .

وبقاعة الإحتقالات، يواصل المسئول شرح وسائل التأمين على الشاشة بالقاعة : موجود كاميرات بترصد حركات جميع ركاب الطائرة بشكل مباشر أون لاين online،

ثم يسترسل (بنقة) : our eyes are everywhere يعنى كإن عيينا جوه الطائرة، يعنى كإننا بنوجه تحذير، ويشير بسبابته للأمام ويتحدث بنقة ويستطرد فى حديثه : تحذير لأى خاطف أو إرهابى، بأن تسول له نفسه، الإقتراب من طائرتنا، فسيتم التعامل معه بمنتهى القسوة،

ويسترسل (بابتسامة خفيفة): و دا تنبيه بس، ويشير بأصابعه السبابة والإبهام والوسطى .

الضيوف على الترابيزات وحركة دؤوبة للجارسونات، يضعون المشروبات على الترابيزات، وبعض التحركات لعدد قليل من الضيوف بالصالة من مكان لمكان .

بينما يتجه فاضل بيه إلى خشبة المسرح يمر على شوكت باشا مدير الأمن ويقول (مبتسماً) : ها مأمن كويس يا شوكت باشا ؟
إوعى أطلع من هنا ويحصل زى حادثة قاعة الأفراح بتاع الشهر إल्ली فات، فيومئ إليه شوكت باشا برأسه بمنتهى الثقة ويرد بابتسامة عريضة : عيب يا فاضل بيه، أمال القوات دى بتعمل إيه، دى كل ترابيزة تحتها جهاز تسجيل .

فهل حقاً استطاع شوكت باشا تأمين القاعة، أم أن للآخرين رأي آخر .

ما إن ينتهى شوكت باشا من كلمته حتى نسمع صوت عالى، يلتفت الجميع ناحية مصدر الصوت الذى رج الإحتفال، فإذا هى صينية عليها عدد كبير من الكاسات سقطت من أحد الجارسونات لإصطدامه بأحد المدعوين أثناء وقوفه فجأه، فيتنفسوا الصعداء بعدما تصبب العرق من جبين فاضل بيه وشوكت باشا

يصعد مستر فاضل على خشبة المسرح صعود الواصل، ويتناول الميكروفون الموضوع على الديسك ويبدأ حديث المتمكن، فهو بين أفراد شركته وضيوفه الذين يعرفهم وتربطه بمعظمهم صلات قوية وبين كتيبة شوكت باشا الكفيلة بحماية حى بأكمله وليس لتأمين إحتفال بفندق .

فنراه يقف على المسرح يتحدث وأمامه لافتة باللغتين العربية والإنجليزية مكتوب عليها اسمه

"مستر فاضل دكرورى"

"رئيس مجلس الإدارة"

Mr. Fadel Dakrouir

Chairman Of The Board

ويبدأ مستر فاضل حديثه الواصل : إنا نعلن بصورة رسمية بان أسطولنا أصبح أكبر وأكثر الشركات أماناً، ودا، لإننا طبقنا أحدث منظومة أمنية واللى بيها قدرنا نوصل لأعلى درجات الأمان بالطائرات، يعنى كل الرحلات مراقبة أرضياً بالكامل وبصورة مباشرة . الطائرة فى الجو وبداخلها نرى بعض الركاب ينظرون من شباك الطائرة إلى خارجها

ومنهم من ينظر للجناح ومنهم من يشير بيده لصديقه الجالس بجواره أن ينظر خارج الطائرة .

قاعة الإحتفالات

صحفى : زى ما شفنا إجراءات غير مسبقة فى تأمين الإحتفال ده، ياترى إجراءاتكم فى الجو على نفس المستوى .
فاضل بيه : بالتأكيد، وأكثر شوية .

صحفى آخر : يعنى نقدر نقول إن إحتمال تعرض طائرة للإرهاب أصبح ضعيف جداً ؟

فيرد فاضل بيه بثقة متناهية تصل إلى حد الغرور : صفر % مستحيل impossible ، إحتمال تعرض طائرة للإرهاب هو هو إحتمال تعرض الإحتفال ده للإرهاب، وبما إن الإحتتمالات على الأرض صفر، يبقى الإحتتمالات فى الجو بردو صفر، وينظر للحضور ولشوكت بيه والذى يبادل نظرات الثقة من القاعة .
صحفية أخرى : نقدر نعرف المزيد من الإجراءات دى مستر فاضل .

مستر فاضل: مش ه نقول كاميرات مراقبة لحظة بلحظة بس، لكن كمان أكثر من كده ويشير فاضل بيه للمسئول بالشركة والذي يقف على خشبة المسرح ممسكاً بميكروفون، وكأنما يعطيه الإذن لعرض وسائل التأمين الحديثة،

يتقدم المسئول ويعرض : ه نعرضلكم دلوقتى شئى نادر عرض حى ومباشر لإحدى رحلاتنا، فنرى تصفيق حاد من الحضور ويسترسل المسئول حديثه أثناء التصفيق : مش بس لإننا سباقين، لأ، لإننا كمان متميزين، وحيث يعرض على الشاشة بالقاعة تصوير من داخل إحدى الطائرات، فيتواصل تصفيق الحضور.

المسئول : مش بس كده، فى مزايا تانية ، ف ليتفضل السيد نادر القبانى رئيس قسم تكنولوجيا المعلومات بالشركة .

يصعد السيد نادر القبانى للمسرح ويُمسِك الميكروفون: بل وأكثر من ذلك، فكل كرسي مزود بحساسات sensors لقياس ذبذبات الجهاز العصبى، فى الطائرة مش هنا، ويتسم إبتسامة عريضة، يضحك على إثرها الحضور، ويسترسل : ودا تم بالتعاون مع فريق طبى متخصص على أعلى مستوى، وبالتالي معرفة مدى توتره ودرجة إرتبائه، وطبعاً الهدف منه معرفة عما إذا كان الراكب يتحدث بتوتر أما لأ وبالتالي نقدر نكشف، ونحدد مكان الخاطف وبالتالي سرعة التعامل معاه ومباغتته ووالله ويسترسل (مبتسماً) : والى وسائل أخرى مش ه نقدر نكشف عنها طبعاً، علشان م تكونش معروفة للخاطفين ولا للمنافسين بالطبع لدرجة إن مره راكم سخسخ على روحه من الضحك، ف الجهاز إشتغل فتتعالى ضحكات الحضور، يسترسل السيد نادر القبانى (مبتسماً) : ودا كان أثناء مراحل تجاربه الأولانيه طبعاً، كى يعطى إنطباعاً بأنه تم التغلب على هذه المشكلة فيما بعد، فتتعالى ضحكات الحضور مرة أخرى .

(٢) الصدمة

قاعة الإحتفالات - الشاشة

يتبادل الركاب الحديث داخل الطائرة ويتعد الكادر شيئاً فشيئاً، فتظهر الصورة للطائرة داخل القاعة للحضور على الشاشة، ويبدأ الحضور في التوجه في مجموعات لتناول الطعام بقاعة أخرى.

وداخل قاعة الطعام، بينما يجب الجميع بالترابيزات لوضع أصناف الطعام بالأطباق، وأحاديث جانبية للضيوف في مجموعات متفرقة شوكت بيه : الحمد لله، اليوم مر على خير يا فاضل بيه

فيرد فاضل بيه (بسخرية) : البركة فيك م إنت جايب كتيبة بحالها تأمن القاعة

- الإحتياط واجب بردو يا فاضل بيه

ويبقى عدد بسيط من الضيوف داخل قاعة الإحتفالات التي بها شاشات العرض مع بعض المسؤولين ويظهر على الشاشة النقل الحي من داخل الطائرة ويُسمع صوت الطائرة بوضوح، وفجأة، يسمع صوت يتكلم عبر الإذاعة الداخلية بالطائرة ولكننا لا نرى أحداً يتكلم !!!! : الطائرة مختطفة وأى محاولة لعدم إطاعة الأوامر ه نفجر الطائرة، فينظر بعض الركاب يميناً ويساراً من الأمام والخلف لمعرفة من المتكلم، لكن دون جدوى، فلا يرون أحداً يتكلم،

يسترسل الصوت (بقوة) : محدش يحاول يتلفث وإلا ه افجر الطائرة، فتبتسم إحدى الحاضرات بقاعة الإحتفالات وتتحدث بسخرية لعدد قليل من أصدقائها الحاضرين:

- دا فيلم تعرضوه في يوم زى ده، دا وقت تهريج بردو يا مستر فاضل، دا إحنا صدقنا لحسن يكون بجد .

سيدة أخرى (مبتسمة) : بس طريقة جديدة والله

رجل آخر : جميلة بصراحة

سيدة أخرى (مبتسمة) : الكاميرا الخفية

هل يحاول شخص ما لفت الانتباه على الشاشة لغرض آخر !! إلا أن أحد الحاضرين ينظر إلى الشاشة ويسمع ما تقوله السيدات وبعض الضيوف وتبدو على قسمات وجهه علامات القلق والإستغراب فيقطب عن جبينه، وعلى ما يبدو أن له رأى آخر، فيتمتم الرجل (متعجباً): هزار !! مش هزار دا أبداً، دا جد

مسئول آخر بشركة الطيران يبدو أكبر سناً . والذي يحمل كارنيه الشركة على صدره فى القاعة يتعجب لما يراه بالشاشة داخل الطائرة أيضاً . ولكونه يعلم مسبقاً بأن شركته لم تُعد لفقرة ترفيهية، إذن فقد أيقن أن هناك شيئاً ما خطأ، ويتمتم (متعجباً) وبصوت خافت : this is real ، ربي إيه إلهى بيحصل ده، ويُسرّع من قاعة الإحتقالات بخطوات متعجلة وقد بدت عليه علامات الإضطراب الواضح متجهاً إلى صالة الطعام التى بها ما لذ وطاب من كافة أنواع الطعام والشراب وبكميات كبيرة ممتدة حيث يجد مستر فاضل واقفاً مع مسئولين من الشركة يتبادلون الحديث فى هدوء

فيتحدث لزملائه (مفروعاً) إن كانوا قد أعدوا لفقرة ترفيهية !

فيرد عليه مسئول آخر وهو يتناول قطعة تورته بالشوكة بأنه لم يتم ذلك، فيرد الأول (متعجباً وبصوت عالى) بالنفى ثم يتلفت حوله ويوقن بأن صوته كان عالياً حقاً، فيتدارك الأمر ويسترسل (بصوت خافت) : تبقى كارثة، كارثة يا فاضل بيه

فينظر إليه مستر فاضل رئيس الشركة والمحيطين به بإهتمام مشوب بالقلق، فيسترسل المسئول مؤكداً بأن الطائرة قد تم إختطافها فعلاً . يخيم الوجود على وجه مستر فاضل رئيس الشركة والمحيطين به من هول المفاجأة غير مصدقين

ويتلقى أحد المسؤولين بالشركة يقف بجوار مستر فاضل إتصال تليفونى فَيُمسِكُ موبايله ونراه يتحدث إلى شخص ما : أيوه .. ثم لحظة صمت مستمعاً للطرف الآخر وينظر لمستر فاضل الذى يُركِز كل سمعه وجوارحه معه، ويستأنف المسئول كلامه فى التليفون : أيوه .. تتبعها لحظة صمت أخرى مستمعاً للطرف الآخر وتبدو عليه علامات الإندهاش متسائلاً عن عددهم

ثم يوجه حديثه (لمستر فاضل) بإستسلام حيث إتضحت الصورة أكثر وأكثر بل وتأكدت، فتبدو عليه علامات اليأس التام : معايا كابتن جلال قائد الطائرة، فعلاً فيه عملية إختطاف.

ينحدر مستر فاضل جانباً مع المسؤولين بشركته بعيداً عن أعين الضيوف فينظر إلى الأرض وقد إحمر وجهه، وقطب عن جبينه وبخطوات سريعة مرتبكة، يتجه لخارج القاعة ويتبعه عدد من المسئولين بشركة الطيران ويوجه حديثه للمسئول الذى أبلغه بعملية الإختطاف بمنتهى الجديه : إقطع العرض حالاً فى القاعة وإنهى الإحتفال وإسمح للضيوف بالإنصراف، إحنا تقريباً كنا خلصنا، خلىنا نطلع ع الشركة فوراً ،،،، أيقن الجميع فى بادئ الأمر بأن ما يراه على الشاشة ما هو إلا فاصل ترفيهى أعدته شركة الطيران ترحيباً بالضيوف، فلا أحد يتصور أن تحدث مفاجآت وسط هذا الإحتفال، بل وذهب بعضهم إلى أنها خدعة على طراز الكاميرا الخفية، لا محالة .

مستر فاضل والمسئولين بالشركة يغادرون الفندق، يعترضهم صحفى مشاغب يبحث عن إقتناص معلومة من مستر فاضل، لتكون سبقاً صحفياً والمانشيت الرئيسى بصدر الصفحة الأولى لجريدته، إنها (التبائة) بعينها والمعهوده للصحفيين المشاكسين والذى يتعدى حد الإصرار ويوجه ميكروفونه إلى مستر فاضل بينما يأخذ المصور موقعه بجواره لتسجيل الحدث .

الصحفي : مستر فاضل .. تقدر تفسرلنا إيه إلی حصل ده.
يمتعض مستر فاضل ويتجاهله ويسير فى طريقة إلی المبنى المجاور وهو مبنى شركته ، كما يتجاهل باقى المسئولين الصحفى كذلك، والذي يلزمهم ويحاول مرة أخرى، إلا أن مستر فاضل ومسئوليه يلتزموا الصمت ويتجاهلوه، فالأمر لا يحتمل حتى التسرع بالإدلاء بأية معلومة قد تكون كفيلة بالتأثير السلبي على سمعة الشركة.
أما داخل الطائرة، فالركاب جالسون فى حالة من الرعب، بينما تعلن الإذاعة الداخلية بصوت مجهول بأن "الطائرة مختطفة وعليكم تنفيذ التعليمات فوراً وإلا ستفجر".

يبدو الإنزعاج داخل كابينة الطيار على وجه قائدها كابتن جلال، ذلك الشاب الوسيم الذى تعدى الثلاثين من عمره، يبدو طويل القامة فيخاطب مساعده الذى يبدو أصغر منه قليلاً وهو متعجب : دى مش الإذاعة الداخلية بتاعتنا ! فينظر إلیه مساعده ولا يتحدث.
يوجه كابتن جلال حديثه للخاطف عبر إذاعة الطائرة : ممكن تظهر لنا عشان نقدر نتفاهم، لكن لا رد من الخاطف، يتعجب كابتن جلال فيخبر (مساعده) : هو م بيردش ليه ؟ والذى يرد بمنتهى السداجة : يمكن قَصْر الشر و نزل يا كابتن.

فينظر إلیه كابتن جلال غيظاً ويجز على أسنانه من غبائه ويبدو زيع بعينى كابتن الطائرة من هول المفاجأة وكأنما يفكر بشئ ما وينظر أمامه وقد ملأه الغيظ : ينزل فين إحنا ف ميكروباص، أسكت الله يكرمك .

وبمقر شركة الطيران، يفتح أحد المسئولين الإتصال المباشر مع كابتن الطائرة وأمامهم الشاشة تعرض ما يدور بداخلها وفقاً للنظام الأمنى الجديد، ويخاطب المسئول مستر فاضل وشوكت بيه : مستر فاضل، شوكت بيه، كده إحنا مع كابتن جلال الطيار ع الخط .

يبدأ مستر فاضل الحديث وسط مسئولى الشركة مع كابتن جلال بالطائرة

• عدد الخاطفين أد إليه يا كابتن جلال؟

• مش عارفين

• طب إليه جنسيتهم؟

• مش عارفين

يمتعض مستر فاضل ويدير رأسه فى ضيق شديد، فيلاحظ ذلك شوكت بيه مدير الأمن، فيتدخل ويستكمل الحوار مع كابتن جلال نيابةً عن مستر فاضل : طب قاعدين فين فى الطائرة ثم يسترسل بضيق وبنبرة أعلى من سابقتها : وم تقوليش مش عارفين يا كابتن جلال ،،،، فيرد كابتن جلال (بتردد) : لأ

ينشرح صدر مستر فاضل وشوكت بيه ويبتسمون ويهزون رؤوسهم إستعداداً لتلقى معلومة مفيدة من كابتن جلال، فيسترسل كابتن جلال بهدوء : للأسف ماعندناش فكرة يا شوكت بيه، الذى يرد بدوره (بنرفزة): طب تعرف إليه إوصف لى الموقف، فيرد كابتن جلال : فجأة، لقينا صوت فى الطائرة بيعلن عن نفسه إنه خاطف الطائرة وأمر جميع الركاب تنفيذ التعليمات

فيصححه مساعد الكابتن (بسذاجة) : تنفيذ الأوامر، الأوامر يا كابتن، مش التعليمات. فما كان من كابتن جلال إلا أن يرفع يده اليمنى نحو مساعده وينظر إليه بإبتسامة يتداخل معها غيظ شديد من قمة غبائه ويجز على أسنانه وكأنما يريد أن يضربه ويأمره بمنتهى الغيظ أن يصمت، فيسترسل شوكت بيه: طب إليه مطالبه يا كابتن جلال

• لسه مش عارفين

• طب إتواصل معاه وإعرف منه هو عاوز إليه .قالها شوكت بيه (بغیظ) .

(٣) التكليف

أمن الدولة

مقدم أدهم بالثلاثينات من عمره، عريض المنكبين والوجه، ذو شارب ثقيل، وشعر كثيف، رجل ليس بالطويل، يدخل على رئيسه اللواء شاعر الجالس بمكتب الضابط الكبير محيي باشا بأمن الدولة، بغرفة بها أثاث فخم ويعطى التحية، يلمح رئيسه اللواء شاعر إرتبأكه فيطمئنه : أقعد يا أدهم

محيي باشا : سيادة اللواء شاعر ببشكر فيك يا سيادة المقدم، فيhez مقدم أدهم رأسه مبتسماً، ومن ثم يسترسل محيي باشا : قولى يا سيادة المقدم، إنت خدمت فين وفين .

خدمت فى الصعيد سعادتك ومرسى مطروح والقلوبية و فيقاطعه محيي باشا وهو ينظر للملف الذى أمامه : لا .. لا .. لا .. المره دى العملية فوق.

• فوق فين يا فندم ؟

• فى السما

فيتعجب المقدم أدهم فيطمئنه اللواء شاعر : م تستغريش كده يا أدهم دى طياره مخطوفة من حوالى ٢٠ دقيقة، كانت رايحه من القاهرة لأستردام ، وكان لازم نجتمع فوراً ونحدد فريق العمل .

محيي باشا (للمقدم أدهم) : "سيادة المقدم أدهم" إنت تم تكليفك من دقايق بس بمهمة خطيرة على قدر عالى من الأهمية والحساسية بالنسبة للرأى العام، وسيادة اللواء شاعر هو إللى رَشَحَك للعملية دى على مسؤوليته

ويواصل محيي باشا حديثه بتعجب وسخرية : لإنى بصراحة مش شايف حاجه أوفر over فى ملفك وينظر اللواء شاعر ويشير إشارة بسيطة بيده اليمنى ناحيته ويسترسل :

- وهو إالى ه يتابع معاك كل إالى ه توصله .

وهكذا يحيل محيي باشا العملية برمتها للمقدم أدهم للعمل تحت رئاسة اللواء شاكِر في كل ما يخص العملية وعلى ما يبدو أنه غير مقتنع بهذا الترشيح . فهو لا يجد بملف المقدم أدهم ما يؤهله لتلك العملية الصعبة

اللواء شاكِر : وإنت رايح شركة ستار إير لاينز دلوقتى تتولى مهمتك، فيقاطعه مقدم أدهم (بإستغراب وغضب) : هو أنا إنتقلت أمن الشركة يا فندم، طب ليه يا فندم

وهنا يستشعر محيي باشا الحالة التى يمكن أن تقول إليها الأمور بعد تولى المقدم أدهم تلك العملية الصعبة ، فقد بدأ فى إبراز مواهبه اللواء شاكِر (بغيط جازاً على أسنانه) : يا إبنى إنت ه تروح الشركة تستقصى الأمر بس .

مقدم أدهم : تمام يا فندم

اللواء شاكِر : و ممكن تحدد فريق عملك إالى ه يشتغل معاك بالتليفون يواصل مقدم أدهم ردوده العبقرية (بإستغراب) : يعنى مش مسموح أتواصل معاهم إلا بالتليفون بس يا فندم، فينظر محيي باشا للواء شاكِر بضجر مستشعراً الأمر ومتأكداً من فشل العملية لا محالة .

محيي باشا (للواء شاكِر) بسخرية : إنت متأكد إنه ه يحرر الطائرة ولا ه يفجر الطائرة يا سيادة اللواء، فيشير اللواء شاكِر إلى صدره وكأنما يريد أن يقول "على مسؤوليتى" فلا يملك محيي باشا من الرد إلا رفع يديه إلى السماء وطلب الستر من الله ،،، يشير اللواء شاكِر إلى المقدم أدهم بيده اليمنى ويبدأ فى الحديث إليه ببطء شديد وبالتفصيل الممل ويجز على أسنانه وكأنما هى طريقة التعامل المعتادة بينهم لتوصيل المعلومة فيوضح اللواء شاكِر (للمقدم أدهم) ببطء وتفصيل شديد :

- سيادة اللوا يقصد إنك تحدد فريق العمل إلى ه تحدد إنت بنفسك، بالتليفون، لكن ه تتواصل معاهم قبل وأثناء وبعد العملية بكافة وسائل الإتصال.

ويزيد جز اللواء شاكر على أسنانه غيظاً من المقدم أدهم ويسترسل حديثه إليه : على سبيل المثال لا الحصر، التليفون والتلكس والفاكس والواتس والفيس والمحمول بكافة أنواعه وماركاته، وبإستخدام كافة شبكات المحمول الثلاثة والرابعة إن وجدت وغيرها من الوسائل المتاحة سواء القديمة أو الحديثة وللموضوع بقية، أبقي أشرحهولك بعدين، ويخفض اللواء شاكر صوته ويجز على أسنانه غيظاً من المقدم أدهم ويسترسل حديثه إليه : ه تودينا ف داهية يا أدهم يا ابن فيقاطعه مقدم أدهم : تمام يا فندم

محيي باشا (للواء شاكر) (بسخرية) : لأ سريع البديهة كمان، م قولتهاليش دى يا سيادة اللواء، هى دى الطريقة إلى بي فهم بيها، دا إحنا نكون دفعنا الفدية وخلصنا التحقيقات السنة الجاية، والطيارة إلى بعديها تكون إتخطفت كمان،

ويحول محيي باشا وجهه وحديثه (للمقدم أدهم) : سيادة المقدم مفيش وقت تقدر تتصرف،

فيضرب المقدم أدهم التحية العسكرية لمحيي باشا

مقدم أدهم : تمام يا فندم

محيي باشا (بسخرية): سيادة المقدم عاوزك ترجعلى بالأوسكار، ويشير محيي باشا بقبضة يده كناية عن رمز القوة، وباليته ما قالها !

• أوسكار إيه يا فندم ؟

• أوسكار أسرع عملية تحرير رهائن فى التاريخ يا سيادة المقدم،
أمال أوسكار أحسن صنية محشى يعنى.

- طب كت قولى إنه مسموح بالهزار يا فندم كنت ضحكتكوا شويه، دا أنا حتى لسه جايلى شوية نكت طحن آخر حاجه ع الواتس بس يا خسارة مش فاكّر ولا واحدة .
- إحنا ه نهزر ولا إيه يا سيادة المقدم ويسترسل (بسخرية) : وکمان مش فاکر ولا نکتة يعنى کمان عندک زهايمر وَاَنتِ فى السن ده، ويبرأ إلیه محيي باشا وينظر إلیه بتركيز : إَنتِ خدمت معايا قبل کده .

يُودى المقدم أدهم التحية العسكرية لمحيي باشا فيخطئ قائلاً : أوسكار يا فندم، لكن سرعان ما يتدارك خطؤه فيصحح ما قال ويُلقى التحية العسكرية لمحيي باشا بشكل صحيح: إيبيبويه، تمام يا فندم ثم يسترسل (بجدية): ه أخلى الترزى يوسع جيب البدلة يافندم

- ليه ه تعملها على روحك ؟
- عشان تساع تمثال الأوسكار يا فندم
- طب يلا عشان تلحق الترزى
- تمام يا فندم

يبرأ إلیه محيي باشا مرة أخرى و ينصرف مقدم أدهم و يُحرّك محيي باشا رأسه يميناً وشمالاً بإستتکار ويجز على أسنانه وقد أصابه اليأس وإستسلم وأيقن بفشل العملية حتماً محدثاً نفسه : ترزى هو بغاوتُهُ، آل أوسكار آل، طب دى القصة دى لو إتعملت فيلم يمكن تفشل بسببك يا أدهم يا ابن ،،، فيسأل اللواء شاکر : هى أمه إسمها إيه يا سيادة اللوا ؟ فيhez اللوا شاکر ידיهِ بأنه لايعلم فيسترسل محيي باشا (لواء شاکر) : ياريت تديله تعليماتك يا سيادة اللوا لحسن يطينها، فيرد اللواء شاکر : يطينها، يطينها إزای يا فندم دى ف الجو ، فيبرأ محيي باشا بعينيه شاخصاً نظره تجاه اللوا شاکر ويجز على أسنانه غيظاً منه وكأنما يتهمه بالغباء،

فلم تكن تكفيه مواهب المقدم أدهم فقط، بل يشك في قدرات اللواء شاكر أيضاً، فيُخرج اللواء شاكر ويخرج مسرعاً من الحجرة ليتبع المقدم أدهم ليشرح إليه، يتمم محيي باشا في سره بصوت خافت : يا دوب ألحق ألم متعلقاتي قبل ما يجيلي خبر انفجار الطائرة ويرجعوني م البيت عشان أقدم إستقالتي، وف كل الأحوال ضمنت أوسكار أسرع إستقالة.

مقر شركة الطيران

حيث تدخل السكرتيرة على المسؤولين المجتمعين مُسرعةً لتخبر فاضل بيه : "مستر فاضل" ،، سيادة المقدم أدهم الدندراوى من أمن الدولة يا فندم .

ينهض مستر فاضل رئيس الشركة خارجاً بخطوات متلاحقة بسرعة من حجرة الاجتماعات لإستقباله ليرحب به ويصافحه : أهلاً أدهم بيه،، ويصطحبه لغرفة الاجتماعات للانضمام إليهم، ينظر شوكت بيه لقائمة أسماء الركاب : أدهم بيه إحنا عندنا إسم كل راكب بمكانه ع الطائرة ياترى نقدر نجيب معلومات عن كل واحد ؟ فيرد أدهم بيه : إحنا ه نتصل حالاً بأمن الدول دى يدونا معلومات كافية عن ركابهم فوراً، ورينى كده اللسته دى، فيعطى شوكت بيه قائمة بأسماء ركاب الطائرة لأدهم بيه الذى يتناولها وينظر فيها محدقاً بعينين ثاقبتين ويطيل النظر فيقطع مستر فاضل هذا الصمت : خير يا أدهم باشا

أدهم بيه : معظم الدُول دى عندنا تعاون أمنى معاهم، وبكده نقدر نُحصُر الخطر فى عدد من الكراسى بس،، تمام،، ويلتقط أدهم بيه صورة لقائمة ركاب الطائرة بالموبايل ويرسلها بالموبايل ويسترسل : أنا بـ أبعثها للمكتب دلوقتى وه يتعاملوا معاها فوراً ، ويتحدث أدهم بيه فى التليفون : "رائد عماد" ياريت تعملى (ويخفى صوته تدريجياً مع إرتفاع صوت باقى المسؤولين الجالسين بالحجرة) وفى نفس الوقت يرى الجميع على الشاشة ما يحدث داخل الطائرة من خلال الأنظمة الأمنية الجديدة ويُنهى أدهم بيه مكالمته .

نادر القبانى (المسئول بالشركة) : تمام إحنا راصدين وشايقين كل حاجه

شوكت بيه (بإستسلام) : but do not understand anything
بس مش فاهمين أى حاجه.

أدهم بيه : إنت بتتكلم إنجليزى ليه يا شوكت بيه، ثم يسترسل أدهم بيه بصوت عالى ملئ بالثقة للجميع وتعبيرات كوميدية : المهم تكون أعصابكم حديد ومسيطرين على كل حاجه، الثقة، الثقة أهم حاجه،

وينظر لشوكت بيه ويتكلم بالإنجليزية مثله : Confidence

ويسترسل مقدم أدهم :كلها ساعة واحدة ويوصلنا تقرير عن الركاب كلهم ونقدر نحدد الكلب دا قاعد فين ونتعامل معاه، العملية دى ه تبقى أسرع عملية تحرير رهائن من القرن الخمستاشر ١٥ ، فيتلعثم فيها فينطقها بالإنجليزية : ناينتinz سينشرى 19th century

فينظر إليه فاضل بيه بسخرية و إستغراب و يتمم : وهو كان فى طيارات ياسيادة المقدم !!

(٤) الخدعة

وبالطائرة

وفجأة نسمع صوت الخاطف يتحدث من خلال الشاشة : كل واحد يدوس على الزرار إلى فوقه.

فيسأله راكب : إمتى، فيجيبه الخاطف (بصوت عالي) : فوراً دلوقتي، فيتدلى قناع (ماسك) أصفر بوجه قط ضاحك بشنبات سوداء رفيعة smiling cat mask.. ينزل القناع أمام الركاب .

وكأن الخاطف لا يريد أن يضيع وقته، فبما أنه هناك إختطاف، فمن المنطقي أن تكون هناك ردود أفعال ومجابهة، فالخاطف يريد أن يباغت ويواجه أى خطوة عكسية للمجابهة بسيل من المفاجآت.



فيبادر الخاطف : كل واحد ياخذ القناع إلى نزل أدامه ويلبسه فوراً فوق هدومه، فيبدأ الركاب بفرد الأقنعة والتي تصل من الرأس حتى بعد منتصف الجسم قليلاً، والكبير يساعد الصغير، تتعالى ضحكات الأطفال الذين يظنونها لعبة بينما يزيد توتر الكبار .

أما بمقر شركة الطيران

فينظر شوكت بيه مسئول الأمن بالشركة إلى الجميع وإلى أدهم بيه ضابط أمن الدولة بالتحديد، فهذه المفاجأة التي أربكت تحرياتهم لم تكن في الحسبان

وبالطائرة

لحظات ويتحدث الخاطف مرة أخرى :كل واحد يقوم بغير مكانه، مش عاوز ألاقى حد فى مكانه خلال دقيقة واحدة، وبعد دقيقة كل واحد ه يرفع تذكرته فوق وه اعرف إن كان فى مكانه ولا لأ ***** من الواضح أن لدى الخاطف خطة دقيقة مُعدّه مسبقاً وبتجهيز فائق وكأن كاتباً كتب لها سيناريو دقيق

صوت الخاطف (بقوة) : إنتوا ماقومتوش ليه ؟؟؟

بعض الركاب بالخلف : مش سامعين ، الصوت مش واصل ، على صوتك

فيعيد الخاطف أوامره بصوت أعلى ، فيستجيب من كانوا لا يسمعون بالخلف ويغيروا أماكنهم

وبمقر شركة الطيران يتبادل أدهم بيه وفاضل بيه وشوكت بيه والمسئولين بالشركة نظرات التعجب واليأس فهذه المفاجأة أيضاً قد أربكت تحرياتهم حيث لم تكن فى الحسبان، يتحدث شوكت بيه (بعصبية وبطريقة كوميدية) : كل المجهود إالى إحنا بنعمله ده مش ه ييجى بفايدة زى م كنا متصورين لأن المعلومات إالى ه تجمعها يا أدهم بيه ه تبقى عن الركاب بأماكن كراسيهم الأصلية، لكن دلوقتى، ويهز رأسه يميناً وشمالاً ويسترسل :

الخطاف غيّر الأماكن وم نعرفش مكان كل واحد أو الخطر جاى من أنى كرسى،

ده على مستوى عالى من الذكاء وينظر لأدهم بيه ويسترسل :

علشان م نقدرش نعرف مين الكلب إالى عمل كده، ثم يسترسل (بهدهوء) : م افتكرش ه تبقى أسرع عملية تحرير رهاين يا سيادة المقدم،

فيرد أدهم بيه (بعصبية) : إسكت عشان نعرف نفكر، م تعملش زى الخايله الكدابة كده، ويهز كتفه لأعلى وكذلك يديه ويسترسل : جايز م تكونش أسرع عملية فى القرن الخمساشر لكن جايز تبقى أسرع عملية على مستوى القرن الستاشر، المهم ندخل موسوعة جينيس، فينظر إليه فاضل بيه بسخرية وقد أيقن الهلكة : لأ ، من الناحية دى يى يى أنا مطمئن خالص، فيرد أدهم بيه عليه (بهدهو وثقة) : و انت إالى ه تكتب بنفسك الحدث ده فى الموسوعة، وبكره أفكارك، فينظر إليه فاضل بيه ساخراً، تبدو نظرات متباينة من بعض الحضور وكأنما هى نظرات عدم ثقة من أداء مقدم أدهم، فيسترسل مقدم أدهم بمنتهى الثقة : أدهم الدندراوى لما يوعد بحاجة ويسترسل (بتصميم وحزم وهدهو ممزوج بثقة) : لازم ينفذها، ويعيدها بصوت رنان قوى "لازم ينفذها"

يتصل أدهم بيه بكابتن جلال قائد الطائرة ويسأله (بعصبية) : كابتن جلال، لسه م قلش مطالبه، فيرد كابتن جلال (باستتكار) : مين حضرتك

يشعر أدهم بيه بالإحراج ، فيتحدث فاضل بيه لكابتن جلال بدلاً منه ليرفع عنه الحرج : دا سيادة المقدم أدهم من أمن الدولة يا كابتن جلال كابتن جلال : لسه يا سيادة المقدم، تبدو على وجه مقدم أدهم علامات التركيز الشديد ويضع يده اليمنى على جبهته ويتكلم بمنتهى التركيز والهدهو :

- إسمع إالى ه قولهلوك دا كويس أوى وتنفذه بالحرف الواحد
فينظر فاضل بيه لمقدم أدهم متفائلاً منشراح الصدر وينظر شوكت بيه لفاضل بيه كذلك، فاضل بيه منتظراً سماع الخطة الرهيبة التى ستطرح بالخاطف وتُنتهى عملية الإختطاف بل وتنتهى الموضوع برمته بلمح البصر بل وتنتهى تلك القصة عند صفحتها السادسة والعشرون وكفى توفيراً للطباعة

شوكت بيه منتظراً ما سيصدر من خلال تلك الأعين الثاقبة والتركيز العميق للمقدم أدهم فيكتمون الأنفاس ويتمتم شوكت بيه (فرحاً) : هو دا الشغل

وجوه الجميع يتربعون خطة أدهم بيه الرهيبة فعلاً فقد آن الأوان، فيقطع أدهم بيه هذا الترقب بقوله (بمنتهى التركيز والهدوء) : حاول تتواصل معاه وتسمع مطالبه بمنتهى الدقة، وقلبنا معاك، بلاشك تبدو على وجوه الجميع علامات الصدمة والدهشة من مستوى أداء المقدم أدهم فليس هذا ما ينتظروه، فنسمع زفير أنفاسهم التي كانت محبوسة ونواصل طباعة القصة من بعد صفحاتها السادسة والعشرون ، فيعلق فاضل بيه متمتماً (بسخرية) : لأ قربنا،

يُمسك المقدم أدهم بموبايله ويتحدث إلى الرائد عماد : أيوه يا عماد إعرفلى رقم البوابة إالى ركبو منها، فيقاطعه نادر القباني المسئول بالشركة وكأنه يعرف الرد : بوابة ٣٢، فيسترسل أدهم بيه إلى الرائد عماد : بوابة ٣٢، ركبو من بوابة ٣٢ يا عماد، عاوزك تجيبلى كمان تسجيلات صالة الإنتظار فى المطار والكافيهات القريبة من الصالة ومن بوابة ٣٢ فى الوقت إالى ركبو فيه

بالطائرة

يتحدث كابتن جلال من خلال الإذاعة الداخلية للطائرة : عزيزى خاطف الطائرة إحنا جاهزين لسماع مطالبكم حَول، فيكون رد صوت الخاطف (بقوة وحزم) : مش شُغلك أنا إالى أحدد أتكلم أو م اتكلمش، وأنا إالى أحدد، أظهر أو م اظهرش، ممكن تسكت، كُت، cut ثم يسترسل الخاطف (بهدهوء) : وبعدين الصبر، ه اقولك، هى الدنيا طارت، الصبر، بهدووووء، الرحلة طويييييلة، ه اقولك فى الوقت المناسب، حَول

فينظر إليه مساعده بقلق شديد بقمرة القيادة وكأنما يريد أن يسأله،
فينظر إليه كابتن جلال قائلاً بهدوء : ما تقلقش، دا مش ه ييجى إلا
بكده، دا بيخطف الطيارة علشان يطلع بملايين، يعنى عاوز يعيش
ويتمتع، ثم يسترسل متسائلاً : صح ؟

ينظر إليه مساعده بقلق شديد ويهز رأسه بالإيجاب مؤكداً ذلك ، فيرد
كابتن جلال : يبقى مش عاوز يموت، دا مكبلش فى الدنيا، أنا بقه ه
أجيبهولك راکع هنا فى الحتة دى، ويشير بيده لأرضية الكابينة
ويسترسل : ويتحایل علينا كمان، إيه رأيك بقه ؟ فينظر إليه مساعده
بإستغراب،،، إنها فلسفة، فلسفة من يستسلم أولاً، من لديه قوة تحمل
أكبر، تطبيقاً لمقولة "لولا قتلها، لقلتها أنا" ومرة أخرى نحن على
إحتمالات أعتاب إنهاء القصة برمتها إما بالموت المحقق للجميع أو
النجاة وإستسلام الخاطف

وفى تلك الأثناء وبمقر شركة الطيران ينظر مستر فاضل لأدهم بيه
وشوكت بيه ويبادلونه نظرات القلق فيبادر شوكت بيه: هو جلال
بيعمل إيه ! فيhez فاضل بيه رأسه بأنه لا يدري

وعودة مرة أخرى إلى تلك الطائرة وتلك الرحلة العجيبة، يحاول كابتن
جلال التظاهر بالثبات ويحاول التلاعب بأعصاب الخاطف، لكن لا
أحد يدري هل يُفلح فيما فكر فيه أم ستبوء حيلته المتهورة بالفشل،،،
كابتن جلال (للخاطف) (بثقة) : ها، قلت إيه؟ بوظت لك الخطة، مش
كده، ويضحك كابتن جلال بملئ فيه بمنتهى الثقة ويسترسل : لا ،

ماهو إنت ماتعرفنيش، لو إنت مجنون قيراط، أنا مجنون ٢٤ قيراط
ويكون فى عِلْمك أنا لسه طالع من عنبر ٢٥ من شهرين إثنين بس،
ودى أول رحلة ليا بعد العلاج

بشركة الطيران ينظر شوكت بيه لأدهم بيه: ه تعمل إيه يا أدهم بيه، فينظر إليه أدهم بيه بلا رد، ثم ينظر فاضل بيه لأدهم بيه وكأنما يريد أن يسأله نفس السؤال

وبالطائرة ينظر مساعد كابتن جلال إليه بإستغراب وقلق شديد، فيتحدث إليه كابتن جلال داخل الكابينة (بنقة) : يا صابت يا خابت تسود حالة من السكون بين الركاب، مثل التى تسود فى المطبات الهوائية العاتية ولا ندرى إلى ما تصير وكأنما هى ترقب من يستسلم أولاً لهذا الضغط العصبى الرهيب، ثوانى تفصل بين النجاة (فى تراجع الخاطف) أو الموت المحقق (بتهور كابتن جلال وإصراره)

كابتن جلال (للخاطف) : الإرتفاع دلوقتى ٢٥ ألف قدم، يعنى نزلنا تسع تلاف قدم فى الدقتين دول، ودلوقتى ه أجيب الخامس وع البحر عِدل، يصفق عدد من الركاب وكأنما يؤازرون كابتن الطائرة ويقبلون التحدى المجنون فى وجه الخاطف الذى يرد (بنزفة) وقد تحشرج صوته متهمهم بالجنون

راكبة متهورة : أنا الدكتور قالى مش ه تخلفى إلا إذا إتعرضتى لصدمة جامدة، يلا يا كابتن زود السرعة إحنا معاك
الخاطف (بصوت قوى) : مجانيين هى دى الشجاعة، كلها دقيقة واحدة وتموتوا كلكوا ، إلا أن راكبة أخرى ككثير من الركاب لا يعجبها الحوار المتهور ولها رأى آخر فتصرخ معترضة : مش عاوزه أموت سيبونى أعيش ، فيتحدث الخاطف (لكابتن جلال) : إنت مصمم ع اللى فى دماغك بردو، بس إنت بتئذى الناس إلى معاك ما بتئذنيش أنا

هكذا يتحدث الخاطف وكأنما هو ناصح أمين يخشى على الركاب من أن تصيبهم نسمة هواء بل وحريص على مصلحتهم كل الحرص فيرد كابتن جلال (بنقة) : ليه، إنت مش ه تموت معانا ولا إيه، ع العموم إحنا على إرتفاع ١٨ ألف قدم دلوقتى،،

مراوغة من كابتن جلال لعلها تُفْلِح لإنقاذ مائة وستون راكباً على متن تلك الطائرة بدلاً من أن تتفاقم الأمور إلى إملاء الشروط من جانب الخاطف، فبعد هذه الدقائق من كتم الأنفاس والحيرة بمن يكسب هذا السيجال يحسم الخاطف الموقف لصالحه بمفاجأة من العيار الثقيل حيث نسمع صوته يتحدث بثقة وقوة :

أنا مستر فاي يعنى موجود ومش موجود، موجود بسيطرتى الكاملة ع الطائرة ومش موجود لإنى مش ع الطائرة، أيوه، أنا مش ع الطائرة، و بأتحكم فى الإذاعة الداخلية للطيارة من الأرض، والمراوغة إالى بتعملها دى مش فى مصلحتك، والصندوق الأسود ه يشهد إن إنت إالى وَقَعْتَ الطائرة، وتفضل نقطة سودا فى تاريخك، أنا مش ه أخسر حاجه و ه أفضل زى ما أنا تحت، هنا فى مكتبى،

الركاب يتلفتون ويتهايمسون وحيث تُخفى الأقنعة وجوههم، لكننا نكاد نلمس قلقُهُمْ فى تَلَفُّتِهِمْ وتمتمتهم والتى تعكس هذا القلق وعلى ما يبدو فقد إستسلم كابتن جلال أخيراً ليحسم الخاطف الموقف دون جدال وبدأ يستقر بالطائرة مرة أخرى، ومن ثم إنخفضت أصوات المحركات،

لحظات ونسمع صوت مستر فاي الخاطف يتحدث بصوت مسموع بالطائرة للطيار : "العقل حلو إنت زى إالى عاوز يجيب جون فى نفسه" ثم يسترسل : "كابتن ،، إحنا فين دلوقتى؟" فيرد كابتن جلال رد البائس وكأنما تلقى هزيمة ثقيلة ١/٨ : "إحنا لسه يا دوب عدينا ساحل إسكندرية بميل واحد" ، فيسأله الخاطف : المسافة من هنا لنهاية الرحلة فى أمستردام كام كيلو؟"

- ٣٣٠٠ كيلو
- وبتقطعها فى كام ساعة
- فى حوالى ٥ ساعات
- المسافة من هنا للهند كام كيلو يا كابتن

• الهند؟ الهند؟! قالها كابتن جلال (باستغراب)

تسخر راکبة ويغم عليها من الفزع ويعلو صراخ بعض الركاب بجوارها

تصرخ سيدة (ثرثرة) لا تترك أحداً إلا وتحدثت معه : ما تلحقونا بمياه يا جماعه الست مسوره ،،، وتنظر لأحد المضيفات التي تبدو عليها علامات الهدوء والأدب، والتي تستجيب على الفور، فتتظر إليها تلك السيدة بعدما تلمح إسمها على البادج الخاص بها : إنتى إسمك نادين، والله إنتى مؤدبه، تعرفى شكلك بنت ناس ومش وش بهدله، كان مالك ومال الشغلانه دى، تُبادلها نادين النظرات بإبتسامة صامته، تلاقيكى بتسددى قسط الشقة مع جوزك، ولا أبوكى مزنوق فى قسط العربيه نادين (بتواضع) : فعلاً بابا عليه ٢٠ مليون

السيدة الثرثرة : مش قلناك، ودول بتوع إيه دول ياختى نادين (بتواضع وشفافية) : دا باقى تمن الطياره الأخرانيه إلیى إشتراها لأختى

السيدة الثرثرة : بُصى ،، موتى وسمى إلیى يُفشر نادين (بتواضع) : لا صحيح، لإن لونها مش ماشى مع لون اليخت لما بنطلع بيهم رحلة الصيد فى البحر،، فتجز السيدة الثرثرة على أسنانها (فقد أيقنت مستوى نادين الحقيقى) والتي تبدو صادقة تماماً فيما تقول ببراءتها المتناهية

السيدة الثرثرة : نادين يا حبيبتى، إمشى من أدامى وم تققعش مرارتى، لحسان شوية شوية تقولى البحر كمان بتاع أبوكى يتكلم راكب آخر يبدو من صوته أنه شبه نائم أو مسطول : وإيه برنامج الهند بأه ،،، إء (زغطه) أنا أنا نفسى أشوف أميتاب ،،، إء (زغطه) باتشان

بشركة الطيران

يتساءل شوكت بيه : إيه الفوزة دى وينظر شوكت بيه للجميع كما لو كان إمتحاناً بالإعدادية بلجنة الإمتحان بمادة الرياضيات، فيتلفت بطريقة كوميدية واضعاً يديه على الترابيزة : حد حلها ثم يسترسل (بصوت منخفض قليلاً) : تقريباً ه يطلب نص قطر الدائرة يتداخل ويتجاوب نادر القبانى بأسلوب كوميدى كما لو كانوا تلاميذ بإمتحان الإعدادية فعلاً قائلاً (لشوكت بيه) : ه يطلب المسافة والحل ٤٤٠٠ كيلو، إكتبها قبل ما يلما الورق فينظر إليهم فاضل بيه وأدهم بيه شذراً ،

وبالطائرة يعلو صوت الخاطف بقوة : أيوه الهند، عندك مانع فيرد كابتن جلال : حوالى ٤٤٠٠ كيلو

بشركة الطيران تظهر الفرحة على وجه نادر بيه القبانى والذى يهله بيديه (مبتهجاً) بدون صوت ثم يقول : صح مش قلتك ، فيعلق شوكت بيه ساخراً : واضح إنك بتذاكر من ورائنا، فينظر إليهم فاضل بيه وأدهم بيه ومسؤولين آخرين بسخرية

بالطائرة

كابتن جلال : إيه ناوى تقسحنا هناك ولا إيه فيرد الخاطف (بسخرية) وكأنما ناصح أمين : ودا وقت هزار بردو، إنت مش دريان بالمصيبة إالى إنتوا فيها ولا إيه، مش تبقى على مستوى المسؤولية كده وتحس بآلام الناس إالى حواليك،،، و دى بتقطعها فى كام ساعة

- فى حوالى ٥ ساعات ونص يا خاطف باشا
- لأ كده الموتور دا بياكل بنزين معاك، إبقى أظبط وش التاكيهات

كابتن جلال (لمساعدته) : إيه دا ميكانيكى دا ولا إيه ! فيسترسل الخاطف : قولى يا كابتن البنزين إالى فى الطائرة يمшина أد إيه، شفت بقه، كل حاجه ليها وقتها، أدينا جينا لموضوع البنزين أهه، م تستعجلش فى السؤال

- تقريباً ٦ ساعات مش أكثر من كده
- دا على فرض إن الموتور بتاعك مضبوط، طب خلاص عندنا وقت براحتنا خالص

بشركة الطيران

شوكت بيه : دى تقريباً شركة بوينج عامله الكاميرا الخفية و ه يطلع مندوب الشركة بيقيس إستهلاك البنزين وعرفت منين سعادتك ! قالها أدهم بيه بسخرية ، فيرد شوكت بيه : مش شايف الأسئلة، أكيد لقوا كام طياره بتاكل بنزين ف بيخلص بسرعة فالطيارة بتقع

بالطائرة

كابتن جلال (متعجباً) : براحتنا ! طب تؤمر بحاجه عاوزنى أغير إتجاهى، أغير إرتفاعى، أه، مش شايف مسدس فى دماغى ولا حاجه يعنى

لا دى مش طريقتى، أنا أحب آخذ الشغل ع الهادى خالص وبهدووء،، وبعدها بثوانى، نسمع صوت الخاطف فجأة و(بقوة): خد يمينك، فيستكر كابتن جلال معترضاً فيرد الخاطف:

- خد يمينك عندك إعتراض ، قالها الخاطف (بحزم)
- لا أبداً، بس مش فاهم يعنى أدى إشارة وأطلع إيدى للطيارة إالى على يمينى وأدخل يعنى ولا إيه !
- بتهزر !! يعنى إحنا فى مصيبة ،، وحضرتك بتهزر

- واللہ ما فاهم تقصد إیہ یا معالی الخاطف
- إمشی یمییییییین ،، کإنک رایح الهند
- إیہ ! دا أنا أطلع إیدی وأدی إشارة یمین أرحم، دا یمقی شغل بلدی لا یتناسب مع تاریخی المهنی
- تاریخک ال إیہ ! المهنی ! (ثم بصوت قوی) : إمشی یمیین
- دا مش ممکن دا أنا لازم أرجع للبرج ویدونی خط سیر ملاحی وارتفاع وأظبط حاجات کثیر
- الخاطف (مقاطعاً بصوت قوی) : إعمل زی م باقولک،، نسمع عدد من الركاب یصرخون،
- راکب (لراکب بجواره) : ربنا وعدنا بخاطف عصبی وطار طالع من عنبر ۲۵
- الراکب بجواره : إیہ الحظ المهبب ده
- فیلجاً عدد من الركاب لتهدئة التوتر حتی لا یغضب الخاطف ویتهور بأی تصرف غیر محسوب العواقب فیتحذثون (للكابتن) : ما تعمل زی م بیقولک یا کابتن
- فیُسِر الخاطف لذلك قائلاً (للكابتن) : شوفت أهی دی ناس عاقلة ، بتعالج الموضوع بحکمة
- ویسترسل صوت الخاطف (للكاب) : أُلله ، هو إنتوا إتحفظوا قبل کده ولا إیہ، فیرفع أحد الركاب یدیہ قائلاً : مرتین (کنايةً عن خطفه مرتین من قبل) ویرفع آخر یده : أربع مرات ، فیرد صوت الخاطف (للكاب) : ماشاء الله، لأ ه نعرف نتفاهم
- بشركة الطيران
- یتداخل شوکت بیه من مقر شركة الطيران والذی یسمع مع بقية المسؤولين ما یحدث بالطائرة : ما تسمع الکلام یا کابتن جلال وما تودیش الدنيا ف داهیه إحنا مش عاوزین مشاكل أكثر من کده

شاشة التلفزيون - إستوديو لبرنامج توك شو

مكتوب على الشاشة "برنامج حديث الساعة" فنشاهد برنامج توك شو يستدعى طبيب نفسى يحلل شخصية الخاطف، يظهر الطبيب النفسى بملابس كوميدية غير متناسقة،

جاكت أزرق مربعات وقميص بنى وكرافات أحمر
المذيع : يا دكتور تقدر تحللنا شخصية الخاطف زى ما تواترت الأخبار دلوقتى من قاعة الإحتفالات، وأكد الحدث لسه مستمر لحد اللحظة إالى إحنا بنتكلم فيها دى، يرد الطبيب النفسى بثقة : والله أنا شايف طالما إنه بيتكلم بصيغة الجمع يعنى، إحنا ه نفجر، إحنا ب نسيطر، دا بيؤكد على إنه مريض بمرض الوحدة، يعنى هو واحد بس، وممعهوش حد يساعده، فلازم يستخدم صيغة الجمع، ودا فى صالحننا

وبمنزل الطبيب النفسى

حيث زوجة الطبيب تشاهد البرنامج بمنزلها بصحبة أقربائها ومن ورائهم صورة زفافهم

زوجة الطبيب النفسى (لقربياتها وصديقاتها) (بسخرية) : ده تحليل غلط، ده بقاله معايا ٢٥ سنة وم عرفش يحلل شخصيتى، يبقى ه يعرف يحلل شخصية واحد ماشافوش قبل كده

يتحدث الطبيب النفسى على شاشة التلفزيون : وده غالباً متهور أو ه يطلع مختل

زوجة الطبيب النفسى بالمنزل (بسخرية) : والله ما فى مختل إلا إنت يا صالح يا ابن فوقيه،

بينما يشاهد مستر فاضل رئيس شركة الطيران هذه الشاشة من ضمن شاشات المتابعة للموقف مع المسؤولين بمقر شركة الطيران فيتحدث (بعصبية) : سكتوا الحمار ده،

فيواصل شوكت بيه حديثه الساخر : فعلاً ه ندخل موسوعة جينيس،
لحقت الأخبار وصلت ! آدى الموبايلات واللى خدناه منها، فضيحتنا
بقت بجلاجل يا فاضل بيه

فينظر إليه مقدم أدهم بإشمئزاز متعجباً من كلمة "جلاجل" والتي لا
يجب أن تصدر عن مدير أمن الشركة قائلاً (بسخرية) : جلاجل ! هو
الباشا بيشتغل إيه !! ثم يلتفت مقدم أدهم لفاضل بيه ليوجه إليه
الحديث : "فاضل بيه" الرجل دا م يحتفلش معنا بتحرير الطائرة ،
فيرد مستر فاضل (بسخرية) : دا على أساس إننا حررناها خلاص

أدهم بيه : Confidence الثقة ، فيرد شوكت بيه (بسخرية) : ثقة
!!! بعد كل إلی إحنا فيه ده ، فيجز أدهم بيه على أسنانه (بغيط) :
لو سمحت سكوت، يرن موبايل أدهم بيه فيرفع سماعته : أيوه يا
عماد، طب إبعتهالى ع الإيميل بتاعى وأنا ه أفتحه من هنا، إسمع،
وعاوزكو تحللو الشرايط دى وتقارنوها بلسته الركاب وتبلغنى بأى
حاجه مهمة فى ملفاتهم، ما إن ينتهى أدهم بيه من المكالمه حتى
يطلب لاب توب من نادر القبانى ومن ثم يشاهد الفيديوهات باللابتوب
فيظهر على شاشته مشهد نهارى قبل إقلاع الطائرة بصالة الإنتظار
وبوابة الخروج رقم ٣٢ وعلى شاشة الكمبيوتر يرى الجميع على
الشاشة حركة المسافرين بالمطار بصباح هذا اليوم (يوم الإختطاف)،
حيث أناس جالسين فى أماكن الإنتظار المخصصة بصالة الإنتظار،
وعدد من المنتظرين بصالات الطعام المجاورة يتناولون وجبات خفيفة
ومشروبات

فتظهر راكبة أرسقراطية فى الثلاثينات من عمرها تجلس بالكافيه
تتناول النسكافيه وترتدى ملابس فى منتهى الشياكة وبالطو جلد أسود
وتتحدث بالموبايل ،، ورجل فى الخمسينيات من عمره يبدو وكأنه
مدير ومعه فتاة تصغره بكثير

يجلسون على ترابيزة مستديرة بكافيه بجوار مكان الإنتظار المخصص للرحلة

تتحدث إليه بدلال ولطف وتُبْعَث إبتساماتها وهو ينظر إليها بنظرات إعجاب ثاقبة، فيبتسم تارة ويضحك تارة ،،

وذاك رجل صعيدى يرتدى جلباب يتحدث بالموبایل بصوت عالى بلكنة سوهاجية تصل إلى حد إزعاج الآخرين قائلاً : قاعد عندك بتعمل إيه يا هريدى، ده دى، مش تشوف حكاية ذكرين البط إلىى فطوا من ع السور ديك النهار، أنى خلاص مش راجع تانى بسبب ولاد الدهاشنه ما إنت عارف، فينظر إليه بعض الأشخاص بإستغراب،، ورجل عجوز جداً قد تعدى السبعين من عمره يرتدى ملابس قيمة وبالطو أسود شيك ويجلس بأماكن الإنتظار وبجواره عصاه

فنسمع الإذاعة الداخلية بالمطار باللابتوب أمام المقدم أدهم وفاضل بيه : النداء الأخير على السادة ركاب الرحلة رقم ٨٨٠ المتجهة إلى أمستردام التوجه لبوابة الخروج رقم ٣٢ ، ثم نرى أشخاص يتوجهون لبوابة الخروج رقم ٣٢ ويستقلون الباص ويصعدون سلم الطائرة فنرى من كانوا ينتظرون بصالة الإنتظار والكافيه يتوجهون للطائرة ،،

فالسيدة الأرستقراطية ذات الجاكيت الجلد الأسود ،، تجر شنطة كحلى قيمة شيك صغيرة خلفها وتمسك بيدها شنطة يد بينما يسرع الرجل الصعيدى خطواته ويتعدى العديد من الركاب بالصف قبل باب الخروج للباس ليلحق بكرسيه بينما سيدة أخرى لا تترك أحداً إلا وتتحدث معه وتسأله عن أى شئ فتتحدث السيدة الثرثرة (لراكب خواجه) : هى الطيارة وصلت من المشوار إلى كت فيه، فلا يفهمها الخواجة فلا يرد،

- مش فاهمه حاجه سيد عطار
- ولا يزال المنجم المدعو عطار (مغمضاً عينيه) : إلى ساعدهم منهم
- مش فاهمه بردو ،،،،،، ردت المذبة
- ماتقاطعينيش ماتقاطعينيش إلى ساعدهم منهم، ناس من غير وشوش وفيه خاين ،،، هكذا رد المنجم (بنرفزة بصوت يرن)
- خاين ! ،،، تساءلت المذبة
- ماتقاطعينيش، مش خاين واحد بس، فيه خاين أكبر منه قاعد بعيد هناك، وكلنا، وكلنا فاكينه طيب ،،، قالها المنجم (بنرفزة بصوت يرن)
- إسمه إيه
- مش باين ،،،،،،،، ٢
- إيه هو إلى ٢؟
- مش باين ،، ٢ ،، رقم ٢
- فى الدرجة الثانية يا سيد عطار !
- معرفش، معرفش، قالها المنجم (بنرفزة بصوت يرن) ويمسك رأسه ألماً من كثرة الإرهاق من شدة التركيز ويسترسل : والكبير، الكبير بتاعهم، ويمسك رأسه ألماً من كثرة الإرهاق ويسترسل : آه آه مقدرش أركز أكثر من كده، الخدعة جامدة أوى، ولا إبليس نفسه يفكر فيها، بس مش معقول، دا بيبكى
- مين إلى بيبكى ؟ رقم ٢ رقم ٢ بيبكى ؟
- أه
- الكبير بتاعهم بيبكى ؟؟؟ يهز العراف رأسه لأعلى ولأسفل بالإيجاب فترد المذبة متسائلة :
- الكبير بتاعهم بيبكى ؟ الكبير مين فيهم، بتاع الطيبين ولا الأشرار ؟
- كفاية، كفاية ،،، رد المنجم (بنرفزة وبصوت يرن)

- ومعانا مداخله من السيد هشام من العطارين ،، قالتها المذبة
- تقدر تقولى يا سيد عطار ، الخاطفين ه يتقبض عليهم ولا لاء، ولو سمحت آخذ رد واضح بدون لف ولا دوران ،، قالها السائل بحددة
 - ه نمسك فى الديل ، الديل وبس
 - إزاي
 - كلامى واضح يا سيد هشام ، أنا بأعتمد على نكاء الآخرين
 - تقدر تقولى القصة دى ه تخلص إمتى
 - م تستعجل، التقليل جاى فى الآخر خالص، مفاجأه ورا التانيه، ورا الثالثه، ورا الرابعه، مفاجآت ه تنزل عليك زى الصواعق وكلها فى الآخر، وكل حاجه بتحصل دلوقتى ه تفهمها بعدين، خد بالك م الإشارات والتلميحات كويس أوى
 - كلامك غريب سيد عطار
 - دورى إنتهى ومش ه أقدر أتكلم، المخرج دفعلى أجرى ع الدقتين دول بس، دا حتى مأجر الطياره وخايف عليها ، ويُمسك سيد عطار برأسه، فتتدخل المذبة :
 - مضطرين نخلص حوارنا مع سيد عطار لإنه مرهق زى م حضراتكوا شايفين

وبمقر شركة الطيران

بعد ظهيرة يوم الإختطاف حيث يشاهد الجميع البرنامج فى التلفزيون ضمن شاشات العرض

"إحنا بقينا أضحوكه ولازم نتصرف بأسرع ما يمكن" ،، هكذا علق مستر فاضل (بعصبية) لما أصاب شركة الطيران من عار ، فيعلق شوكت بيه :ه نبقى أضحوكة لو محليناش الموضوع دا فوراً ، ويشبك يديه أمامه واضعاً يديه على الترابيزة :

- أنا معرفش ليه قلبى مقبوض ومش متقابل خالص، ثم يسترسل
(باستسلام) : إحنا إنتهينا خلاص، إنتهينا يا فاضل بيه
مفروض مدير الأمن تبقى عصاية أقوى منا كلنا مش قاعد يولول ،،
كان هذا تعليق مستر فاضل لشوكت بيه (بعصبية)
يتمتع أدهم بيه (بصوت خافت) : يولول ! جلاجل ! عنبر ٢٥ ! ،،
وبعدين فى اليوم إالى مش فايت ده، أنا باينى ه أطلب الملف الطبى
بتاع أم الشركة دى، ثم يسترسل بصوت مسموع : الغريب إن
الخاطف م حاولش يقطع الإتصال مع البرج
فيرد شوكت بيه مفسراً وكأنما عالماً من علماء الأمة : أكيد عاوز
يفضل متصل بينا عشان نسمع المبلغ إالى ه يطلبه، فيرد أدهم بيه :
وانت عرفت منين إن ليه مطالب ؟ فيرد شوكت : يعنى خاطف
الطيارة ليه !!! عشان يفسحهم فى دريم بارك !! ولا يوديهم كارفور
إسكندرية، وكمان عشان يضمن سرعة التعامل مع مطالبه، وبعدين
أكيد فى ناس ممكن تدفع ملايين عشان تقدى حد ليهم ع الطيارة،
كان ذلك تحليل شوكت بيه للموقف،
فيرد أدهم بيه : ممكن، بس هو أكيد م يعرفش إننا شايفين إالى
بيحصل جوه الطيارة دلوقتى، فيعلق مستر فاضل : سواء يعرف إننا
شايفين أو مش شايفين، إحنا فعلاً مش مستقيدين حاجه، إحنا بس
عندنا نظام متقدم صرفنا عليه ملايين، لكن الكلب ده ألقده قوته، حتى
المعلومات إالى عاوزين نجمعها عن الركاب مش ه تقيدنا بعد الأفعنة
إلى لبسهالهم وغير أماكنهم زى الشطرنج، وبالنسبة ليه هو، هو مش
ظاهر فى الصورة، هو بيتكلم عن طريق ميكروفونات ولا نعرف هو
فين، ينظر مستر فاضل لنادر بيه القبانى رئيس قسم تكنولوجيا
المعلومات ويسأله (بسخرية) عن نظام الإهتزازات الذى أعلن عنه
بالإحتقال :

- أَمال فين نظام الحساسات يا نادر بيه، مش مفروض يدينا إشارة ويحدد أنى كرسى صاحبه عنده ذبذبات عالية

نادر القباني (بتردد) : ما هو كل الركاب قلقانين يا فندم، فيؤنبيه مستر فاضل (بسخرية) : وإللى عمل السيستم دا يا نادر بيه ماكنش عارف إن الركاب هيكونوا قلقانين ! ولا الطيارة ه تتخطف وهما قاعدين مروقين ويلعبوا طاوله وأعصابهم هادية ومالهومش دعوة، وقاعدين يعملوا شاتينج، ولا هى فرتكة فلوس ع الفاضى وكله على حساب صاحب المحل،

وينظر شوكت بيه (لنادر بيه) (بسخرية) : وجهاز عصبى ! وسينسور ! وتحدد الكرسي ! و كُله أونطه ! فأكس يعنى !

فيبدو فاضل بيه وأدهم بيه وهم يرقمون نادر بيه بنظرات لاذعة قد تعدت حد السخرية ليس بأمتار بل بأميال

شوكت بيه : حتى المتفجرات إللى بيهدد بيها معندناش خبراء مفرقات ع الطيارة عشان يعرفوا إن كان فيها مفرقات ولا لأ ، يعنى لازم ينزلنا هنا عشان نكشف عليها، ينظر أدهم بيه لشوكت بيه متعجباً وساخرأ : ينزل ، م تيجى نطلعه أحسن

يرن موبايل مستر فاضل فيفتح الخط ونسمعه يتجاوب مع الطرف الآخر ف بين كل جملة وجملة لحظات صمت ، يستمع فيها للطرف الآخر

مستر فاضل : معالى الباشا، لأ، أنا عاوز أطمئن سعادتك مهما طلب من فلوس إحنا ه نتصرف، ولا يكون عندك فكر، آه تمام، وينظر مستر فاضل لأدهم بيه ويسترسل بثقة يبدو بها إستخفاف : دا إحنا معانا أمن الدولة كلها هنا وكلام فى سرك، ويتحدث (متأذياً) : قريب أوى ه ندخل موسوعة جينيس ، بس مش عارف من أنى باب (قالها متمماً) و يغلق مستر فاضل الخط

خير يا فاضل بيه، مين ده ،،، سأله شوكت بيه

• دا مراد بيه الصفتي

أدهم بيه : دا الملياردير المعروف !!؟؟

مستر فاضل : آه، ما هو والد بنت مضيضة ع الطيارة إسمها نادين،
فيسأله أدهم بيه عن سبب المكالمة فيرد مستر فاضل : بيقولى إنه
مستعد يدفع كل ثروته حتى لو كانت ه تبقى تمن رجوع بنته، يذهب
أدهم بيه فى تركيز عميق بتعجب : دا نفس الكلام إللى قاله شوكت
بيه من شويه !! فينظر إليه شوكت بيه

وبداخل الطائرة ، تقوم راكبة جميلة بلبس قصير جداً لا يتعدى طول
الماسك الأصفر وتشير بيدها بأنها تريد الذهاب إلى الحمام، فيسألها
الخاطف : رايحه فين يا حلوه

• الحمام ،، فيأذن لها ،، فيظهر الماسك الأصفر القصير أطول من
ملابسها

فيعلق الخاطف (بسخرية) : آمال كنتى لابسه إيه أساساً، دا إحنا على
كده سترناكى، ه ندفعك ثمن الماسك لأنك الوحيدة إللى إستقدتى بيه
يبدو أحد الركاب من الخلف وهو يكتب رسالة على الموبايل لإبنه
نصّها "عندى شقة فى العجمى قاعده فيها البت سوسن الكومبارس
إللى فى الشقة إللى جنبنا، خلى المحامى يطردها وخذ المفتاح معاك،
وم تقلش لأمك لحسن تطين عيشتى" ثم نسمع الرجل يتمتم : تطين
عيشتى إيه بقى، دا أنا ه بقى فى الآخرة ولو حصلى حاجه، الرسالة
توصلهم، فنراه يمسح "لحسن تطين عيشتى" من الرسالة، ثم يضغط
على إرسال send

ثم يكتب رسالة أخرى على الموبايل لإبنه نصّها : "الفلوس فى بنك
(فلستكو) فى سويسرا وكلمة السر

ویتم بصوت خافت : وكلمة السر، كلمة السر، كلمة السر، نرى
الرجل يكتب بأصابع مترددة كلمة السر "سوسن" ،،، المرحوم الوفي
أبوك" ويضيف علامة الوجه الباكي بالرسالة، وتعكس حركة يد الرجل
وتردده وأنفاس صوته علامات الحزن ولكنه حزن من طراز كوميدي
وكأنما يريد أن يبكي، ثم يضغط على إرسال send

الفلوس فى بنك (فلستكوا) فى
سويسرا وكلمة السر سوسن
المرحوم الوفي أبوك
Send

رحلة عجيبة واختطاف غير متوقع فتَهطل المشاهد والمواقف المؤثرة
فنرى سيدة أرستقراطية تصرخ بشياعة و (بإنفعال) : الواطى
صوت الخاطف : مين دا إالى واطى
جوزى أبعث له رسالة أقوله "لو ربنا نجاك إتجوز يا حبيبى، بس مش
أى حد، ممكن تتجوز جارتنا إيمى" ف يقولى "بعد الشر عليكى يا
حبيبتى، بس إدينى ٣ إختيارات "الحق عليا إديتله الحرية بعد ما
أموت، فتتظر ناحيتها راكبة مصرية تجلس خلفها لتؤازرها : أليل
الأصل والله مايستاehl نرفزتك دى همليه دا صنف نمرود ،،،،
وعلى ما يبدو أن كلمتها أثارت الخاطف الذى رد بصوته على الفور:
مين إالى نمرود دا يا وليه، طب بالعند فيكى وفيه، أنا ه ارجع الست
دى لجوزها عشان تتكد عليه عِشْتُهُ، وانتي خليكى هنا،

تتضرر السيدة الجالسة خلف السيدة الأرستقراطية وتمتعض، فيقوم عدد من الركاب السيدات لتهنئة السيدة الأرستقراطية وتقبلها ببشرى نجاتها من عملية الخطف، فدون أن يدري الخاطف، فهو قد أعطاهما صك النجاة من عملية الإختطاف فتقول عدد من السيدات : مبروك النجاة يا ختى

تتداخل الراكبة المصرية المشاغبة الثرثرة والتي تبدو تلك طبيعتها فقد رأيناها للتو بتسجيلات المقدم أدهم بصالة ٣٢ بالمطار : أهو سى الخاطف طمّنك بنفسه، فنسمع صوت الخاطف : سى الخاطف إيه، وسى فود إيه يا وليه ! إحنا فى مطعم بحرى هنا ، فتعلق الراكبة الأرستقراطية (فرحاً) : مش مصدقه نفسى، تنظر الراكبة المصرية الثرثرة لسقف الطائرة معتقدة بأنه مصدر الصوت : والنبى تظمنها تانى يا عم الخاطف

صوت الخاطف : إيه هى شغلانه ولا إيه، كل واحدة تقعد مكانها، وبعدين إنتوا بتبصوا فوق ليه، شايفنى متشعلق فى سقف الطائرة زى النجفة، والله عجيبه دى ،،، قالها الخاطف وبعد بره

الراكبة المصرية الثرثرة (لنادين) : والنبى ياختى تسيبوني أنام، حاكم أنا متعوده كل م أركب الطائرة أو الأتوبيس، أنام ، ولو إن الرحلة دى مش باين لها نوم

بدرجة رجال الأعمال ليس الحال بأفضل بكثير، فالمصائب فى كل مكان، المصائب للغنى والفقير، للصحيح والعاجز، ولو إطلعنا على مصائب غيرنا ،لإخترنا مصيبتنا وجرينا وراءها

هكذا الحكيم الصينى الذى أتى إليه أصحاب المصائب فوضعوا مشاكلهم فى صندوق وأمرهم بالعودة بعد يوم واحد ليسحب كل منهم عشوائياً مصيبة غيره، فأراد الجميع التمسك بورقتهم التى ألقوها بالأمس

سكرتيرة تتفعل وتتشاجر مع مديرها (بعصبية) بصوت جميل : كان لازم نساfer هولندا ! ما أنا قلتك فليتك إلى فى الساحل موجودة ،كان لزمتهإيه الشحطة دى

ينظر عدد من الركاب إليهم حيث مصدر الصوت بدرجة الـ VIP وهم يتشاجرون

مديرها (بصوت خافت بعصبية) : وطى صوتك
السكرتيرة (بعصبية) : هو دا إلى همك يا عاصم بيه، وطى صوتك،
ومش همك إلى إحنا فيه دلوقتى

صوت الخاطف : آه يا نمس، بس أما ننزل ه اخذ نمرة مراتك
وأجرسك، إدينى نمرة مراتك يا عاصم بيه ، فيرفض عاصم بيه المدير ،
، فيصرخ فيه الخاطف (بصوت عالى) : أدبنى نمرة مراتك وإلا

تتدخل نفس الراكبة المصرية الثرثرة التى تداخلت بالحوار السابق مع
السيدة الأرستقراطية والتى تبدو تلك طبيعتها، فتتظر الراكبة الثرثرة
لسقف الطائرة قائلةً (للخاطف) : م تزعلش نفسك يا خاطف باشا
وتسترسل قائلة (لعاصم بيه) : م تديله نمرة مراتك

صوت الخاطف (بصوت عالى قوى) : النمرة كام
عاصم بيه المدير : ٠١١١١٢٢٢٢٣٣٣ زيرو أربع وحيد أربع
إتتينات أربع تلات، فنسمع صوت الخاطف : إلى عاوز يعمل خير
يكتب النمرة ويكلم مراته أما ينزل

نرى ركاب كثيرون يكتبون الرقم فيعلق الخاطف : أكيد إلى بيكتبوا
دول ستات، ثم يسترسل الخاطف (بسخرية) : م صدقتوا، فيكوا الخير
دايماً

راكب عجوز يرتدى نظارة يضع عصاه إلى جواره يدل صوته وحواره على أنه ثرى بالسبعينات من عمره يتحدث إلى راكب آخر بجواره بصوت عالي :أنا رايح أعمل عملية زرع كبد، فيرد الراكب الآخر : يا ساتر يا رب ،، ربنا يشفيك يا باشا

يسترسل العجوز : آه، لسه المساعد بتاعى مبلغنى من يومين، أروح مستشفى، ويأخذ الرجل العجوز نَفْس عميق من أثر الإجهاد الواضح عليه ويسترسل ببطء : مستشفى روتردام فى أمستردام ،، ويأخذ الرجل العجوز نَفْس من صدره بصعوبة وينظر بالشباك ويسترسل : عشان كده حجزلى فى الطائرة دى ،،، ويُعيد العجوز نظره للراكب بجواره مرة أخرى ويسترسل ببطء : لإنهم مفروض ه يجهزوا لى كبد طازه بعد ما أوصل بتلت تيام (٣ أيام) ،،،، وبعدين ،،،(يكح) ،،، وبعدين (يكح) ،،، أعمل العملية ،، و أكد لى إن الكبد بتاع شاب رياضى فى العشرينات وحالته الصحية عال العال

وكأنما لم يسمع الخاطف إسم المستشفى بوضوح فيسأله

- إنت رايح مستشفى إيه ؟
- مستشفى روتردام فى أمستردام
- وه تدفع كام فى الكبد ده ؟
- ٥٠٠ ألف دولار
- مصلحتك الطائرة تتخطف
- إيه !!
- مصلحتك الطائرة تتخطف، إسمع كلامى يا باشا، لو عملية الخطف م نجحتش، ه تروح مش ه تلاقى كبد مستتيك ولا ه تعمل العملية *****
- إزاي ؟

- أفهمك، حظ السماعه إالى فى الكرسى فى ودانك عشان تسمعنى لوحذك
- فيضع كل الركاب السماعات فى آذانهم ،، فعلى ما يبدو أنها طبيعة الكوكب كله
- صوت الخاطف (الركاب) (بقوة) : يا حَوْش أنا شايفكوا ثم يسترسل (بتراخى وبطريقة ساخرة) : طب مش ه اتكلم إلا لما تنزلوا السماعات ويسترسل (بقوة وبسرعة) : نزلوا السماعات
- فينزل الركاب السماعات فيستمع العجوز صاحب عملية الكبد فى السماعه وحده، فيسترسل الخاطف :
- مش إنت شفت شوية جئت ركبوا الطائرة أول ما طلعت
- أيوه
- أهم دول لعبية فريق السلة بتاع الدنمارك ،، أطول واحد فيهم عنده ٢٦ سنة
- أيوه
- هو دا إالى ه نسمى عليه وناخد الكبد بتاعه عشانك، أى خدمة، بس صحته إيه، فل الفل (بتريقة) لحد دلوقتى، ه تخليك زى الحصان
- بس دا دمه بارد يا خاطف باشا
- وانت ه تتقى يا باشا !!
- أمرى لله
- ف إنت لازم تساعدنى
- طب وأنا ه اساعدك إزاي يا خاطف باشا
- لما تلاقى زمجرة فى الطائرة م الركاب، إبقى هديهم وخليهم يسمعوا الكلام

يندمج العجوز بالحوار ويتفاعل وتبدو نبرته كوميدية لا تتناسب مع صحته المبعثرة وسنه ووقاره وكأنما هو بلطجي سوف يقوم بتثبيت الركاب والذي يسترسل :

- فل الفل، ماشى معاك يا وحش، ولو عاوزنى أثبت لك أى حد ، كح ،، كح ،، كح إبقى قولى بس وأنا أقوم بالواجب
- لا خليك صالـب طولك إنت بس، بس فى كل الأحوال لما ننزل الهند إبقى غير
- أغير إيه حضرتك ! قالها العجوز (بإستغراب وتَحَفُّظ)
- غير الطيارة إيه فى إيه ! خد الطيارة إالى رايحه أمستردام، إنت مش رايح المستشفى

الراكب الصعيدى الذى يرتدى الجلاب والعمامة يتحدث مع الراكب الذى بجواره بصوت عالى (بلكنة صعيدية) :

- دا أنى هريان من التار فى سوهاج ،، أقوم أجع فى طياره مخطوفة ، فيرد الراكب الآخر :
- إنت من سوهاج
- آه ،، هريان من ولد عمى محروس
- يسمعهم الخاطف فيتداخل فى الموضوع : ما هو من حظك المهبب، إنت إسمك إيه ؟ فيرد الراكب السوهاجى : شمندى
- الله هو إنت ؟؟؟!! قالها الخاطف (بإستغراب)
- ينظر الراكب السوهاجى لسقف الطائرة قائلاً :

- هو إنت تعرفنى ولا إنت من جماعة الدهاشنه ولاد إعمامى
- هو فى حد م يعرفش شمندى، دا إنت أشهر م النار ع العلم يا راجل، تصدق حالك صعب عليا، سيبنى أفكرلك ف حل، ولا أقولك، شرف المهنة بيُحْتَمَ عليا أحترم كلمتى، ربنا يتولاك يا عم شمندى

فى ظل هذا الوضع المتأزم لابد أن نجد فاضل بيه والمسئولين بشركة الطيران والمقدم أدهم من أمن الدولة يتشاورون بمقر شركة الطيران بمكتب فاضل بيه

أدهم بيه : واضح إن نظام الساوند سيستم إلى بيتكلم منه الخاطف مزروع فى الطائرة، ودا إما هو زرعه بنفسه أو حد من الصيانة مسئول : يعنى لازم نتابع ونشوف سجل مسئولين الصيانة فى الورشة وملف كل واحد فيهم

أدهم بيه : مش كده وبس، الأخطر من كده الماسكات إلى نزلت من سقف الكابينة مكان أقنعة الأكسجين، و دى مالهاش حل غير إنها ركبت فى ورشة الصيانة

المسؤول : دا بياكد الكلام الأولانى، يعنى لازم نتأكد فوراً مين متورط فى العملية دى من الصيانة فى المطار

فيمتعض شوكت بيه فيرد (معتزضاً) : ومدير الصيانة ه يركبها إزاي، دول ناس بيكونوا على سمعة طيبة وم نقدرش نشكك فى نزاهتهم، ليه مانقولش إن حد تبع الخاطف هو إلى إتسلل لهانجر الطيارات وركبها قبل الرحلة بفترة فيرد أدهم بيه :

- ركبها إزاي ؟ والأمن فين يا شوكت بيه ؟
- دا أمن المطار يا أدهم بيه مش أمن شركتنا، وبعدين م تتساش إن الطائرة دى كانت فى الصيانة الـ ٤٨ ساعة إلى قبل الرحلة
- ع العموم دا مايمنعش إننا نجمع معلومات عنهم
- تبدو علامات الإمتعاض على وجه شوكت بيه قائلاً : إسمحلى يا أدهم بيه ،، أنا مش مع التشكيك فى نزاهتهم أبداً،

(٥) فريق مستر فاي

جوجل إيرث - قارة إفريقيا

مشهد من جوجل إيرث حول الكرة الأرضية، ومنها على المحيط الهادى، فإلى جزيرة صغيرة فى جنوب شرق آسيا بجوار شواطئ تايلاند وبنجلاديش ومنها إلى داخل الغابات إلى فيلا مكتوب عليها "وكالة فاي للتوريدات" ومنها إلى غرفة عمليات فريق مستر فاي

غرفة عمليات فريق مستر فاي

ثلاثة من الشباب (شابين وفتاة) جالسون أمام شاشات الكمبيوتر على تراكيبات كبيرة فخمة متجاورة وأمامهم الشاشات، يظهر على يمين الشاشات مكتوب فاي سيستم ، ، Fi system

وتظهر على الحائط من بعيد فلا تكاد يميز الوجوه، صورة التخرج الخاصة بهم مع زملائهم بالمعهد ووسطهم عدد من الأساتذة منهم دكتور ودكتوراه بالمعهد ، ومكتوب على ظهر الكراسى من اليمين للسيار

الكرسى الأيسر	الكرسى الأوسط	الكرسى الأيمن
ريهام ٢٢	هشام ٢٠	يحيى ١٠
خدمة العملاء أخصائى الأعضاء الخارجية والكماليات	خدمة العملاء أخصائى الأعضاء الداخلية	خدمة العملاء مدير إدارة الأعضاء الداخلية

الثلاثة من الشباب بعمر واحد ، فهم من نفس السنة الدراسية بالمعهد يحيى ذلك الشاب الباسم دائماً الذى يتحدث بعفوية وطيبة ويعتبر الإبن المدلل لمستر فاي (الخاطف) وأقربهم إليه هشام الشاب الوسيم العبقري ذا الإمكانات الفائقة

دليفري - مصطفى عرفه

ريهام فتاة جميلة رشيقة على علاقة طيبة بالجميع حتى أنها تتعامل مع الجميع بالوكالة بطيبة متناهية

وكالة فاي

Fai Agency

Fai Agency



هواتف ترن ويتلقى هؤلاء الشباب ذوى القدرات العالية إتصالات، يرفع يحيى السماعه ويرد على مكالمه ويتخلل كلامه لحظات صمت مستمعاً للطرف الآخر، بينما ينظر هشام فى الشاشة أمامه وتتكلم ريهام بصوت خافت مع أحد العملاء
يحيى : آلو – أيوه يا فندم معاك يحيى المعداوى
customer services

إتفضل ،، رقم التليفون كام ،، أيوه ،، دكتور هيربرت ،،
مستشفى كليف رانج
العنوان : نيويورك ،، شارع الأعضاء – تقسيم الجثث – نمرة ٩٨
الدور ٢١٢

علامة مميزة ،، حضرتك ،، جنب أبو رامى
طب الأوردر لو سمحت

٢ كبد طازة وواحد ممبار ،، آسف ،، ماسمعتش كويس الخط كان
بيقطع ،، واحد طحال،،، آل يعنى فرقت، طحال من ممبار

تمام ، عاوز أى شرايين ، سلطات ، أى حاجة ، إيه ، أَكْثَر من كرات
الدم البيضاء، علبة كبيرة ولا صغيرة، ٢ صغيرين أه يا ناصح
عمليتين

طب فى كومبو ،،، يعنى لو خت ٢ كبد طازه وواحد طحال وعلبتين
كرات دم بيضاء ، تاخد عليهم كمان طربلب مجانى أيوه طربلب بتاع
أستاذ محمود عبد العزيز

إيه !! كنت فأكره غالى !!؟؟ لا ، لا ، لا ما بعد ما فشلت عملية نقل
الطربلب قل الطلب عليه فرطط ،،، تمام حاضر من عيني ،،
أراجع مع حضرتك الأوردر

يبقى ٢ كبد طازه وواحد طحال و ٢ كرات دم بيضاء وواحد طربلب
،،، تمام

يبقى كده الحساب كله ٤٨٠ ألف دولار ،،، ودا عشان حضرتك بس
أول مرة ،،، ومش عاوزين نغلى عليك عشان تبقى زيونا ،،، الأسعار
دى م بنديهاش لحد وإسأل بره

لأ ،،، كتير إزاي إنت عارف الكبد دا بتاع مين ،،، دا لعب كورة
بيجرى ٩٠ دقيقة ، يعنى ه يخلى الميت إالى عندك رهوانة وه
يدعياك

إكشف عليه بمعرفتك ،، أه طبعاً عليه شهادة ضمان ،،، ه توصلك
،،، بس لازم تحتفظ بيها ،،، العضو مضمون ٣ سنين أو ١٠٠ ساعة
سواقه ولو فى مصر أو فى الهند ،،، ضمانه ساعتين سواقه بس ،،،
ومالناش دعوه بعد كده إيه إالى ممكن يحصله

دليفري ولا تيك أواى ،،، دليفري يبقى، أربع تيام ،،، لا مش قبل كده
،،، وم تديش الواد تبس ،،، عشان دى سياسة الوكالة ،،، وكمان إحنا
بنعلمهم الحفاظ على القيم والتراث

تستقبل ريهام مكالمة بينما هشام يتكلم مع عميل بالتليفون بصوت خافت وينظر يحيى بالكمبيوتر
ريهام : معاك ريهام البحيرى ،،، customer services ،،،
إتفضل

آلو ،،، أيوه ، عاوز شمندى ولد عمك
فتنظر فى الكمبيوتر ،، وتسترسل : شمندى ،، شمندى ،، شمندى
لا ، ماتقلش طلبك بيتجهز وه يوصلك فوراً ،،، إستنى إتصال تانى
منى خلال ٤٥ دقيقة عشان ه ابلغك بميعاد وطريقة التسليم

ينهض يحيى ويأخذ بالطو أبيض من على الشماعة ويرتديه ثم يتناول سماعة أذن والخاصة بالأطباء ويضعها فى أذنه ويدليها على صدره ثم ينادى على عادل وهو مساعد لهم بالوكالة : عادل ،، لا يسمعه عادل، فينادى عليه يحيى بصوت أعلى
يدخل عادل من الباب وهو رجل ضخم الجثة تبدو عليه ملامح الطيبة ، جسمه به ليونة (مكلبظ) ووجهه طفولى ، يسترسل يحيى قائلاً لعادل : ه اكلم دكتور ديفيد

يفتح عادل باب دولاب صغير بنفس الحجرة ويحضر جمجمة وماكيت جسم إنسان ويضعهم على مكتب يحيى ،، وكأنه سيم بينهم (فعندما يطلب يحيى مكالمة دكتور ديفيد ، فإن عادل يجهر تلقائياً هذه الطقوس فى كل مرة)

عادل : أى أوامر تانية يا باشمهندس يحيى
ينظر هشام ليحيى : إيه ،، ه تكلم دكتور ديفيد ولا إيه

وبينما يجلس يحيى يرد : دكتور ديفيد ده ،، ويتناول يحيى رشفة شاي ويسترسل : ليه طقوس خاصة عشان تَعْمَلْهُ مكالمه ،، ويتناول رشفة شاي وكأنما شخص (يعمل دماغ) ويسترسل : لازم تَخُش في المود وتتقمص الشخصية الأول عشان تحس بأهمية وطبية الأوردر بتأغه ،، مفيش مجال للخطأ ،، الغلطة بفورة علطول ،، يعنى لازم تتأكد من مطابقة المواصفات ،، فصيلة الدم ،، الحالة الصحية

هشام : هوا دا بتاع كولونيا خمس خمسات

يحيى : دُكها مستر جونسون، م تخلصش الدنيا ببعضها بقى، لحسن أتخطب معاك وأبعت دليفري غلط تبقى كارثة، دا مش نص طرب ناقص فى أوردر ولا طحينة، يجلس يحيى على الكرسي ويعدل البالطو ويُمسِك بتليفونه ويتصل : آلو أيوه دكتور ديفيد أهلاً ، معاك يحيى المعداوى من وكالة فای للتوريدات ، أهلاً يا دكتور ، طلبك جاهز كبدين إنما إيه ،، يستاهلوا مشرك الجميل

دكتور ديفيد : يحيى حبيبي عاوزهم بسرعة لحسن حاجزين المريض فى المستشفى من إمبراح عمالين نشغلُه بفيديو جيم نازل جديد ، ومخيليين البت الممرضة قاعدة تلاعبه بلاى ستيشن ، وكُت مستنى مُكالمَتِكَ على نار

يرد يحيى : عيني دكتور ديفيد حتى عشان البت الممرضة الغلبانة تشوف عيان تانى، ولا تيجى تشوفنى أنا

تنظر إليه ريهام بإبتسامة خبيثة فهي تعلم أنه زير نساء فينظر إليها يحيى ثم يعيد نَظْرَهُ للكمبيوتر أمامه ويستأنف حديثه مع دكتور ديفيد : عموماً التسليم بعد بكرة ٣٠ أكتوبر، البر الغربى، مزلقان كوالالمبور الرئيسى، بعد شريط السكة الحديد علطول عند الواد ظاظا بتاع العصير، الحاجة جايالك فى ثلاجة العربية إلی ه تستلم لازم تكون مكيفة

هشام : آلو ،،،، أيوه ،،،، كبد !! و (بصوت عالي) : عندك كبد جوه
يا عادل

فيرد عادل : مفيش يا ريس
فيرد هشام (للمتحدث) : لا والله ،، آسفين ،، آخر كبد إتحتجز ولسه
طالع أوردرد حالاً جنبك في كوالا لامبور ، ممكن تسبب إسمك وعنوانك
ولو جت شحنة تانية ممكن أتصل ببيك ، بس ه يبقى بالسعر الجديد

• كام
• ٣٠٠ ألف دولار ، أيوه ،، غلى ٥٠ ألف بس معلش المعاييش غالية
بقه ، م إنت شايف ، طب خليك معايا أشوفلك في فرعنا إल्ली في
الدنمارك

ويضعه هشام على الإنتظار ١٠ ثواني ،، فنسمع موسيقى الإنتظار
وهي جزء صغير من أغنية "ماتصبرنيش لأم كلثوم"
ماتصبرنيش ، ما خلاص ، أنا فاض بيا ومليت"
وينظر هشام لريهام : طلب الفلبين بتاع الكبد إتفد ولا لسه ؟
تتظر ريهام على الشاشة وتخبره أنه لم ينفذ حتى الآن ، فيرد هشام
(بمكر) :

• متعرفيش تأجليه ، الراجل دا ه يدفع أكثر وجاهز
• أصول المهنة يا هشام وبعدين تعليمات الدكتور الإلتزام في المواعيد
أساس النجاح ،، قالتها ريهام (بضيق) فيتجادلا
• ما هو بردو الدكتور إल्ली علمنا إن "إल्ली يدفع أكثر يشيل"
• "لو كان حاجز" ،،، الدكتور قال كده ، ليه نسيت تقولها ، ولا
عشان ه تاخذ عمولة ع العملية
• ما تفهمينيش غلط

فتخرج ريهام لسانها لهشام (بغيط) : لأ أنا فاهماك صح

يعود هشام للمكالمة : معلش يا خواجه ه اسجل بياناتك وأبلغك أول ما
بيجي حاجه

أما بداخل الطائرة فيتحدث صوت الخاطف : الخاطف يتكلم

، hijacker speak،Hijacker speak

، listen please،listen

Ladies and gentlemen

ألو ألو ،، ٢-٤-٦-٨ ،، الخاطف يتكلم ويسترسل قائلاً (للطيار) :

• قولى يا كابتن البنزين إالى فى الطائرة بعد اللكاعة واللف إالى
إحنا لفيناه دا كله مشينا أد إيه

• ساعتين بالظبط مش أكثر من كده، وفاضل ساعة واحدة على
نهاية الرواية، وم اعرفش ه تخلص طلباتك إمتى ، المؤلف عاوز
يقفل الرواية والناس تروح ، فيرد الخاطف (بسخرية):

• لا ماتخافش ه اقفلك الرواية يا حبيبي، وبالرتم السريع كمان، وإن
شاء الله كل إالى ه يقرأوا الرواية ه يصلوا عليك وإنت نازل م
الطيارة فى تابوت،، ويواصل بنرفزة : إنت ه تتخلق عليا ! وبعدين
دى قصة مش رواية، ولا معلموكش كده فى مدرسة الطيران، مش
قبل ماتقعد ع الدركسيون تعرف الفرق بين القصة والرواية، يكونش
عشان كده كت عاوز تنزل بيها فى البحر، آآآ م عشان علامك
ناقص، وأنا بردو أقول دى مش تصرفات ناس متعلمين ، تقديرك
كام فى الكلية آ كابتن، تلاقيه مقبول، ولا ض ج ،، ويسترسل
(بنرفزة) : أه ، ه تتخلق عليا ولا إيه !!!! أفجرهالك يعنى،
أفجرهالك، فيصرخ عدد من الركاب ليهذهوه بأن الطيار لم يقصد
ذلك وأنه أخطأ "طيار وغلط"

وبقمرة القيادة

كابتن جلال (لمساعدته) : كنت باحاول أنرفزه يمكن يقوم من مكانه ف نعرف هو مين ،، فيرد مساعده : مفيش داعى تستفزه لحسن يطلع مبرشم يتهور ويضيعنا كلنا
فيرد عليه كابتن جلال : ودا واحد مبرشم بردو ،، دا مركز أكثر منى ومنك

بفيلا وكالة فای (الخاطف)

فريق مستر فای وعادل وسعيد يشاهدون التلفزيون بالحديقة على حمام السباحة وأمامهم منضدة حديقة ،، أمامهم أكواب من العصير والشاي ، یرن موبایل هشام
یحیی : مین الرخم ابن الرخم إلیی بیتصل دلوقتی ده
ریهام : أكید زبون
یحیی : حتی هنا کمان فی وقت الراحة
هشام : والله إحنا لازم نطالب بـ "بدل عمل فی الأوقات غیر الرسمية"
یحیی (بتریقة) : م تنساش تنزل نص ساعة فی الأوفر تايم
overtime فی التایم شیت بتاعك، إیه یا عم إنت شغال فین !!
هشام : مش هارد ، دی نمرة غریبة
یحیی : جدع
ویتابع الجميع مشاهدة التلفزيون ، یرن موبایل هشام مرة أخرى
یحیی : دا مصمم بقه
فيرد هشام : آلو ،، أيوه يا فندم، معاك هشام الجوهرى customer services ،، إتفضل رقم التليفون كام

ویسجله هشام فی ورقة أمامه ویسترسل : عاوز جابر ولد عمك، طیب ودا خط سیره إیه، طالع هریان لكندا، إمتی، طیب ه احاول أجمع الطلبات بتاع طيارة كندا مع بعض عشان العملية م تخسرش معانا، بس العملية دی مهرها غالی یا جمیل، آیوه

ویسترسل هشام (بلكنة صعيدی) : یعنی ه تدفع إثنين مليون إجنیه فی ولد عمك وندبھولك حی (یقصد نجیبھولك حی) ،، ولو عاوزه جثة، تدفع مليون بس، آه طبعاً أرخص لإن دیتها رصاصة وخلص، لكن لو عاوزه حی دی عاوزه تكتيك تانى خالص، تكتيك ع البارد مش عاوز تفرغ فيه بندجيتك إبنفسك،

خلص إدفع ، لأ، مفيش فصال، آخر سعر مليونين إجنیه م ينجصوش إجنیه واحد، ماشی العنوان والتليفون، التسليم فی بطن الزير طبعاً ، دی أضمن حته لإن البوليس هاملها من ساعة م ابن حميدو قبض ع الباز أفندی فيها

ينهض عادل ويتجه للتليفزيون ويقف أمامه ووجهه لفريق مستر فاي ويتحدث وكأنه يُلقى بيان، فينظر الجميع إليه بترقب منتظرين ما سيُدلي به من تعليمات من الواضح أنها تعليمات مستر فاي، فيقول: وفقاً لتعليمات الدكتور، وتبنيهاته بشأن بعض الأفلام الواجب مشاهدتها، بل والإكثار منها، لإرتباطها الوثيق بطبيعة العمل الذي نؤديه، وحيث أنه، كوني أنا المنوط بهذه المهمة الخطيرة ه نشغلوكوا فيلم ،،،،،،

يبدو الترقب على وجوه فريق مستر فاي فيسترسل عادل : جرى الوحوووش

يتبعه تصفيق حاد من أعضاء الفريق فيقوم عادل بتشغيل الفيلم وينتبه الجميع للمشاهدة ويستقبل يحيى مكاملة يحيى (لعادل) : هاتلى اللاب توب بتاعى يا عادل

(للمُتَصِل) : يحيى سبيكنج yehia speaking آلو أيوه، دكتور جونسون، فينك من زمان يا دكتور والله كنا لسه فى سيرتك الصبح، فيرد صوت دكتور جونسون : بالخير ولا بالرضى ،،
فيرد يحيى باسمًا : لأ بالرضى طبعاً، إحنا قلنا إيه هو دكتور جونسون بيحب من حته تانيه ولا إيه، إحنا زعلناك فى حاجه، عيني ليك دكتور جونسون، كبد بردو، إيه الحكاية الطلب ع الكبد، كتر اليومين دول كدا ليه ؟

ينظر يحيى للتليفزيون ونرى لقطة الطرب على الشاشة بالفيلم فنرى ونسمع النجم حسين فهمي على الشاشة وهو يقول : "الأوربيين والأمريكان مصابين بجشع سرطاني، لأنه عضو جديد فى سوق الأعضاء لسه ماتسعرش ، بكرة بعد نجاح العملية ه يرخس ويرطرط" يستأنف يحيى حديثه للدكتور جونسون : كبد بردو إظهار راحت عليك يا عم الطرب فى سوق الأعضاء ورطرط بصحيح يعطى عادل اللاب توب ليحيى ويعتدل يحيى فى جلسته ويضع اللاب توب على الترابيزة ويسترسل : لا م تخافش ه نتوصى، ماشى
دليفري : ٧٥ يوم

السعر : ٢٨٠ ألف دولار عشانك
الدفع : مقدم قبل التسليم بشهر
التسليم : دليفري - دور تو دور door to door عيني ، رغم إننا بنسلم سيف CIF أو على ظهر السفينة FOB بس عشانك ه نسلمك عندك

لأ ،، العنوان متسجل عندى أهه، مستشفى كليف رانج نيويورك إى
ى
عُلم يا دكتور ألف سلامه

(٦) المطالب

بالطائرة داخل كابينة الركاب

نسمع صوت الخاطف عبر نظامه الصوتي :

• كابتن إفتح الإسيكر مع البرج ومع كل إالى سَامَعْنِي دلوقتي عشان هـ أقول مطالبى، وقبل ما أقول مطالبى إالى هـ تكتبوها إنتوا والسادة المشاهدين، أحب أقول مقدمة و شوية ملاحظات

• مقدمة !!!!! إنتَقَضْ ،،،،، قالها كابتن جلال (بسخرية)

• أنا فى مطالبى ، راعيت مصلحة الركاب وسلامتهم، ولازم الروح دى نفسها تكون موجودة عند الكابتن والسادة المسؤولين إالى بيسمعونى دلوقتي، وهـ ينفذوا طلباتى بالحرف الواحد، كده المقدمة خلصت، ندخل فى الملاحظات، أول هام، إن كلها تنتفذ خلال ساعة من دلوقتي وبعدها هـ نختار مطار للهبوط ننزل فيه بالبنزين إالى هـ يفضل بعد تنفيذ الطلبات يعنى كل ما ننفذ الطلبات بسرعة هـ يبقى فى مصلحة السادة الركاب الأعرء الغالين عليا ، غالين عليا (ويتغنى مستر فای على أنغام موسيقى أغنية غالين عليا للراحل محمد قنديل) ويقفل الأغنية بدون موسيقى بقوله "غالين عليا أوى"

• عرفنا إنا غالين عليك، إنتفضل

• يعنى أى طلب مش هـ يتنفذ هـ تكون العواقب وخيمة ،،، قالها الخاطف (بحدة وقوه) ثم يسترسل (بهدهوء) : والنتيجة ببساطة، إن لو أنا مـ فجرتهاش، ف البنزين هـ يخلص فى الطائرة وتقع، لإن زى ما قاتلكوا أنا مش عـ الطائرة، يعنى اللحلة وسرعة التنفيذ مطلوبين، مفيش لكاعة،

لإن دا نظام إختطاف عن بعد بتكنولوجيا مستر فای تو بلس 2+ الجديدة إالى طورها إتحاد الخاطفين الدوليين

- ممكن ندخل فى المطالب عشان الوقت م يسرقناش وننجز يا خاطف باشا
- ندخل فى المطاليبيبيبي عشان الوقت م يسرقناش زى م بيقول الكابتن لإن كل م الوقت بيعدى مش فى صالحكوا الحقيقة، وبعدين لو بصينا للعملية نفسها، أه ، ه نلاقى إن ال يلاحظ كابتن جلال تراخى مستر فای فى الحديث، فيقاطعه بصوت على:

•مستر فای ! المطالب

- آه ،، المطالب فاضل كام من الساعتين يا كابتن ؟ فيرد (بغيط ويجز على أسنانه بمنتهى القوة) ساعة و ٥٥ دقيقة
- خد عندك الطلبات ،، هكذا يتحدث الخاطف بطريقة جدية جداً يستمع المسئولين فى شركة الطيران لصوت الخاطف بإنتباه ويُمسك بعضهم بقلم وورقة واضعين أيديهم على المكتب والقلم موجه للورقة ومستعدين للكتابة وكأنما عداء على خط البداية بمشط قدمه اليمنى شاخصاً نظره إلى نقطة نهاية الـ ١٠٠ متر ، فيباغتهم الخاطف بصوت جدى إكتب عندك إنت وهو ،،،، ثم يتراخى بحديثه مرة أخرى : م بتكتبش ليه، فين قلمك ؟

بشركة الطيران

- ينظر أدهم بيه لشوكت بيه فيجده بدون قلم فعلاً، فيتعجب، (هل إنقلب الآيه ،، والخطاف هو من يرى مقر الشركة !!!!!!)
- فيناول قلم قائلاً : إمسك القلم جبتلنا الكلام ، فيُمسك شوكت بيه بقلم

بالطائرة

- يتحدث الخاطف بطريقة جدية جداً كما لو كان يرى شوكت بيه وهو يُمسك القلم : أيوه كده

هی الطیاره دی مش رایحه هولندا ولا إحنا خطفنا طیاره غلط، أنا حاسس إننا زی ما نكون فی موقف عبود ورایحین ع الوراق بالظبط راکب : إیه بس إلی مزعلک یا خاطف باشا فیرد صوت الخاطف (بعضویة) : غریبة والله الطیاره رایحه هولندا وفيها واحدة ألمانیة و ۱۰۰ من حدانا! غریبة دی، خایف أکون خطفت میکروباص إمبابه، ثم ینتبه الخاطف یتعجب من سؤال السائل :وانت مالک أهلك إنت، م تخلیک فی حالک ویسترسل قائلاً (للفتاة الألمانية) (بلطف یلیق برقتها) : روحی أدام بقه ،،،، فتتجه الفتاة الألمانية للأمام

بشركة الطيران

یستشیط أدهم بیه غیظاً فالوقت یمر والوقود یتناقص بلا فائدة، والخاطف لم یعلن عن مطالبه حتی الآن، فیطلب من کابتن جلال (بغیظ) أن یعتذر للخاطف کی نصل ونعرف ما یرید

بالطائرة

حقک علیا أنا آسف ،،، هکذا إعتذر کابتن جلال للخاطف إلا أن ذلک وعلى ما یدو غیر کافی، فیرد الخاطف : آسف علی إیه ولا إیه !!! وأنا ه أنسالك إلی کت عاوز تعمله، آل إیه، عاوز تنزل بالطیاره فی البحر، إیه فاکر نفسك نازل البانیو إلی فی بیتکوا ولا فرافیرو العجیب، وبعیدین آسف بعد إیه! بعد م ضیعنا ربع ساعة بسبب مقاطعتک، صحیح طلعتنا بفایده فایده إیه بأه ؟ قالها کابتن جلال مقاطعاً أنیتا طبعاً، ولا دی مش فایده ! ویسترسل الخاطف (للراکب) (بصوت عالی) : فایده ولا مش فایده

فيرد عدد من الركاب الرجاله (بصوت عالى) إقراراً بتلك الحقيقة التى لا ينكرها إلا جاحد : فايده

فيواصل الخاطف : شفت بأه، تصويت أهه ولا ه تبقى إنت فى جبهه وحدك مع المعارضة

فيحاول كابتن جلال الحصول على تصويت معاكس : فايده ولا مش فايده يا ستات

فترد الستات (بصوت عالى) : مش فايده

يسعد كابتن جلال بهذا التأييد قائلاً : شفت بأه، تصويت أهه، ولا ه تبقى إنت فى جبهة وحدك مع الرجاله ضد الستات دى كلها ؟

فيرد صوت الخاطف بإستكار وسخرية : أله، دا إنت بنتحدانى بأه ! فيقول (للركاب) بسرعة : أنيتا فايده ولا مش فايده يا رجاله ؟

فيرد عدد من الركاب الرجاله (بصوت عالى) : فايده

صوت الخاطف : موافقة، إلى بعده، نكست next ثم يسترسل موجهاً حديثه لكابتن جلال : يعنى إنت ضيعت ريع ساعة بسبب مقاطعتك، وبتعارض إننا طلعنا بفايده، طب أهه أديكوا متشغلين فى الجو وبنستهلك بنزين ع الفاضى

• حقك عليا أنا آسف

• أله ،، مش إنت إلى إستعجلت وسألت عن ماركو يا كابتن !!!

• حقك عليا أنا آسف

• آسف إيه !فين بكار ،، فين بكار يا ست المضيضة، هى الرحلة دى

أردىحى ولا إيه، مش الناس دى لازم تاخذ حقها، مش دافعين

فلوس ! ولا راكبين شكك ويسترسل (بصوت قوى) : دافعين ولا مش

دافعين ؟

فيرد الركاب (بصوت قوى) : دافعين

- سمعتي ،، وأهه صوت رجالي مع حريمي غير إلی صَوْت لَأُنیتا،
دا ميكس ميكس

نادين المضيفة : ميكس إزای یعنی ،،،

تمر نادين بالممر لتلبية إحتياجات الركاب، فتمر بجوار السيدة الثرثرة،
فَتُمسك السيدة الثرثرة يدها : ها إطمنتي على أختك غيرت الطائرة ولا
لسه ؟؟ لحسان دى صعبانه عليا أوى، فتبتسم نادين دون رد، فتسترسل
السيدة الثرثرة : شكلك بتتكلمي بجد، یعنی عندك طياره ملك وجايه
معانا بالإيجار !! والنبي خيبه ووش فقر

ويسترسل صوت الخاطف (لكابتن جلال) (بنرفزة) : يوووووه ،، أديك
نسييتني إحنا وصلنا لحد فين ينظر كثير من الركاب لأعلى فيُدَكِرُه
راكب : ماركو فرنانديز

فيتنكر الخاطف : آه ماركو فرنانديز ،، أيوه ماركو ، شفت إلی إنت
عملته بقه يا كابتن !

- وأنا عملت حاجه !

• طبعاً عملت، یعنی كل دا وم عملتش حاجه

• طب إيه إلی عملته بس يا خاطف باشا !

• دا إنت خليتنا نقول ماركو فرنانديز، ماركو فرنانديز، ولا عشر
مرات

- وإيه إلی حصل یعنی !

• دا بقى أشهر من مستر فای يا راجل، یعنی إلی يخلص القصة ولا
طالع م الفيلم ه يتكلم عن ماركو فرنانديز ومش ه يتكلم عن

مستر فای، ينفع الكلام ده !!!

فيرد عدد من الركاب : لا م ينفعش

صوت الخاطف : ويبجي المنتج يفاصل معايا فى الأجرة ،، ويقولى
الفيلم بتاع القصة دى محققش، ما هو أنا إالى ه أقوم ببطولته برود
لما نحولها فيلم، ولا يدى ماركو أكثر منى !!! مش كلام دا يا كابتن،
مش عارفين نخطف طياره ولا إيه، وبعدين ممكن يجيب ماركو فى
الجزء التانى ويدينى بمبه، أعمل إيه بأسفك ساعتها !!! ينفع الكلام ده
!!!

عدد من الركاب : لا م ينفعش
فيواصل الخاطف تأنيبه للكابتن : وأنا أقول للمبى حقق أكثر منى فى
فيلم العيد الصغير ليه، ما عشان أمثالك، رغم إن أنا قاعد أحفظ م
الصبح، المخرج مدينى يجى ٥٠ صفحة أحفظهم، وماركو قاعد م
عملش ولا حاجه، ويسترسل الخاطف (بصوت قوى ساخر) : ينفع
الكلام ده

فيرد عدد من الركاب : لا م ينفعش
تتحدث راكبة بصوت رقيق لديها بلدغة ررررررررر وملفتة بالراء :
مفيش عدل خالص حغام (تقصد حرام)
فيرد الخاطف : أه مش معانا وقالت إيه !! ويسترسل (بصوت رقيق)
: قولها تانى كده، فترد الراكبة (بصوت رقيق) : حغام (تقصد حرام)
يتفاعل معها الخاطف (بصوت رقيق) وكأنما مست قلبه مثلما فعلت
أنيتا : طب قومي أقي كده

فينفعل كابتن جلال قائلاً (بصوت عالى) : لأ!!!!!!!!!!!!!!!!!!!!!! فى عرضك
البنزين ه يخلص ،، قالها حتى لا تتكرر مأساة أنيتا فيفقد نصف
ساعة أخرى من زمن الرحلة دون أدنى فائده ، فقد تعلم الدرس

بمقر شركة الطيران يعطى فاضل بيه تعليماته الصارمة (لكابتن
جلال) (بغیظ) بأن يوقف تلك المهزلة، فيرد كابتن جلال من الطائرة :

وأنا عارف أوقفه، دا مترليوز، دى ماسورة وإتفتحت، لأ، والركاب
إندمجوا معاه ونسيوا المصيبة إالى هما فيها !
بمقر شركة الطيران يتفاعل ويتأثر شوكت بيه فيقول (برومانسية) :
مصيبة إيه !!!!! أنيتا، بس تعرف، ليهم حق، يا بختهم، دى أكيد
حتى برفان إيه !! هو البرفان مش داخلك جوه الكابينة ؟؟

بالطائرة

كابتن جلال : إتفضل ،، مين بقى ماركو فرنانديز ده ؟؟
فيرد الخاطف (بغيط) : تانى بتقول إسمه أدامى، م أنا قلتك المخرج
ه يشببط فيه ويقلبنى
●أمال أقولك إيه
●قولى إالى ما يتسماش
●ماشى، ماله بقى إالى ما يتسماش
●تقصد ماركو فرنانديز، ماركو فرنانديز، دا يا سيدى يبقى تاجر
مخدرات مكسيكى، موجود فى سجن كابالاسكا فى مدينة سينالوزا
فى شمال المكسيك
● ودا ماله دا بقه يا خاطف باشا ؟؟
● عاوزين نفرج عنه خلال ساعة من دلوقتى، ودا ه يتم فوراً ، وقبل
هبوط الطائرة مقابل الإفراج عن الركاب الأمريكان والمسؤولين
المكسيكيين أول ما تنزل الطائرة، يعنى لو الإفراج ماتمش عن
السجين، إنتوا عارفين إيه إالى ممكن يحصل، كتبنتوا ولا لسه، طب
أسلى نفسى شويه
نرى صورة قريبة جداً ليد شخص تُمسِك بموبايل حديث ويبدو جزء من
فخده فقط ولا توجد أى معالم للمكان المتواجد به الشخص ومكتوب
على شاشة الموبايل :

رسائل فائتة (١) ، فيضغط الشخص بإصبعه فيفتحها، فيظهر، الساعة 52am،8 فيتمتع الشخص لنفسه بصوت خافت جداً : دا قبل الرحلة م تطلع علطول، إظهار مخدتش بالي نص الرسالة على الموبايل تقول : "أطلب ٥٠ مليون دولار مش ٢٠ مليون زى م بلغتك إمبراح *****" ، فى مضيفة ع الطائرة أبوها ملياردير كبير وأكد ه يدفع أى مبلغ"

يتمتع الخاطف لنفسه بصوت خافت : كلهم حلوين، ودى أخطفها ولا أتجوزها !! فيسترسل مستكماً إملاء طلباته (بصوت عادى) : ثانياً ، مبلغ ٥٠ مليون دولار

يخيم الذهول على وجه الجميع بمقر شركة الطيران، أما بالطائرة فيواصل الخاطف إملاء شروطه : وقت التسليم، بعد ٤٠ دقيقة من دلوقتى

طريقة التسليم: كاش ه تتعد ورقة ورقة قبل تسليمها وه أقولك طريقة التسليم بعد شوية، يعنى م ينفعش تبقى الدولارات ع الوش والباقي ورق أبيض ،، وم ينفعش ورق مضروب لإن إالى ه يستلم بيهم فى الورق كويس أوى

مكان التسليم : بطن الزير إيبويه ،، أيوه بطن الزير ويسترسل الخاطف (متمماً بصوت خافت) : باقى الطلبات والأعضاء والكبد والذى منه، نبقي ناخذها بعد ما تنزلوا بالسلامة يا حلوين

الطائرة بالجو ونستشعر ما بها من مشكلات يواجهها كابتن أدهم ومسئولى شركة الطيران والواجب عليهم حلها فى أقل من ساعتين متبقيتين من زمن الرحلة

راكب لرجل كبير بجواره : بتقرا إيه، ودا وقته يا حاج

- ه نعمل إیه یعنی، إلی مکتوب علینا، ه یصیر، سواء إیرادتنا أو بغير إیرادتنا، كذلك رد الحکیم بهدوء
- واضح إنک قربت تخلص القصة، م فاضلش فیها إلا صفحتین ثلاثه
- القصة م تخلصش إلا مع آخر کلمه یابنی، زی قصتنا دی، وینظر للقصه بیده ویسترسل : هنا المؤلف قلبلی کل توقعاتی إلی فکرت فیها وأنا بأقرا القصه، وبعدين قلبها تانی ،، فیوجه إلیه الشاب وجهه متعجباً، فیسترسل الحکیم بثبات : وتالت، آیوه یابنی، زی قصتنا دی
- تقصد إیه یا حاج
- فینظر إلیه الحکیم ،، ولا یرد ،، وبعد برهه : ماتستعجلش
- تقصد إن التقیل جای ورا ، لا یرد الحکیم ، فیحول کلاهما وجهه للأمام فی هدوء

بمقر شركة الطيران

كما هو متوقع، تدور مناقشات حادة بین المسئولین بالشركة مع أدهم بیه بین مؤید ومعارض لتنفیذ مطالب الخاطف، فمنهم مستر فاضل والذي یمیل إلی سلامة الركاب أولاً ویؤیده شوکت بیه قائلاً : مش بس سلامة الركاب، لأ، والماسکات طبعاً، فینظر إلیه مستر فاضل و أدهم بیه وآخرون بتعجب وإستکار، مستر فاضل (غیظاً لشوکت بیه) : دا عشان نحرزها !!!

شوکت بیه : أنا ب اتفق مع فاضل بیه ، ف إن المطالب دی لازم تتنفذ وبأسرع ما یمکن ویسترسل (برومانیة) : لازم نضمن سلامة أنیتا

فينفعل عليه مستر فاضل (بغیظ) : كت أمنهم فى الجو بدل ما أمّنت الإحتقال فى البر، ثم يسترسل رافعاً صوته : ٦٠ فرد أمن يا شوكت بيه !!! م كنش حصل إلی حصل

شوكت بيه (برومانية وتأسى) : فعلاً،،،نقصد أنیتا بردو !!!
فينظر إلیه فاضل بيه شزراً بمنتهى الغیظ، ثم یحوّل نظره لأدهم بيه بهدوء : بس تنفيذ الطلبات دى محتاج تنسيق مع جهات كتيرة، یعنی تاجر المكسيك دا، إیه إلی یقنع السلطات المكسيكية بالإفراج عنه
فیرد شوكت بيه : وایه یعنی ، وينظر إلی أدهم بيه ويسترسل : دا دور الجهات الأمنية تساعدنا، مش كده يا أدهم بيه؟ ، فیرد :فعلاً، دا دورنا إحنا، إحنا هنتصل بالسلطات فى المكسيك، م تنساش إنه قال إن ده مقابل الإفراج عن الركاب الأمريكان والمسئولين المكسيكيين، یعنی هو سلمنا مسؤولية تنفيذ أو عدم تنفيذ الشرط ده، یعنی لازم ننسق مع السلطات المكسيكية إلی مش ه تفرط فى المسئولين بتوعها، وفعلاً فيه مسئولين مكسيكيين ع الطائرة، شفت أساميهم فى اللسته إلی جاتلى، ودول مقربين من الرئيس المكسيكى جداً، یعنی مش أى حد، ومن ناحية ثانية السلطات الأمريكية ممكن تضغط من ناحيتها لتنفيذ الإفراج

مستر فاضل : المشكلة إن الإفراج خلال ساعة، مش ه یدى فرصة للسلطات المكسيكية تخطط لمراقبة السجين بعد الإفراج عنه لإن الوقت ضيق

شوكت بيه : دى مش مشكلتنا إحنا، إحنا إلی یهمنا سلامة الركاب وسلامة الطائرة ويسترسل (برومانية) : وأنیتا قبل الطائرة !!
أدهم بيه : إحنا ه نساعدهم فى كده ولو إن أعوان الخاطف أو المافيا إلی ه تستقبله، أكيد مخطّطه كويس جداً هما ه يخفوه فين أو ه یهربوه فين وبأسرع ما یمكن

مستر فاضل : طب و ال ٥٠ مليون دولار
فيرد شوكت بيه بثقة : دى أبسط ما فى الطالبات، مراد بيه والد نادين
المضيضة، الملياردير المعروف كان عرض يدفع أى مبلغ فى سبيل إن
بنته ترجعه، دا كلم وزير الطيران أكثر من مرة أنهاره
مستر فاضل : بس مهم جداً نضمن إن الخاطف يوفى بوعده ويسلم
كل إالى ع الطيارة ويسترسل (بسخرية) : وطبعاً أنيتا عشان شوكت
بيه م يزعلش !!!!
شوكت بيه : ودى ه نضمنها إزاي، ه نمضيه على إقرار يا فاضل
بيه !!
أدهم بيه (بجدية) : إيه إالى بيخليك تشك فى كده يا فاضل بيه،
وبعدين إحنا شغالين بردو فى إتجاه تانى م تخافش
فيرد شوكت بيه : إتجاه إيه، الموسيقى يعنى ولا إيه بالظبط !!
ينظر إليه أدهم بيه بتهكم : لأ، الموسيقى بقى إتجاه واحد، إحنا
شغالين ع الرئيسى الإتجاهين من طلعة المحور عند عبود كده
شوكت بيه (بتوتر وتردد) : أنا بأسأل بس عشان، عشان نبقى
فاهمين، وعشان م نخسرش أى حد من الركاب وخصوصاً بتوع ألمانيا
بصفة عامة يعنى

بغرفة عمليات الخاطف

فريق الخاطف من الشباب الثلاثة يتابعون إتمام التسليم بكل دولة من
خلال المتابعة بالتليفونات، وعلى شاشات الكمبيوتر يُقَلَب يحيى شاشته
ونرى كيرسور الماوس يقف على إسم سانشيز - المكسيك
يتمتع يحيى (بصوت خافت) : الدور عليك يا خواجه

يعرض يحيى على جزء من الشاشة فيلم الكيف حيث مشهد الأستاذ جميل راتب يتحدث مع النجم محمود عبد العزيز ويهدده، يدخل عادل الغرفة ويضع شيشة بجوار يحيى والذى يبدأ فى سحب أنفاس من الشيشة ويخرج الدخان من فمه ويستمتع للفيلم، فينظر إليه هشام ويخاطبه بتهريج : إيبهه ! عندما يطير الدخان !

يصمت يحيى ولا يرد ،، وينسجم مع أنفاسه التى يأخذها من الشيشة واحدة تلو الأخرى، وكأنما هى طقوس إتمام عمليات المافيا، ويسترسل هشام : أكيد ه تكلم حد م المافيا، دى الطقوس بتاعتها فيرد يحيى : أخوك الخوجة سانشيز

يتصل يحيى بالتليفون : خوجة سانشيز، كبير زعماء المافيا فى المكسيك كلها، إزيك يا خواجه، أنا ب اكلمك عشان أطمئك، طلبك تمام يا كبير، السلطات ه تخرج عن ماركو فرنانديز خلال ساعة واحدة من دلوقتى زى م بلغتك إمبراح، خلى الناس تتحرك زى ما إتفقنا، ودلوقتى ه تسلم ال ٥ مليون دولار إالى فاضلين م الحساب للراجل بتاعنا، وده ه تلاقه عندك دلوقتى فى المكتب

فيرد خوجة سانشيز : تمام سلملى ع الباشا

- يوصل يا خوجة
- ألا ،، هو فين ؟ جنبك أكلّمه ؟
- لا والله دا فوق يا خواجه
- فوق فين يحيى خبيبي
- فى الطائرة بيجهزلك طلبك
- حبيبي أنا طلبى هنا فى المكسيك
- كل شيخ وليه طريقة، ماهى دى طريقته يا خوجة
- أستاذ، رينا يخليهولنا ،، قالها خوجة سانشيز (بإعجاب)
- أى خدمه يا خوجة فى أى محابيس تانى عاوز تخرجهم؟

- شكراً يحيى حبيبي، فين الراجل بتاعك إالى هـ ياخذ الفلوس؟؟
 - وصل يا باشا، هـ تلاقى واد مالوش لازمه عندك كده إسمه منصور، تلاقيه متلأح عند البت السكرتيرة الحلوه إالى عندك بره، معلش أصل عنده أولويات، على فكره يا باشا أنا مش مسئول عن إالى ممكن يحصلها، يعنى يتحرش بيها، يعمل حاجه كده ولا كده، الوكالة بتاعتنا مش مسئولة، دى تصرفات شخصية، إبقى حرص من عندك يا خواجه
- يضحك سانشيز ضحكة عالية : حبيبي ماتقلقش هـ نظبطهواك

(٧) رحلة المكسيك مكتب مسيو سانشيز



حيث يجلس مسيو سانشيز زعيم المافيا بقميصه الكاروهات يتحدث إلى سكرتيرته الجميلة ماريا ذات الخمس وعشرون ربيعاً من مكتبه عبر الدكتافون

سانشيز : ماريا

مكتب سكرتيرة مسيو سانشيز حيث ترد ماريا على الدكتافون والتي تضع صورة لها على المكتب وهي تشجع منتخب بلادها بأحد مبارياته بكأس العالم ، ومنصور ذلك الشاب الثلاثيني مندوب وكالة فاي جالس أمام ماريا بمكتبها

ماريا : نعم مسيو سانشيز

الراجل إالى جاى من وكالة مستر فاي وصل عندك ؟

• أيوه مسيو سانشيز ،، ترد ماريا وهي تنظر إلى منصور

• إبعيتهولى

يغازل منصور السكرتيرة الجميلة والتي ترد على (مسيو سانشيز) :

تمام مسيو سانشيز

نبقى بمكتب ماريا والتي تطلب من منصور الدخول إلى مكتب مسيو سانشيز فيرد منصور : إنتى مش هتفتحلى الباب ولا إيه !!! وكأنه أحد كبار الزوار

فتخطبه ماريا السكرتيرة برقة فى صدره لتخبره (بإبتسامتها الرقيقة) أن يدخل ،، يدخل منصور إلى مكتب سانشيز ويقترب من مكتبه الفخم :
• صباح الفل على عم الكبار كلهم، أحلى وأجدع زعيم مافيا فيكى يا أمريكا

• المكسيك مش أمريكا يا واد يا بكاش
• أمريكا الشمالية كلها والوسطى كمان، ولو حببت ناخذ معانا البرازيل والأرجنتين، توأم يا كبير، دا أنت أشهر من ميسى ورونالدو ذات نفسهم

يفتح سانشيز خزانة متوسطة بجواره ويخرج شنطة ويضعها أمام منصور ويعطيه رزمة زياده له : عشانك

فيرد منصور : ياسلام ياكبير، وأخضر كمان، والله كبير
يضع منصور ورقة أمام سانشيز فيتعجب سانشيز متسائلاً عنها ،،
فيتلثم منصور :

• السى دى، السى، دى، السى فى CV بتاعتى يا زعيم، فيتناولها سانشيز ويرفعها لمستوى نظره محملاً فيها

• إنت ساكن فى عبود يا منصور
• وإنك تعرف عبود يا خواجه
• طبعاً ،، دا مطار حيوى جداً

منصور (بإبتسامه) : لا لا، إنت فاهم غلط يا خواجه، دا مش مطار
• م أنا عارف يا منصور، دا مطار لأنه نقطة وصول حيوية لجزء كبير م البضاعة بتاعتنا ودى بنسميها مطار

• م الآخر يا خواجه، يعنى ممكن أشغل فى البرانش branch بتاع مصر؟ ها، قلت إيه يا خواجه؟

• وعاوز تغير شغلك ليه يا منصور يكونش المرتب بيتأخر عن يوم ٢٦ ع الكرت

- إنتوا عندكوا كرت يا باشا
- أمال إيه، وببصمة الصوت كمان
- منصور (بانهار): أهو أنا أمنية حياتي يبقى عندى كرت ببصمة الصوت ويسترسل (بتاكة): ودا السبب إالى يمكن، يمكن يخلينى أقبل أشتغل معاكوا
- يتعجب سانشيز و لا يعيره إهتمام، ثم يسترسل الخواجه سانشيز: أمال عاوز تغير ليه، هو مستر فاى م بيدفعش كويس ولا إيه
- يضع منصور رجل على رجل: لا، الدكتور بيدفع، ثم يسترسل (بتاكة): بس أنتوا لو ضغطوا عليا ممكن أقبل أشتغل معاكوا
- فيتعجب سانشيز مرة أخرى و لا يعيره إهتمام، ويسترسل الخواجه: أمال عاوز تغير ليه !!
- يرد منصور (بتردد بما هو أشبه بالمسكنة) بعدما لم تقلح تناكته ف ليحرب الخطة البديلة plan B: م إنت عارف الظروف العالمية يا زعيم، ويسترسل منصور (بصوت واطى): بينى وبينك الأزمة العالمية مآثره علينا شوية وإحتمال الدكتور يسرح ناس م الوكالة، يعنى، خبر جبته م الكواليس، ها، أقدر أستلم إمتى يا زعيم، ألا بالحق المرتب كام
- يعنى عموماً البداية ٣٠ ألف دولار يا منصور
- يتمم منصور فى سره: مش وحش ٣٠ ألف فى السنة، ثم يرفع صوته قليلاً (بصوت عادى): معقول ماشى، أفكر يا زعيم (عائداً إلى تناكته مرة أخرى)
- يعنى بتقلك ٣٦٠ ألف فى السنة، فيفتح منصور فمه كالبلهاء فرحاً من الدهشة، فيسترسل سانشيز: ودا طبعاً لو قبلنا
- هو أنا لسه م قبلتش يا كبير !!،،، رد منصور (باندهاش)
- مش لما تتجح فى الإنترنت الأول يا منصور

• إنترفيو ، قالها منصور (بحزن) ثم يسترسل : دا كلام بردو !! دا أنا جاي من وكالة ليها إسمها وسيطها في عالم الإجرام، وكالة فاي Fi Agency ، مؤسسة خمس نجوم في عالم الإجرام ويسترسل : إفتكرت إنك ه تقبلني بالخبرات السابقة إلی أنا مقدمها يقف منصور ويلف حول المكتب، محدثاً نفسه أثناء حركته ويتمم (بحزن) بصوت خافت : ياما قلت للأستاذ يعمل نأبه (يقصد نقابة) تلمنا عشان تبقى راسنا براس المافيا،

أهم بيطنططوا علينا أه، معلش يا زهر، جيه الزمن إلی واحد بقميص كاروهات يتنطط عليك يا منصور، آه ياليل يا زمن ، تكاد عيون منصور ترقرق بالدموع حزناً لما سمعه من سانشيز، ونسمع جزء من أغنية وردة الجزائرية حكايتي مع الزمان والتي تعبر عن الموقف الأليم الذي يمر به منصور "أنا إلی بينكم هنا رضيت بالعذاب

لحد ما قلبي داب ،، ولا دوقت يوم هنا ،، أنا وأناااا ،، يا ما إتحملت أنا ،، قاسيت ولا إشتكيت ولا جيت في يوم بكيت ،، منه ليكم هنا ،، أنا"

يعرض منصور شهادة الخبرة على سانشيز : أدى شهادة ماضيها مدير الإتش آر HR في وكالة فاي شخصياً وعليها دمغة ب ٢٦ قرش

فيهز سانشيز رأسه يميناً وشمالاً بالسلب وكأنه لا يقتنع بها فيحاول منصور : تكونش عاوزها بالبيزو يا خواجه، ولا أبعت البت ماريّا تجيبلي ب نص دولار م الكشك إلی تحت، معايا دولار وممكن أغير من هنا

- لا لا يا منصور، مش الفكرة
- أمال إيه المشكلة بس يا خواجه

- إنا هنا لینا الستاندر standard بتاعنا
- إیه الستاندر دا یا زعیم !!
- یعنی معاك لُغَه
- طبعاً یا زعیم، أنا ب أتکلم إنجلیزی وأفرنجی وخوجاتی کمان How are you یا خواجه
- واضح إنک حلنجی یا منصور
- یهرش منصور فی قفاه : حلنجی !!! تصدق مش إنت الوحید إلیی قالی کده، بس إنت عرفت حلنجی دی منین یا خواجه
- م تخودش فی بالک یا منصور، معاك سی بی إیه CPA
- یهرش منصور فی قفاه وینظر نظرة البلهاء فیسترسل سانشیز :
- طب معاك سی إم إیه CMA ، یهرش منصور فی قفاه وینظر نظرة البلهاء ثانیةً قائلاً (بسخریة) :
- لأ ، فرقت کثیر یعنی ، معايا MBC
- طب معاك تویفل TOEFEL ، یهرش منصور فی قفاه مرة أخرى ولا یزال محتفظاً بنظرة البلهاء والتي لا تفارقه من هول المفاجأة، یسترسل سانشیز : ولو معاك کل ده، فی کشف طبی بعد کدا
- کشف طبی !!!!!
- دا عشان مصلحتک یا منصور
- مصلحتی إزای بس یا خواجه
- إفرض فی مطاردة، ضرب نار ،، یهرش منصور فی قفاه ولا یزال محتفظاً بنظرة البلهاء فیسترسل سانشیز : تروح فی شربة میاه، إنا م یخلصنیش کده، إنا بنحافظ علی رجالتنا وبنصرف علیهم
- تصرف علیهم إزای یا زعیم، مش هو کرت الـ ATM
- نصراف علیهم یعنی ندریهم تریننج training یعنی
- فین یا زعیم

- ممكن نوديك مزارع بيرو
- مزارع !!!
- مزارع الأفيون يا منصور، وفي كمان سجون فنزويلا
- سجون !!!!
- دى مش سجون سجون يعنى، دى ماكيتات، عشان م تتفاجئش بحاجه لما يتقبض عليك
- يهز منصور رأسه ساخراً : لأ ، فيكوا الخير بردو، ربنا يطمناك
- وبعدين رجالتنا إحنا م بنسيهوش، إحنا بنحميهم وبندفع أى مبالغ عشان نخلصهم، يعنى فرنانديز إالى إحنا طلبنا نهريه ده، ينظر إاليه منصور نظرة ثاقبة فيسترسل سانشيز : دا إحنا دافعين فيه ١٠ مليون للدكتور بتاعكوا عشان يجبر السلطات يفرجوا عنه
- ١٠ مليون !!!!
- طبعاً، دا إتصرف عليه أكثر من ٥ مليون تريننج Training ، أنا ه اخليك تيجى معانا تشوف عملية الإفراج عنه يا منصور
- ليا الشرف يا زعيم
- وبعدين، إنت معاك واسطه
- فينظر إاليه منصور بإستغراب وسخرية : واسطه !!!!! دا أنا!!!!
- أساساً عشان الواسطه، هو إنتوا كمان ن ن !!!!
- يهز سانشيز رأسه لتحت وفوق مرتين بالإيجاب وكأنما يقول "نعم"
- تنفع البت ماريا يا كبير ،، فيهز سانشيز رأسه يميناً ويساراً بالسلب
- ماريا لسه م إتشبتش، فينظر إاليه منصور بإستغراب وسخرية : عمالة مؤقتة !!!! ؟؟ يهز سانشيز رأسه لتحت وفوق مرتين بالإيجاب

- الله يطمّنك يا زعيم بالرغم من كل المهارات إلی عندها دی، لما ماريا، ماريا، عمالة مؤقتة، أمال أنا ه تعملوا فيا إيه، ه تربطوني بأستيك مضروب وتفكوه في أى لحظة ويسترسل منصور (متأثراً) : م كنش العشم يا كبير، تصدق بقه، أنا جالى عرض من برشلونه وأنا إلی رفضت
 - ورفضت ليه يا فتك
 - فتك !!!! إنت منين يا زعيم
 - م الوراق يا منصور
 - أنا قلت كده بردو
- يأخذ منصور السى فى CV بحزن، ويخرج من مكتب سانشيز إلى غرفة ماريا السكرتيرة

وبمكتب ماريا

منصور : سلام يا قمر، ويُمسك صورتها من على المكتب ويسترسل :
الراجل بتاعكوا ده باشا بصحيح، بس خزلنى، نراكم فى عمليات أخرى،
ويقترّب منها منصور : م تجيبى (وكأنما يريد أن ،،،،) یرن تليفون
ماريا السكرتيرة، فتبتعد عنه تلك الحسناء وتأخذ منه الصورة وتضعها
مكانها على المكتب وتذهب لمكتبها لترد ، يُلقى منصور عليها التحية
بيده من بعيد ثم يرفع كف يده إلى أذنه ويغلق أصابع كفه الثلاثة
الوسطى ويفرد الإبهام والبنسر بعلامة "كلمينى" : كلمينى ،، تليفونات
بقى وواتس وكده، كتك نيله فى حلاوتك، عقد مؤقت !!!

وبمقر شركة الطيران

نجد سكرتيرة مستر فاضل تحول إليه مكالمه :

مستر ديفيد فيكسد وينج David Fixed Wing مندوب شركة بوينج
يا فندم

فنزى فاضل بيه يتحدث بمكتبه تليفونياً وحوله عدد من المسؤولين
وحيث يتحدث مستر وينج بطريقة خواجاتى فرانكو أراب كالجريكيين :
قيادة الشركة مهتمة بالموضوع جداً مستر فاضل وخطاه على رأس
جدول أعمالها إنهارده والقيادة السياسية ضغطت على حكومة مكسيكية
عشان تفرج عن ماركو فرنانديز بتاع مافيا، وأنا بإسمى وبإسم الشركة
بنشكركم على المجهود ده، وكمان عاوزين نضمن على

• تظمن ع الطيارة مش كده ،،،،، قالها فاضل بيه (مقاطعاً)

• لا لا ، مش مهم طياره

• على تكنولوجيا ، مفهوم مفهوم

• لا لا مش مهم تكنولوجيا

• آمال عاوز تظمن على إيه مستر وينج؟؟؟

• عاوز نضمن على أنيتا

• مش عيب عليك فى سنك دا يا خواجه قالها فاضل بيه (بسخرية)

• لا لا ،، إنت مش تفهمنى صح،، محاولاً أن ينفى التهمة عن

نفسه

• صح إيه وغلط إيه !!! ما الحكاية واضحة زى الشمس أهه،

علاقاتك وصلت للجو كمان يا خلبوص !!!! مش مكفيك إالى

عندك، طالع فوق السحاب ،،، قالها فاضل بيه (بسخرية)

• لا لا ، إنت مش تفهمنى صح بردو مستر فاضل، دى سيادة

المستشارة إتصلت بالرئيس كليتتون ووصته عليها

• يااااااه عشان واحدة إتخطفت سيادة المستشارة بتتكلم عشانها

مخصوص

• إنتوا مش عندكوا كده بردو مستر فاضل ؟

- طبعاً وأكثر من كده ،، قالها فاضل بيه (بسخرية وصوت قوى حاسم) وأثناء ذلك تبدو نظرات إستغراب من الجالسين تجاه ردود مستر فاضل والذي يسترسل : أنا مش عاوز أقولك إحنا بنعمل إيه لو مواطن حد مسه بس !!! ثم يسترسل (بصوت خافت) : كلمنى فى وقت تانى وه أقولك على إنفراد

بغرفة عمليات الخاطف

يستقبل هشام مكالمة

هشام : مسيو لارسن ، أهلاً معالى الوزير عاوز ٢٨ جته ياه ،، آ ،، عشان تحطهم ضحايا عملية إرهابية كده وكده ،، أيوه فاهم زى ناين إلين يعنى 9/11 ،، حركات وكده زى كل مره ،، عاوزهم فين آ ،، آ ،، فى نفس السيماء إلى ه تمثلوا فيها العملية ،، ودى فين ، شوكنهاجن ، فى وسط شوكنهاجن نفسها !!! ،، مش عاوز شوية إرهابيين كمان ؟ عندى شوية دواعش كده ،، عندك ،، طب ماشى ،، لا مفيش مشكلة ،، آ ،، آ ،، بس ه يكلفوك شويه يا معالى الوزير ،، ألا عاوز ملامحهم إيه ،، يعنى أسويين ،، عرب ،، أفارقة ؟ ،، آ ،، ولو عاوز شوية دواعش نتيجة تبادل إطلاق النار ،، مفيش إطلاق نار ، آ ،، مش ف السيناريو ،، بس يبقى سيناريو سكه على فكرة ،، ماشى ،، بص سيبنى أشكلك وانت عارف زوقى ،، طب ماشى ،، لا سهلة ،،

ه اسلمك من فرعنا إلى فى أوروبا عشان ماكل فكش شحن كثير و ه ابلك بالتفاصيل خلال يومين ،، هى العملية الإرهابية المفاجئة دى ي إمتى ؟ ،، كمان إسبوع ،، ١٨ سبتمبر ١ بالليل

دليفري - مصطفى عرفه

بطولة رولان جاروس للتنس تُعرض بشاشة التلفزيون أمام مسيو لارسن، ونرى الجميلة مارتينا هينجز ذات الزى الأبيض القصير تضرب الكرة بقوة

مسيو لارسن : هو مين إلی ه يبعث للتانى، والله الواد دا بيئُه بيخَرَف هشام : ربنا يخليلنا دعاة السلام أمثالك يا معالى الوزير

المكسيك - سجن كابالاسكا - مدينة سينالوزا

السلطات المكسيكية تُتم عملية الإفراج عن ماركو فرنانديز

يظهر الخواجة سانشيز كبير المافيا بالسيجار وببذلته البيضاء الفخمة (والتي يرتديها بالمناسبات الهامة بدلاً



من القميص الكاروهات)

ينزل من سيارته السوداء الفارهة أمام بوابة السجن ليستقبل ماركو فرنانديز، ذلك السجن الهام الذى يرتقى إلى مرتبة الـ VIP ، يستقبله إستقبال حافل وسط أسطول من السيارات الفارهة فيما لا يقل عن عشرين سيارة بخلاف الموتوسيكلات الحديثة جداً

سانشيز يعانق ماركو فرنانديز بالحضن وبجوارهم منصور يُصافح ماركو وكأنما يصافح ميسى ، يشير سانشيز إلى منصور ويعرف ماركو به ، ومنصور فى غاية السعادة وكأنما يريد أن يخبره بأنه من أتم صفقة الإفراج عنه وليس ببعيد أن يقنعه ذلك الحلنجى (كما أطلق عليه مسيو سانشيز) بأنه من خطط ودبر لخطف الطائرة، يطلب منصور صورة سيلفى مع ماركو وسانشيز وماريا ويحصل عليها بنجاح بموبايله الإس ٧ وسانشيز يَتَعَجَّلُه للتحرك بالموكب

ثم، يتجهوا للسيارات وسط حراساتهم المكثفة ثم يغادر الجميع المكان بسرعة سيارة تلو الأخرى وترفع السيارات صور سانشيز وماركو ومستر فاي عليها يُخرج منصور رأسه من شباك السيارة رافعاً علم مستر فاي ثم يلقي بعضهم زيت على الأرض من خلفهم وينزل ركاب السيارة الأخيرة بالموكب يضعون كاوتش بالطرق ويشعلون به النار ويفعلو ذلك بالتقاطعات التي تقابلهم كذلك ينزل منصور يساعدهم ويعطيهم نصائح في ذلك ويشير للأرض عند التقاطع بيده

song 1

وبطريق العودة يتغنى أعضاء المافيا بأغنية أسبانية فرانكو آراب إبتهاجاً بالإفراج عن ماركو حيث يرفع أعضاء المافيا صورة سانشيز وماركو ومستر فاي ويرافقهم ذلك الحلنجي منصور في الغناء وكذلك السكرتيرة الحسنة ماريّا



أعضاء المافيا :

كوكو واوا كوكو واوا ،، كوكو كوكو وا
كوكو واوا كوكو واوا ،، ماركو معانا ،، كوكو كوكو وا
تحية لمستر فاي ،، إلى خدع السلطات
تحية لسانشو ،، إلى دفع الدولارات
تحية لماركو ،، إلى نور فيلات
تحية لمستر فاي إلى خدع السلطات
تحية لمسيو سانشيز إلى دفع الدولارات

تحية لماركو إالى نور فيلات
تحية لماركو وسانشيز ،،،، تحية لمستر فاي
تحية لماركو وسانشيز ،،،، تحية لمستر فاي
كوكو واوا كوكو واوا ،، كوكو كوكو وا
كوكو واوا كوكو واوا ،، ماركو معانا ،، كوكو كوكو وا
منصور (بصوت أجش) :

لو كان عفريت فى فانوس ما إتحرك ولا بالفلوس
حتى لو أخذ الماركات والبيزو كمان والدولارات
لا طلعت بتعيين فى المافيا ولا كرت القبض ببصمة صوت
آل إيه ، عاوز سى فى ، وكمان ألمانى وأسبانى
وايشى سى بى إيه CPA ، وكمان مش عارف إيه
آل يعنى ما يعرف منصور ولا تصنيف مستر فاي
والله لأشحنه على الكتكات وماريا كمان على بين السرايات
وأطلب فدية فى سانشيز وأخذه رهينة فى سانت تريز
وأفاوض فيه مافية ميت غمر ، أو أبيعه فى ميت أبو الكوم
أعضاء المافيا :

تحية لمستر فاي إالى خدع السلطات
تحية لمسيو سانشيز إالى دفع الدولارات
تحية لماركو إالى نور فيلات
تحية لماركو وسانشيز ،،،، تحية لمستر فاي
تحية لماركو وسانشيز ،،،، تحية لمستر فاي
كوكو واوا كوكو واوا ،، كوكو كوكو وا
كوكو واوا كوكو واوا ،، ماركو معانا ،، كوكو كوكو وا

أما ببطن الزير

أرض صحراوية شاسعة بها لافتة مكتوب عليها بالعربية والأسبانية "بطن الزير" في مواجهة الطريق بينما ظهر اللافتة من الناحية الأخرى مكتوب عليها بالعربية والأسبانية "نقطة تجمع الركاب المخطوفين" وتحتها صورة أشخاص مكبلين من أيديهم وراء ظهورهم وعُمي على أعينهم بأربطة قماش

سيارة سوداء فخمة داخلها ثلاثة أشخاص ، يتصل رجل منهم داخل السيارة بالموبايل : arrived the location،Yes boss أيوه يا فندم وصلنا المكان المحدد ، وينظر للافتة المكتوب عليها "بطن الزير"

No boss, I do not see anybody here لأ مش شايف حد يا باشا

تظهر سيارة نصف نقل دُبل كابينة حديثة جداً تأتي بجواره ويشير إليه بيده

الرجل بالسيارة الدبل كابينة (للرجال بالسيارة السوداء) : Follow us ورايا

السيارة السوداء تتبع السيارة الدبل كابينة وتتجه الدبل كابينة للطريق الرئيسي

الرجل بالسيارة السوداء (لزميله بجواره) :

it is the same road we came ،This is a main road from

دا طريق رئيسي ،، دا نفس الطريق إلى جينا منه يأخذ سائق الدبل كابينة الطريق من الحارة اليسرى السريعة ويصل تحت كوبرى علوى ويعطى إشارة إنتظار فيتوقف سائق السيارة السوداء خلفه وفجأة تتوقف سيارة فضى حديثة فى الإتجاه المعاكس

ينزل سائق الدبل كابينة ويقف مكانه ويشير للسيارة السوداء بيده بأن يضع شنطة الفلوس فى شنطة السيارة الفضى فى الإتجاه المعاكس فوراً

سائق السيارة الدبل كابينة : Put the money in the silver car

حط الفلوس فى شنطة العربية الفضى

بمجرد وضع شنت الفلوس فيها، تنطلق السيارة الفضى بسرعة فائقة فى الإتجاه المعاكس وتنطلق الدبل كابينة بسرعة فائقة وتدخل شوارع جانبية إلى شوارع جانبية إلى مدقات تتبع السيارة السوداء الدبل كابينة، لكن تأتى تريلات من يمين الطريق لتمنع السيارة السوداء من رؤية الدبل كابينة، فتقلت منها

الرجل بالسيارة السوداء (لزميله بجواره) : We lost him لقد أفلت

بمقر غرفة عمليات الخاطف

يستقبل يحيى مكالمة فيرد : عاوزين إيه؟ ، تخرجوا عن تاجر مخدرات ؟ مسجون فين ،،،، آ ، فى بيرو ، للأسف طلبك مش عندنا مفيش ولا راكب من بيرو عشان نبذلهم صدقنى ولا فى العملية دى ولا فى العمليتين إالى جايين أنا بصيتك فى الجدول أدامى أهه، والله ما يغلى عليك م يهونش عليا تقفل الخط وانت زعلان، تاخذ جسم الطائرة، البودى يعنى Body ،،، إيه ملكش فيه ،،، طب الكاوتش ،،، مش كارك إزاي يا باشا ،،، إفتح فرع ،،، برانش Branch يعنى ،،، وأنا أشغلهولك حلاوه ،، آ ،، خايف من الضرايب ،،، يعنى خايف م الضرايب ومش خايف من حبل المشنقة ،،، ويستدير يحيى جهة اليسار بالكرسى قليلاً ، ويسترسل : إيه الحرمانية إالى فيها بس ،،، لأ ناقشنى بالعقل

• حبيبى جسم الطائرة بتاع ناس فتنقى سرقة

- لأ ، أصيل والله أصيل يا خواجه
- لكن المخدرات م فيهاش حرمانية
- طب إيه النظرية، ويستدير يحيى جهة اليمين بالكرسى قليلاً : لأ، كبرت فى دماغى ولازم أفهم، فيرد الخواجه :
- عشان المخدرات عرض وطلب يحيى حبيبى، م بتضربش حد على إيدته، إالى عاوز، بيشترى، يعنى تجارة، أمال سموها تجارة مخدرات ليه، لكن دوکها سرقة سيارات، سرقة طيارات، و فرق كبير بين السرقة والتجارة، أنا ماليش فى الحرام حبيبى، لأ إنت كده عاوز تقسدا وتمشينا فى السكة الغلط
- غلط !!!!! ، قالها يحيى (بإبتسامة عريضة) (منبرهاً) ويسترسل : تصدق إنت كبرت فى نظرى، لأ، تحليل م يخرش الميه، إسمحلى يا خواجه أرفعك القبعة، من هنا، من بلاد السند والهند وبلاد تركب الأفيال، بالرغم من إنى مش لابس قبعة، وأنحنى أمام مبادئك العظيمة والمحترمة رغم إن وسطى بيوجعنى بردو، ومش قادر أنحنى، أصل أهم حاجة الإحترام، هو إحنا عندنا غيره، وعشان البقين الحلوين دول ودرس القيم والأخلاق إالى إدتھولى ده، أنا لازم أخدمك، شوف إبقى كلمنا بعد شهرين يمكن يقع فى إيدنا حاجة لقطة، سلام يا باشا، يا أصييل
- ويغلق يحيى التليفون و ينظر بجواره لزملاؤه مسترسلاً : والله الشغلانة دى بتخلينا نقابل ناس ونتعلم كلام من دهب، فشر طارق علام، من كل حته فى الكورة الأرضية، وإحنا قاعدين مكاننا ولا أجدعها ن.ش
- ريهام : إيه ن.ش دى ؟؟
- يحيى : ناشط سياسى
- هشام : طب إشجينا

يحيى : يعنى الراجل شرحلى "المنطق" فشر عادل امام وسهير البابلى فى مدرسة المشاغبين، لأ، يعنى غسيل مخ رسمى، ألا قولى هى تجارة الحشيش حلال ولا حرام

هشام : حرام طبعاً، إيه إالى جرائك يا يحيى

• ب أقولك تجارة الحشيش، مش سرقة الحشيش ولا غش الحشيش،
يعنى حشيش فابريكة مش راشش ولا مغشوش

• بردو حرام

• لأ،، أقنعتك أنا بقى، وملتقت يحيى لزملاؤه هشام وريهام ويترك شاشة الكمبيوتر

فتتدخل ريهام : لأ، إنت باللك رايق، إظهار ريحة الحشيش جتلك من سلك التليفون وإنت بتكلم الراجل بتاع المافيا ده، فتسترسل ريهام : بقولك إيه، عندنا أوردات كتير عاوزين نسلمها، والدكتور على وصول هشام (ليحيى) : ورينى كده آخر أوردى عندك فينظروا للشاشة يحيى : أوردى الكبد

هشام (الريهام) : وإنتى يا ريهام، فيقرأ هشام فى شاشتها "اللوز" (فيفهمها هشام لوز من ياميش رمضان) فيتعجب : إيه، لوز !!! إنتى عندك أوردى لوز ؟

ريهام : لوز، وتشير لفمها وتسترسل : لوز،، دا دكتور أنف وأذن وحنجرة

هشام : يعنى أدخل أنا على أوردى الكلاوى ؟

يحيى : ماشى، بس خلى باللك دا تيك أواى، وبعدين الكلاوى لازم يطلع معاها نص مخاصى إجبارى، أمال ه نوديهها فين، قوله م بنطلعش كلاوى صافى، ويسأل فى أى حته، فى كارفور، ه يلاقى الكلاوى لازم يطلع معاها مخاصى وحلويات، يعنى إحنا مكارمينه كمان

هشام : كويس إنك قلتلى عشان أعمل حسابى
ريهام : إظهار الشيشة قلبت دماغكوا إنتوا الإيتين
هشام : هو مين الطيار إالى فاضى بره
يحيى : الواد سعيد دليفري

هشام : لأ، خف على سعيد شويه دا لسه راجع من أوردر الدنمارك
وبيقولك الإشارة كت واقفة فوق اليونان عشان الويك إند وكان حاطط
إيده على قلبه عشان كان خايف الطحال إالى معاه يضرب فى الحر،
لأ، والواد الظابط اليونانى الرخم كان عامل لجنة فوق السحاب
والطريق واقف كمان وإجنحة الطيارات لازقة فى بعضها زى البط
يحيى : م تخافش ع الواد سعيد إرميه فى أى حته وهو يتصرف ه
يشوف له أى تخريمة ويعدى منها
هشام : عندك حق

(٨) الشهادة

المعهد العالى لتكنولوجيا المعلومات

نقترب شيئاً فشيئاً من حجرة مكتب عليها "دكتوراه عايدة المنشاوى" أستاذ ورئيس قسم البرمجيات والتكنولوجيا" يفتح الباب، ف نمر على سجادة بوسط الحجرة ونقترب شيئاً فشيئاً من مكتب دكتوراه عايدة وهو مكتب متواضع على حوائطه شهادات كثيرة منها شهادات صادرة عن المعهد العالى لتكنولوجيا المعلومات وشهادات من جامعات أجنبية و شهادات تقدير وقصائد شكر من طلاب لها بالمعهد بسنوات متفرقة وشهادات أخرى

تجلس دكتوراه عايدة على مكتبها وهى أستاذة بالخمسينات من عمرها تبدو عليها علامات الرزانة والهدوء و نرى دكتوراه بثينة من نفس سنها تقريباً وتبدو أنها صديقتها، تجلس أمام مكتب دكتوراه عايدة

- طمنيلى أخبار حازم إيه يا عايدة، أخذ الدكتوراه ولا لسه
- كان بيحضر لها من ست شهور فى جامعة مونتريال، بس لسه ما قلىش عمل إيه ،، قالتها دكتوراه عايدة (بأسى)
- يااه ومكلمكيش من ست شهور
- شايفه القسوة يا بثينه، ما يعرفش أنا عملت إيه وبأعمل إيه

عشانهم

يطرق باب الحجرة فتأذن دكتوراه عايدة للطارق بالدخول، فيُفتح الباب ويدخل فراش يرتدى ملابس نظيفة ومكوية

دكتوراه عايدة : إتفضل يا عم فرغلى

يقتررب عم فرغلى الفراش من مكتب دكتوراه عايدة ويضع ظرف أبيض أمامها، فتمسكه وترفعه سننيمترات عن سطح المكتب، مكتوب على الظرف "حرم الشهيد / عقيد حمدى على شهيى"
عم فرغلى : فى واحد جه الصبح وساب لحضرتك الظرف ده يا دكتوراه

فتفتح دکتوره عایده الظرف

دکتوره بثینه : فی ایہ الظرف دا یا عایده

دکتوره عایده (لعم فرغلی) : إتفضل إنت یا عم فرغلی فینصرف عم فرغلی الفراش وتسترسل دکتوره عایده (لدکتوره بثینه) : دی دعوة تکریم من معالی وزیر الداخلية لأهالی الشهداء

• تعیشی وتفتکری یا حبیبتی

• والله حمدی طول عمره کان أمله یشوف حازم دکتور ومکنش یحب إنه یطلع زیه

• و حازم مش جای مصر قریب یا عایده

• للأسف مستخسر فیا الزیارة، تصدقی یا بثینه إنه زعلان منی عشان قاطعت خاله، وهو أنا لیا ذنب، ما خالهم هو إلیی أخذ ورثهم هو ومراته التبعانه، ولولا كده مکتش تعبت وشقیت الشقی إلیی أنا شفتُهُ عشانهم ،،، قالتها دکتوره عایده (بأسی)

• إنتی مش قلتی لی إنك رجعتی العلاقات مع فريد أخوکی

• یعنی ،،، قالتها دکتوره عایده (بأسی)

• یعنی ایہ یا عایده ؟

• مش بالظبط، من حوالی سنه كده خلیت الولاد یخرجوا مع بعض، لكن أنا عمری ما كلمت فريد ولا هأكلمه

یدخل عم فرغلی وینظر تجاه دکتوره بثینه فتخاطبه دکتوره عایده : فی حاجه یا عم فرغلی

عم فرغلی : دکتور سعد بیدور علی دکتوره بثینه، فتنظر إلیه وتنهض بینما تقول (لدکتوره عایده) : ماتزعلیش نفسك إحنا إتعودنا نتعبلُهُم ومش مستتبیین منهم حاجه، بکره یعرف إلیی عملتیہ عشانهم

وتتصرف دكتور بئينه وفي نفس اللحظة تدخل معيدة شابة بالقسم وتقف أمام مكتب الدكتور عايدة وتفتح ملف وتضعه أمام دكتور عايدة متسائلة :

- البنود دى ه نعمل فيها إيه يا دكتور
- ه ناخدها فى إعتبارنا طبعاً، وتشير لبند بالورقه مسترسلة : ودا إلغيه ؟

• تمام شكراً يا دكتور عايدة
تتصرف المعيدة من الحجرة وتبقى دكتور عايدة وحدها ، و تُمسك بسماعة التليفون وتتصل وبمنتهى الهدوء تقول : أنا عندى أخبار يمكن تهمكوا عن خاطف الطيارة

"الحقيقة أنا جايه بصفة شخصية مش رسمية وه قول لسيادتك ليه"

هكذا بدأت دكتور عايدة حديثها مع أدهم بيه بمكتبه بأمن الدولة

- إتفضلى يا دكتور
- أنا الحقيقة عندى شك ممكن يرتقى لدرجة اليقين إن صوت الخاطف إالى سمعناه فى التليفزيون هو صوت دكتور كان زميل لينا فى المعهد
- وراح فين يا دكتور

• الحقيقة إتعمله مجلس تأديب وأجبر على الإستقاله، فيسألها أدهم بيه عن السبب، فتجيبه : ثبت تورطه فى عمل هاكينج على كمبيوتر شركة كانت بتستعين بخدمات برامج تقنية من المعهد وسرب معلومات غاية فى السرية إتسببت فى أزمة كبيرة للمعهد مع الشركة

- وعملت إيه الشركة دى ؟

- صاحب الشركة رفع قضية على المعهد بعد كده، إكتشفوا إن هو إلی عمل كده سعادتك
- وهو بالقدر دا من الذكاء إنه يقدر يعمل كده
- الحقيقة هو كان عبقرى ومحدث يقدر ينكر كده، بس للأسف إستغل ذكاؤه دا فى الشر مش فى الخير
- وإيه كمان يا دكتور
- الدكتور ده كان نصير بعض الطلبة إلی هو بيعتبرهم إظلموا
- عشان م اتعینوش معیدین فى المعهد ودول بردو كانوا متفوقین وكانوا شیدی الصلة والصدقة بیه
- یا ترى فاکره أسماء الطلبة دول یا دكتور عایده
- أفکر واحد فیهم کان إسمه یحیی ودا کان بیعتبره ابنه الروحی، فیکتب أدهم بیه فى ورقة أمامه تلك المعلومات ویسأل :
- للدرجة دى ؟
- م أنا بقول لحضرتك هو م کنش أستاذ عادى، هو کان بیحب الطلبة بتوعه فعلاً، وم بیخلش علیهم بأى معلومة عنده حتى لو من برا المنهج
- تناقض غریب یا دكتور، مش كده بردو
- فعلاً
- منین مُخلص فى شُغلُه أوى كده، ویعمل جريمة ضخمة دى دى بیعاقب علیها القانون

• والثاني كان اسمه هشام، يكتب أدهم بيه في ورقة أمامه وتنتظر دكتوراه عايدته إلى مقدم أدهم مسترسلة : بالرغم من إن دكتور باسل كان زميل عزيز علينا في يوم من الأيام وكلنا مع بعض عيش وملح لسنين طويلة،، تنتظر دكتوراه عايدته إلى أسفل ثم تسترسل : إلا إني لقيت إن واجبي يحتم عليا إني م اسكتش على حاجه زى كده ولازم أبلغ وتنتظر إليه وكلها تأثر ثم تسترسل : وده إلی يمليه عليا ضميري، ودا إلی بنجرسه في طلبتنا قبل أي حاجة، القيم والأخلاق، والحقيقة ليا رجاء عند سعادتك

• خير يا دكتوراه

• نظراً لحساسية موقفى مش ب افضل إسمى بيان في التحقيقات لإن دكتور باسل ممكن ينهار فيها، أنا عارفه إنه إتعرض لصدمات كتيرة في حياته ومش حمل صدمة تانية خصوصاً لما يعرف إني كزمية وصديقة كنت قريبة منه إني أنا إلی بلغت سيادتك بشكوكى دى

• مفهوم يا دكتوراه

• أو على أقل تقدير إني شكيت فيه، وأفكر دا سهل يا سيادة المقدم كأن سيادتك وصلت للمعلومات دى من تحرياتك، وف كل الأحوال سيادتك ه تتحرى عن الشكوك دى، وتتأكد من صحتها أو عدم صحتها، ويأريت، يأريت تكون مش صحيحة وتكون شكوكى غلط، وعشان كده طلبت المقابلة م تبقاش رسمية

• ياه، كل الرفق دا عندك، بالرغم من إنك ب تتكلمى عن إنسان ممكن يكون في نظر القانون مجرم بمعنى الكلمة، إنه يخطف طياره ويعرض حياة المئات للخطر، بس م تنسش إن القانون لازم ياخذ مجراه، ووظيفتنا نحقق العدالة مهما كانت قسوتها، علشان نرجع الحق لأصحابه أو ننقذ حد من الخطر، ويسترسل :

- أحياناً مش مفروض تاخدنا رحمة أو شفقة بالمجرم، لأن ده ممكن يكون على حساب طرف مظلوم أو مجنى عليه ،،،،، دكتور، إسمحيلي أحييكي على إنسانيتك قبل أى حاجه
- الحقيقة مش بس الإنسانية والضمير إللى دفعونى آجى إنهارده
- خير يا دكتور
- الحقيقة فى سبب شخصى تانى وهو إن كابتن جلال الطيار يبقى ابن أخويا، وأنا الحقيقة ألأنه عليه
- أحب أطمينك، إحنا ه نبذل كل إللى نقدر عليه وأكثر شويه
- تتهض دكتور عايدته وتطلب الإستئذان فينهض أدهم بيه ويصافحها :
إتفضلى يا دكتور
- بمفرده جلس أدهم بيه فى مكتبه، ومن ثم يرفع السماعة ليتصل بالرائد
عماد : رائد عماد ، ياريت تجيلى حالاً
- رائد عماد جالس أمام مقدم أدهم بمكتبه
- عاوزين كل البيانات عن الراجل ده وعن الطلبة دول يا سيادة الرائد
وبسرعة جداً
- تمام ه يكونوا عند سعادتك بأسرع مايمكن يا فندم
- إعتبر مقدم أدهم أن هذا الحوار المثمر مع دكتور عايدته هو بمثابة بارقة أمل فى تتبع دكتور باسل وتلاميذه لعله يكون خطأ إيجابياً فى طريق الكشف عن خاطف الطائرة الذى فقد معظم خيوط تتبعه
وبعدما غير الخاطف أماكنهم وقام بخدعة الأقنعة

بوكالة فای - وبالحديقة

تكاد الشمس لتغرب إستعداداً لأن يحل الظلام، شاب فى الثلاثينات من عمره وهو سعيد دليفري ممسكاً بفوطه يلمع الموتوسيكل الخاص به، وتلك الطائرة الخاصة الصغيرة التى تقف بجوار الأشجار،

مكتوب على الموتوسيكل "دليفري محلى" Local delivery
ومكتوب على الطائرة "دليفري دولى" oversease delivery
يخرج يحيى وريهام من الفيلا ويمرون بسعيد وهو جالس بالحديقة
يشرب شاي بجوار موتوسيكله
يحيى : إيه ياد يا سعيد أخبار أمك إيه
سعيد : بتسلم عليك يا أستاذ يحيى
ريهام : خليها تدعيننا
سعيد : عيني يا آنسه ريهام
يحيى : عمل معاك إيه الواد بتاع المافيا آخر مره
سعيد : لا تمام، دا راجل جنتل خالص
يحيى : والبت السكرتيرة
سعيد : بردو جنتل خالص
يحيى (مبتسماً بخبث) : ياد يا سعيد
ريهام : خلى بالك من نفسك ل تكلك
سعيد (بثقة) : لا، تاكل مين
يحيى (مبتسماً بخبث) : بس حاجه غريبة، إنت والواد منصور
حكايتكوا إيه مع سكرتيرات المافيا: إيه ياد يا سعيد أحلى دولة رحتها
فيرد سعيد بحسن نية : المكسيك
ريهام : دا إظهار علقت معاه جامد، فين صورتها ياد يا سعيد
فيُخرج سعيد الموبايل ويعرض صورتها وهى تشجع بفانلة منتخب
المكسيك بالمدرجات وترتدى الطاقية المكسيكية الشهيرة ويُرَى الموبايل
لريهام : أهه يا آنسه ريهام
يميل يحيى برأسه لينظر إليها بالموبايل وينكش سعيد : فيها شبه من
سكرتيرة سانشيز، عسل ياد يا سعيد

يتمتع سعيد : محدش يتكلم عن الجير فريند girl friend بتاعتي كده

فيرد يحيى : إيه يا عم إنت جبت المأذون ولا إيه، أنا ب اتكلم عن فائلة منتخب المكسيك إللى لبساها عشان ب افكر أوحدلوكو الزى إنت والواد عادل ومنصور كمان، وينظر يحيى (لريهام) : مش كده يا ريهام، وينظر يحيى (لسعيد) : وبالعند فيك ه اعرض الإقتراح دا فى جدول أعمال الإجتماع الجاى أول م ييجى الدكتور، ولو إتكلمت كلمة زيادة ه اخلى الطاقية المكسيكى من ضمن الزى الموحد، وشوف عشان تلغى القرار محتاج إيه، وينظر يحيى (لريهام) : محتاج إيه ياريهام ريهام : محتاج يدعى لجمعية عمومية للوكالة، ولازم يحضرها نص الأعضاء على الأقل

يحيى (بتريقة) (لريهام) : ولو النصاب م كملش ريهام تجارى يحيى فى الحديث (أو كما نقول بالعامية "يشتغلوا سعيد") فتواصل ريهام تمادياها فى تلك الإشتغالة : يتلغى، ويُعقد بعدها بشهر بحضور ١٠% م الأعضاء

يحيى : وإبقى قابلنى، م تنساش إن الدكتور دايماً مسافر فى مأموريات وه اكون عملت حشد إعلامى جوه الوكالة ضدك وأخليهم يعملوا فيتوا vito على طلبك بإلغاء الزى الموحد ريهام تصطحب سعيد بعيداً بخطوات قليلة وتوشوشه (بهدوء وبطريقة تبدو وكأنها جادة "تشتغله") :

أقولك، شوف يحيى عاوز إيه، وإن كان فى مقدورك نفذه بأقل عدد من التنازلات، وبالمرة تبقى محتفظ بهيببتك بين أعضاء الوكالة من غير صورتك ماتتهز، وبدل م ييجى الدكتور بكرة وبيتدى يحيى يلعب فى دماغه، وم تعرفش ه يقوله إيه، ولا تعرف رد فعل الدكتور ه يكون إيه، وإن عارف إن يحيى ابنه الروحى،

يعنى ممكن يشكك فى جنسيتك، وكمان ممكن يشكك فى وجودك هنا من أصله، دا مش بعيد يقنعه يجيب حد غيرك، وأهو الطيارين ماليين محلات الدليفرى، يعنى لو نزل إعلان فى ثانية هبقى ألف واحد هنا • إظهار الموضوع كبر وأنا مش واخد بالى ،،،، هكذا رد سعيد (بتوتر)

• أقولك إشتري نفسك وروح صالحة ،،،، تقولها ريهام (لسعيد) (بصوت خافت) ثم تسترسل : قبل م يعلّى سقف المطالب ويلبسك تهمة الخيانة العظمى، ويمكن ينفذوا فيك حكم الإعدام، وهنا الدنيا مفهياش سريخ ابن يومين، يعنى مالکش ديه يا بن الناس، وإنّت عارف أنا ب اعزك إزاي، أنا ب أكلّمك لمصلحتك،،،، روح صالحة وبغرفة الرائد عماد بأمن الدولة حيث جلس أمام جهاز الكمبيوتر الخاص به ويظهر أمامه صورة دكتور باسل الدكتور السابق بالمعهد العالى لتكنولوجيا المعلومات، يمسك الرائد عماد بتليفونه ويجرى محادثات لجمع معلومات عن دكتور باسل وطلابه من الكلية ومن كافة الجهات تارةً عن طريق التليفون عن يمينه وتارةً تليفون عن يساره،

يخرج الرائد عماد من مكتبه عبر الكوريدور متجهاً لمكتب المقدم أدهم

بمكتبه جلس أدهم بيه وأمامه فنجان قهوة وبيده سيجارة، والرائد عماد جالس أمامه وعلى ما يبدو أن الرائد عماد قد جمع معلومات مبدئية ليست بالهينة، فهى فى الصميم، بل وتمثل خيطاً هاماً فى مجريات الأمور والذى يبادر بالحديث : الدكتور والطلبة سافروا إلى دول أسيوية وكان آخرها تايلاند من سنة تقريباً يا فندم أدهم بيه : معنى كده إنهم مقيمين هناك، شوفلى الخيط دا يا عماد

مرة أخرى أدهم بيه جالس بمكتبه بأمن الدولة مع فاضل بيه وشوكت بيه مدير أمن شركة الطيران فيبادر أدهم بيه : عاوزين نكون فى منتهى الحذر لإن المعلومات إلى عندى بتأكد إن الخاطف على مستوى على من الذكاء هو وفريق عمله، والمعلومات بتأكد إنهم خبراء فى الكمبيوتر

فتبدو علامات الدهشة على وجه شوكت بيه مدير أمن شركة الطيران وكأنما لم يكن يتوقع أن يصل المقدم أدهم الذى يراه بهذه الإمكانيات المتواضعة التى ظهر بها بحواراتهم السابقة، أن يصل إلى إستنتاجات، أيا كانت صحيحة أو تقترب من الصحيحة، فيريد شوكت بيه أن يستقصى الأمر ليعلم أكثر

شوكت بيه : وإيه إلى أكد لسعادتك معلومات إنهم خبراء فى الكمبيوتر ، فيرد أدهم بيه (برخامة) : دا شغلنا، وبعدين مش مهم عرفنا إزاي، المهم إن هو دا إلى وصلناله

ولا تزال الطائرة تحلق بالسماء ، تلك الطائرة التى تبدو نقطة بالسماء إلا أنها تحمل العديد والعديد من القصص ولا أحد يستطيع أن يتكهن إلى ما سينتهى الأمر !
وبداخلها ،

كابتن جلال : عزيزى خاطف الطائرة، السلطات بلغتني عن طريق برج المراقبة بأن كل طلباتك إتنفذت

فيرد الخاطف بسخرية : م أنا عارف، هو أنا مستنيك تبلغني ! إذا كنت أنا تحت مش عندك فوق ويسترسل (بنرفزة) : إنت ه تترفني ليه يا أخى

كابتن جلال : العفو العفو، بس كل الحكاية إن الوقت بيعدى والبنزين
إلى فاضل يگفى ساعة طيران واحدة ولسه م قتلش ه تنزل فين
عشان أتصل بالمكان إلی إنا رايحينه

شاشة موبايل ولا تبدو معالم المكان نهائياً ،، وعلى ما يبدو أن
شاشات الموبايل قد لعبت دوراً كبيراً بتلك القصة، بل وتنافست على
دور البطولة مع مستر فاي وماركو وأنيثا وذات الرداء القصير، ففي
كل مرة نرى شاشة موبايل، نتأهب لحدث قد يغير من مجريات الأمور
إما بالتعقيد وإما إيذاناً بالوصول إلى حل أو لفك شفرة ما، شاشة
الموبايل تلك المرة مكتوب عليها "إقطع الإتصال بالبرج"

وهنا يباغت الخاطف كابتن الطائرة بتعليمات مفاجئة لم تكن في
حسبان كابتن جلال على الإطلاق فنسمع صوت الخاطف يقول :
إقطع الإتصال مع برج المراقبة وعطل الكاميرات

فتبدو علامات الدهشة على وجه كابتن جلال فلم يحسب لها حساب
فيهب (مندهشاً) : إنا م اتفقناش على كده

فيرد صوت الخاطف ساخراً منه : هو أنا مفروض أقعد عشان أتفق
معاك ! ولا لازم آخذ الإذن منك ويسترسل بنرفزة : نفذ من غير نقاش
ولا جدال يا كابتن، ثم يسترسل صوت الخاطف بعدها : آخر عشر
صفوف في الطائرة يقدرُوا يشيلوا الماسكات عشان العرق

فنجد الركاب بآخر عشر صفوف ينزعون الماسكات وكأنما أزاحوا
هموم الدنيا من على وجوههم

كابتن جلال : وه انزل فين

صوت الخاطف : إنا فين دلوقتى، أكيد عدينا البحرين من شوية

• بالظبط، عرفت منين !؟

- بالخبرة، ه تكمل زى ما إنت جهة الشرق فى المحيط الهادى
بجنوب شرق آسيا وه تنزل تحت
- تحت فين ؟!
- تخلى شاطئ بنجلاديش على شمالك وتاخذ طوالى على جزر
المالديف ه تلاقى قبلها بحوالى ٢٣٠ كيلو جزيرة تانية فيها شجر
كثير، أول م تقرب تقولى عشان اشورك عليها
- يتمم كابتن جلال لمساعدته متعجباً (بصوت خافت) : طأ، أنا أول مرة
أسمع الوصفات دى، جاب الوصفات البلدى دى منين، دا زى إالى
بيوصف لواحد ميدان الجيزة،،، تقولش ه نعمل لاندينج Landing
فى مطار صفت اللبن
- بتبرطم بتقول إيه ؟ نفذ وانت ساكت
- م بقلش حاجة، ب اقول ربنا يستر
- لحظات من السكون بالطائرة ثم نسمع كابتن جلال مرة أخرى : إيه
الأخبار يا عم الخاطف
- فيضجر الخاطف فيقول (بهدهوء وسخرية) : عم الخاطف، عم !!
ويسترسل (بنرفزة وصوت قوى) : إظهار عشان إتساهلت معاكوا، رفعنا
التكليف، لأه، الخاطف خاطف والطيار طيار مسترسلاً (بلطف
ورومانسية) : وأنيثا أنيثا ثم (بنرفزة وصوت قوى) : أيوه لازم الكلام دا
يكون واضح للجميع،،، ماتنرفزونيش

Song 2

يتغنى الخاطف مع الركاب بأغنية (ماتنرفزونيش)
الخطاف و الركاب :

ماتنرفزونيش ،،، ماتنرفزونيش

لأخلى عاليها واطيها ،،، ياولاد الإيه ،،، ياولاد الإيه

عندى التزامات م المكسيك لأمستردام وإرتباطات من زيمبابوى
لأنجولا

ومن فلوريدا لبوليفيا ومن روما لأنطاليا ومن رواندا لأيطاليا
ومن مالى لتنزانيا ،، ومن كايرو لعمان
واشى كبدين ع الناصية ،، واشى مسجون م المافيا
م تلخبطونيش ،، م تأخرونيش ،، لأبعثكوا دليفري لسمك القرش
والقرش القرش ،، القرش القرش
الرجل الذى طلب ٣ إختيارات من زوجته :
ما بلاش تخطفلى أنيتا
يلتقت الرجل لزوجته تقيده بجواره مسترسلاً
ما تسيبها ، وتأخذ تقيده
صوت رجل ٢ :

و تأخذ عليها ، كمان مفيده
يلتقت رجل ٣ لزوجته مفيده بجواره
ومش خسارة ، لو أخذت سعيدة
يلتقت رجل ٤ لزوجته سعيدة بجواره
وعليها وكمان منيره
صوت الرجال :

جتهم كلهم كمان مصيبة ،، إحنا عاوزين أنيتا
فى عرضك ما تعكن علينا ،، دا إحنا خلاص إستوينا
وتبقى عمّلت فينا كمان جميلة ،، وتوبت علينا من المصيبة
جاتهم داهية فى ضحكة سنانهم ،، ولا عكننتهم ساعة المصيبة
الخاطف :

عاوز أخطفها بدون تعطيل
وأنزل بالقلب مع الكتفين ، وكمان رُكنة وكمان كبدين

دليفري - مصطفى عرفه

وأسلم فوري في بطن الزير و أولهم ماركو من المكسيك ،،
وأخـرهم باولو من البرازيل
ودى أول مرة نشوف ماسكات ،، بس حرمونا من الضحكات
تبتسم أنيتا، ويسترسل الخاطف
أسطى

كابتن جلال بالكابينة منتبهاً ممسكاً بذراع القيادة
ما تخلى بالك ، في مطبات ، عايزين نوصل بسلامة ، وبدون
عقبات
وبلاش تتهور وتقولى محيط ، ولا تقتكر إنك حويط ،
دا إنت طلعت، فى الآخر عبيط
ودى أول مرة نشوف ماسكات
مانترفزونيش مانترفزونيش

الخطاف والركاب: لأخلى عاليها واطيها،، ياولاد الإيه ،، ياولاد الإيه
عندى إلتزمات م المكسيك لأمستردام وإرتباطات من زيمبابوى
لأنجولا

ومن فلوريدا لبوليفيا ومن روما لأنطاليا ومن رواندا لأيطاليا ومن
مالى لنتزانيا ومن كايرو لعمان ،، وإشى كبدين ع الناصية ،،
وإشى مسجون م المافيا
م تلخبطونيش ،، م تأخرونيش ،،، لأبعتكوا دليفري لسمك القرش
والقرش القرش ،، القرش القرش

بمقر شركة الطيران حيث يجلس المسئولين بالشركة وتظهر الشاشة
زرقاء كالسماء الصافية حيث ينقطع البث من الطائرة تماماً
شوكت بيه : أهو الإتصال إتقطع
مستر فاضل (بسخرية) : يعنى كنا مستقيدين حاجه وهو باين !!!

بالطائرة

نسمع ضجر الركاب الآخرين الذين يرتدون الماسكات
فيسترسل الخاطف : مش عاوز حد يزمزق، كل ١٠ دقائق ه نبدل
ونشيل الأقفلة للصفوف إالى أدامها

شاب بيدو من صوته من وراء الماسك أنه فى أواخر الثلاثينات من
عمره جالس بالصفوف التى لم تخلع الماسكات، يتحدث مع راكب
كبير السن يجلس بجواره، ويتضح ذلك من صوته أيضاً، وكأنما
يكملون حديثاً قد بدأ بينهم

الشاب (للرجل العجوز بجواره) : مؤتمر طبى فى مصر، جيت إمبارح
حضرته، وكان مفروض عندى مؤتمر تانى فى أمستردام، وبعدين
كنت أرجع بعد بكرة

الرجل العجوز (بتعجب) : ومسافر علطول كده، مالكش حد فى
مصر يابنى

بيدو التأثير على صوت الطبيب الشاب : ليا بس مكنش فى وقت
فيرد الرجل العجوز : ياااه جاي المشوار دا كله وماتعديش على أهلك
،، فيبدو التأثير على صوت الطبيب الشاب ،، فيسترسل العجوز
(بهدهوء وحكمة) : ياه دى باينها حكاية طويلة، ففظط يا بنى لو عاوز،
ماتكتمش جواك لحسن تطق، أنا زى أبوك ويمكن أقدر أنصحك

الشاب : وه تفيد بإيه النصيحة يا حاج ،، وكأنما يريد أن يُعبر بأن
النصيحة أيا كانت فلن تجدى حيث قد تكون إقتربت نهايتهم وقد
يحدث ما لا يُحمد عُقباه ويسترسل صوت الشاب (بتأثر) : أمى تعبت
و ربتنا أحسن تربية وحسينا بتعبها ده، وهى إالى ساعدتنى وأنا مسافر
لحد ما نجحت وحققت حلمها

يوجه الرجل العجوز وجهه إليه ويخاطبه خطاب الناصح الأمين قائلاً
(بهدهوء وسكينة) :

لقد أخذ بكل إحتياطاته دون أن يترك لا صغيرة ولا كبيرة ، فيعود وقد أصدر زئيراً كزئير الأسد، لقد إستطاعت تلك الثرثرة المتواضعة الذكاء (كما ظن هو وكما ظننا نحن أيضاً) أن تُخرجهُ عن صمته، عن سرّيته، عن تحصيناته، عن تركيزه، وتوجهه (كما أرادت هي) بالذهاب إلى التواليت بحكاية وهمية مفتعلة، فيتيقن الجميع بأن الخاطف على متن الطائرة وليس خارجها كما إدعى

عفواً . علينا ألا نستبق الأحداث نحن أيضاً ونظن يقيناً بأنه إنكشف، فعيب علينا أن نقع بالفخ ثم نقع بالظن ،،،،،،، فلكل فعل رد فعل ،،

كيف سيتدارك مستر فاي تلك الأزمة (الفخ) الذى وقع فيه بسبب مكر النساء، لقد خانته ذكاؤه للحظة وتصرف بتسرع ولو أنه تلميذ صغير، ولكنه عاد ليجمع شتاته

صوت الخاطف : إنت إيه إالى وقفك من مكانك، هكذا صاح (بعدما جلس) فى الرجل الذى توجه للتواليت (وهو ليس شخصاً آخر سوى مستر فاي أيضاً ، فقد أُلِف حواراً بينه وبين نفسه) فيرد الرجل الذى توجه للتواليت (مستر فاي أيضاً) بصوت لم نسمعه من قبل (صوت مستعار ليرد على نفسه بتمثيلية عكسية، إنه دهاء الرجال أيضاً) : وأنا ه أستناك تقوم ولا م تقومش، ما إنت قلت إنك مش ع الطيارة، يعنى أسيب مشكلة تحصل ،،، قُمت أشوف إيه الحكاية، قبل ما الطيارة تقع بينا

صوت الخاطف : تانى مره محدش يتحرك إلا بإذنى، إذن مكتوب ومختوم وممضى

بالطائرة

نسمع الخاطف يعطى تعليمات (للركاب) : الركاب فى ال VIP يشيلوا الماسكات فينزعو الماسكات، ومن ثم يوجه حديثه (للطيار) : هى دى الجزيرة، إنت كدا داخل عليها

- واضح إنك طيار قديم، بس مفيش فيها مهبط يا خاطف باشا
- قولتلك قوى مستر فای
- تمام يا مستر فای
- م تقلقش دلوقتى يبقى فيها

بالجزيرة

نرى من أعلى أناس كثيرون بالجزيرة يقومون بإزالة أغصان أشجار كثيفة من على الممر، فعلى ما يبدو أن مستر فای ذلك الخاطف الماكر المحترف قد أعطى إشارته بشكل ما لهذا الفريق أن يزيل الأشجار من على الممر إستعداداً للهبوط، فرجل بهذا الدهاء لن يجد صعوبة فى أن يدبر ذلك

بالطائرة

"تعرف تنزل دلوقتى"،، هذا هو صوت الخاطف لكابتن جلال، والذى يجيبه : رينا يسهل ،،، فيدور كابتن جلال حول الجزيرة إستعداداً للهبوط



الجزيرة بها بيوت متناثرة ومترامية الأطراف، يتعدها كابتن جلال
ليصل إلى المدرج الموجود بمنطقة خالية تماماً

"إيه يا ست المضيفة مش تشوفى شغلك، مفيش نربط الإحزمة، مفيش
إبقوا فى مقاعدكم،،، ولا فرصة نبلطج وم نشتغلش، يلا أومى إعمليلك
منظر بدل ما إنتى قاعدة كده، إنتى مش قابضه مرتب ولا إيه"،،
هكذا أنب الخاطف نادين، تلك المضيفة الجميلة، الكسولة

السيدة الثرثرة (ناظرة للسقف كالعادة) : والنبي براحه عليها يا عم
الخاطف، لحسان دى كوستليته خالص ومش حمل شخطة، لحسان
أبوها ياعينى مش ملاحق على طلباتها هى وأختها، بعدين دا لو زعل
ممكن يشتريها شركة طيران بطياراتها والركاب إالى فيها كمان

صوت الخاطف : إنتى بالذات ماسمعى صوتك
فتتهض نادين المضيفة بعدما أخرجها مستر فاى لتؤدى واجبها المعتاد
والذى كانت قد تناسته فى خضم تلك الأحداث التى لم تمر بها من
قبل، ولم يخطر على بالها أن تمر بها يوماً من الأيام

فتقول : على السادة الركاب ربط أحزمة الأمان ووضع المقاعد فى
وضع رأسى إستعداداً للهبوط، وسوف يتم تقليل الإضاءة بالكابينة حيث
نقترب من مطار، وتنتظر نادين لسقف الطائرة حيث مصدر الصوت :
مطار إيه دا يا خاطف باشا، والذى يرد :

والله م اعرف، أهو مطار والسلام، مش بيَقضى الغرض، خلاص،
وبعدين إنتى بتبصى فى السقف ليه ! طب خلى السقف يرد عليكى

نرى الطائرة من بعيد تهبط على المدرج

المنتج (للمخرج) بقاعة السينما : ياريت تعليماتك للكابتن براحه كدا،
تاتا تاتا وهو نازل، لحسان دا إحنا مأجرينها، دا مال يتامى الله يعمر
بيتك، ويسترسل: وبراحه ع الكاوتش كمان، الله يخليك، أه

ويسترسل (بسخرية) : إحنا م بيهمناش، عشان الكلام يبقى واضح
يتجه عدد من الركاب للباب، منهم كثيرون من درجة الـ VIP فيتبقى
عدد كبير من كراسى الـ VIP فارغ
فيسترسل الخاطف :

إيه مستعجلين على إيه، هو أنا خلصت كلامي !!! مش لما
أخلص،،، ه تنزلوا، ه تلاقوا أتوبيس من غير نمر مستتيكوا، ه
تركبوه، وتاخدوا التعليمات هناك، وباقي الركاب فى أماكنهم

باص ماركة تويوتا كويستر

يصعد عادل إلى الباص ويُعْمَى أعين الرهائن ويتأخر فى الوقت وهو
يغمى أعين الفتيات وكأنما يقتدى أو يقلد رئيسه مستر فاى مثله
الأعلى، فالطيور على أشكالها تقع، ثم ينزل ويبدأ الباص فى التحرك
راكب : بقالنا أكثر من نص ساعة

سائق الباص : خلاص وصلنا، ه تنزلوا هنا كل واحد بعد ما ينزل
يفك الغمامة من على عينه بنفسه وما أن يقول السائق هذه الكلمة
حتى تبدو على وجهه وبنبرة صوته علامات التأثر

ويسترسل بحديثه وكأنما حكيم يعطى نصائح من ذهب وسط موسيقى
حزينة ثم يسترسل (بتأثر وبترأخى) : لما تشيلوا الغمامة من على
عينكو ه تشوفوا الحقيقة إالى م كنتوش شايفينها

ينتبه السائق لكلامه ويتداركه ويصححه وكأنما أفاق من غفوته :
إيبيبيه ه تشوفوا الطريق، و ه تمشوا حوالى إثنين كيلو، ه يقابلوكوا
كوبرى، تعدوه

تمشوا طوالى وسط الجبال، لا يمين ولا شمال ،،، ه تلاقوا نفسكوا فى
مينا الجزيرة، ه تركبوا منه مركب صغير لبنجلاديش ،،، المركب ه
ياخد حوالى ٣ ساعات، ه تدخلوا بباسبوراتكم،

وهناك ه تروحوا الداون تاون ال downtown ، ع السفارة الأمريكية
عِدِل، وهما أكيد ه يرتبوا نقلكوا الإخوة المكسيكيين معاهم لإنى
معرفش سفارة المكسيك فين يلا بالسلامة خلوا بالكوا محدش يحاول
يتلفت وراه فى سلعوه هنا

فنرى الركاب يجرون فيسترسل سائق الباص محدثاً نفسه : يخرب
بيتكوا وإنتموا تعرفوا السلعوه منين، أقطع دراعى لو ما كتوا م الكتكات
خساره فيكوا التوصيلة، كدا يا باسل باشا، م كانوا خدوها جرى م
الطيارة للمينا وكنا وفرنا البنزين ال ٨٠ ، ماهم بييجروا كويس أهم

الجزيرة مدرج الطائرة ، وبداخل الطائرة

ها هو الخاطف وَصَلَ بسلام وقد تأكدنا من تصرفاته ونبرات صوته
وتردده فى كثير من الأحيان بأنه موجود على متن الطائرة وليس كما
يدعى وَصَلَ بسلام، بعدما نُفِدت طلبائهُ وهو فى أسعد حالاته، لا شىء
ينغص عليه فقد أدى مهمته بنجاح وبسلامة متناهية ويسيطر على
الموقف دون أدنى مقاومة لديه وقت، وهو زير نساء، فليتلأ إذن مع
فاصل من الترفيه، فنسمعه يقول : كل الستات تقلع، فتزد راکبة
(بتحفظ) مستكرة ذلك : نطلع إيه !!!!!

صوت الخاطف : تقلع الماسكات يا وليه،، فتخلع الركاب السيدات
الماسكات ويتذكر الراكبة ذات الملابس القصيرة : الراكبة إالى جنب
كرسى رقم إتش سته وعشرين H26 فتنتبه الراكبة ذات اللبس
القصير فيسترسل صوت الخاطف (للراكبة ذات اللبس القصير) :

You can keep the mask until you get new dress for
you

"ترجمة : إنتى ممكن تخلى الماسك لحد ما تشتريك هدمه تسترك" ،،
ويسترسل : م يصحش نسيبك تمشى كده،

طيب، أهى دى زى دى، وبعدين، هو البنزين ه يخلص !! الطيارة واقفة، لو الطيارة بتسحب بنزين بقه، يبقى الكريتراتير عندك هو إلى بايظ، روح إكشف عليه عند الواد كتاوت إلى فى شبرا، دا واد كويس أوى،

ودينالوا الطيارة إلى وقعت الإسبوع إلى فات
كابتن جلال : الواد كتاوت دا بتاع الدينامو، فيرد صوت الخاطف
(للكابتن) :

• آله ،، إنت ه تعدل عليا ولا إيه، إحنا مش ه نعرف نُحكّم الطيارة
ولا إيه

- وبعدين إحنا فين وشبرا فين ،، رد كابتن جلال
- شبرا بعيدة !!!! خلاص فى واد حلو أوى فى دوران مدغشقر
- مدغشقر !!!! قالها كابتن جلال (بدهوة)
- م تقوليش بعيدة دى فردة كعب على شمالك

ثمانية مسلحين ملثمين قادمون من أعلى تبة متاخمة لمهبط الطائرات قادمون على خيولهم يتجهون بسرعة تجاه الطائرة، فتملأ الأفق بالأتربة المتصاعدة، يحاصرون الطائرة فى لمح البصر ويطلقون النار بالهواء، فنسمع صراخ الركاب الذين أيقنوا بأنها الهلكة لا محالة، إنها حتماً من تخطيط الخاطف وقد حان الوقت لتنفيذ عمليات القتل والتنكيل، فيصيح مساعد كابتن جلال بالإذاعة الداخلية عمن يكون هؤلاء وتسود حالة من الهلع بين الركاب فيحسم أحد المسلحين الموقف (والذى يبدو وكأنه زعيمهم) ليُزيل الغموض عن الموقف، فيصعد الطائرة ويسير بالممر ناظراً إلى يمينه تارةً وإلى يساره تارةً ويسأل عن تصريح الخطف، فيجيبه صوت الخاطف من خلال الإذاعة الداخلية :

- إفتح درج الشنط فوق كرسی H31 ، فيفتح الرجل المسلح فيسترسل صوت الخاطف : ه تلاقى ظرف أزرق إفتح، فنجد الرجل المسلح يقرأ ما فيه ويضعه مكانه وينصرف في هدوء إلى خارج باب الطائرة

راكب (بنرفة) : ممكن نفهم إيه إلی بیحصل ده
راكبة : دا إحنا ركبنا سابت

صوت الخاطف : أيوه یعنی مش عاجبكو إنوا نزل، فينادى على الرجل المسلح : أيوه يا عم يا أبو بندقية، فيقاطعه عدد من الركاب بصوت عالي بأنه لاداعي لذلك
صوت الخاطف : یعنی ه تبقوا مبسوطين لو رجع وإتسلى عليكم واحد واحد

كابتن جلال : لا بس عاوزين نفهم

- یعنی عيب لما إنت بالذات تسأل السؤال ده
- ليه بس يا خاطف باشا ؟
- یعنی عُمرك ما شفت تفتيش يطلع يسألك عن إذن الرحلة إلی إنت طالعها
- إذن الرحلة !!
- رد كابتن جلال : بلاش دى، عمرکش ركبت أتوبيس وإننت صغير، ولا دى كمان ماتعرفهاش
- لأ، أعرفها
- مش بعد ما بتقطع التذكرة بيطلع المفتش يشيك ع التذاكر ؟
- فيرد كابتن جلال (باستغراب) : نعم !!!!!
- أهه دا بردو كده
- بردو كده إزاي !!!

• دا زميل من قطاع التفتيش والمراقبة بالوكالة بتاعتنا، طالع يشوف إذن الخطف، فشافه، عمل شغله ونزل، عشان تعرفوا بس إن مش أى حد إلیی خاطفكوا، إحنا وكالة لیها إسمها وتاریخها والسیستم الخاص بیها، مفیث عملیة تتم إلا ولیها إذن ممضی ومختوم وعلیه الدمغات بتاعته كمان، ولأزم أروح أدی التمام وأقدم تقرير باللی حصل كله، وطبعاً مش ه أنسى لك حركة البحر دى یا كابتن، وه أقولها فی التقرير، وطبعاً رئیس الوكالة مش بعيد یاخذ قرارات ضدك، إنت والكربراتیر التعبان بتاعك، ویسترسل (بهیام) : ولا إنتی یا أنیتا

• كابتن جلال : یعنی خطف خمس نجوم !!
• على أعلى مستوى وحياتك إحنا مش بنلعب، لو حابب تشوف الإذن أوم شوفه، ه تلاقى فیه ختم الوكالة والتوقيع، قالها الخاطف
• أيواااااااا، توقيع مين بأه، قالها كابتن جلال
• صدقنى معرفش، "لا تسألوا عن أشياء" یا كابتن، وبعدین إنت فاكرنی أعرف، وغلاوتك ما أعرف، وكمان ه تلاقى ختم الأیزو علیه

• أیزو !!!!
• أيوه، إننا ملتزمین بكل معايير الأیزو العالمیة فی الخطف
• ودا أیزو كام إن شاء الله یا مستر فای
• أیزو ١٧٠٠٧ ، ودا أحدث حاجه لسه نازله یا كابتن بشوكها
• فابریكة یعنی ،، قالها الكابتن بسخریة
• الله یفتح علیك یا كابتن دا حتی لسه مخدش موافقة المجلس
• مجلس إیه ؟
• مجلس إدارة وأمناء وكالة فای الدولیة
• أمناء !!!!!! أمنااااا !!!! أيوه أيوه !!!! حلوه أمناء دى !!!

- إيه !!!! عندك إعتراض ولا إيه يا كابتن، شكلك كدا عندك إعتراض أو بنتريق، طب إنت بالذات بقه حسابك معايا على إنفراد، وينادى بصوت عالي : يا عم يا أبو بندقية
- خلاص خلاص أنا آسف، أنا مش معترض على أبو زمل، أنا معترض على ١٧٠٠٧
- ودا معترض عليه ليه بأه إن شاء الله يا كابتن !!!!
- لإنه مش رقم أيزو يا مستر فای
- أمال رقم إيه يا أبو العريف ؟؟
- دا رقم الشركة الألمانية لإبادة الحشرات
- يوووووه ، لازم تعترض وخلاص مكفكش حركة البحر، دا إنت سجلك إسود معايا
- فتتدخل الراكبة الثرثرة : إمسحها فيا ، كابتن وغلط يا خاطف باشا

بأمن الدولة

عدد من الضباط على ترابيزة إجتماعات يراجعون البيانات الواردة من جهات أخرى كخلية نحل وبحضور اللواء شاکر المشرف على العملية والمقدم أدهم والرائد عماد

أدهم بيه : دا يا فندم، ويشير بيده اليمنى على الرائد عماد الجالس بجوارهم على ترابيزة الإجتماعات ويسترسل : التقرير إلی جابه الرائد عماد من الكلية ودا تقرير من جيران وأرايب ومعارف دكتور باسل والطلبة بتوعه، زى م أنا شايف يا فندم كل التقارير بتصب فى حته واحدة إنهم فى تايلاند أو بنجلاديش، ويشير بيده على جزيرة بالخريطة، بس قريب إتحركوا وبالتحديد راحوا فى واحدة من الجزر دى فى المحيط الهندى يا شاکر بيه

اللواء شاکر : وعشان كده يا أدهم رجالتنا بيتابعوا بالتنسيق مع السلطات هناك وه نبلغهم بتنفيذ العملية قبلها بساعات ينهض اللواء شاکر ويتجه ناحية الشباك القريب من الترابيزة ويسترسل : قولى يا أدهم إيه أخبار تحرياتك عن مسئولين الصيانة فى المطار أدهم بيه : إحنا حطينا إدينا على مسئول الصيانة إالى خرج منها آخر واحد بشهادة الشهود قبل الطيارة م تطلع الرحلة دى، وواضح فعلاً إنه حصل تواطؤ يا فندم

اللواء شاکر : الله ينور يا سيادة المقدم أدهم بيه : لكن للأسف يا فندم المعلومات بتأكد إنه مختفى من ساعة إختطاف الطيارة

اللواء شاکر : أكيد هبش مبلغ كبير أمن بيه مستقبله أدهم بيه : الغربية يا فندم إن تسجيلات موبايله إالى سبقت الحادث أكدت إن فى شخص كلمه أكثر من مرة واتفق معاه ع الترتيبات دى، مش كده وبس

اللواء شاکر : فى إيه كمان أدهم بيه : فى حد، وغالباً نفس الشخص، إداله تعليمات بأنه لازم يختفى بعد العملية

اللواء شاکر : ويأتى وصلوا له أدهم بيه : للأسف يا فندم النمرة محروقة ،، ينظر إليه شاکر بيه بضيق، فيسترسل أدهم بيه : بس أنا يا أفندم عارض المكالمات على خبير أصوات وإن شاء الله نوصل لشريكه

اللواء شاکر : على الله م يكونش مختفى هو كمان، إبقى طمنى أول ما توصل لحاجة، وينظر اللواء شاکر من خلال النافذه

وبغرفة عمليات الخاطف

ينزع يحيى الهيدفون من على أذنه قائلاً : الدكتور وصل ونزل المدرج بس الغربية إنه إتأخر وم اتصلش بيـنا ، بيعمل إيه كل ده ؟

بالطائرة

على ما يبدو أن مستر فاي قد إندمج فى مغازلة الجميلات وتمادى فيها وخاصة بعدما أعطى أوامره بنزع الماسكات عن أكثر من نصف ركاب الطائرة وفرز بعينيه الثاقبتين الجميلات من غير الجميلات ولم يأبه لعنصر الوقت، فهل أنساه ذلك أن هناك جدول زمنى لكل حركة وكل تصرف من المفترض أن يقوم بتنفيذه

الـ الخاطف : إالى قاعد فى الكرسي رقم A12 يحط السماعات فى ودانه (وكأنه لا يعرف إن كان رجلاً أم سيدة) ،،، فتتظر عدد من الفتيات لرقم الكرسي بأعلى الممر، تتظر الفتاة الجميلة بالكرسي رقم A12 فى الـ VIP لرقم الكرسي بأعلى الممر و تضع السماعات ، فيسترسل :
إنت منين يا حلوه

الفتاة الجميلة: نيوزيلاند

صوت الخاطف : إيه

الفتاة الجميلة : نيوزيلاند

صوت الخاطف (بلطف ورومانسية) : لأ ،، أول مرة أعرف إنها بتتتطق كده، إنتى مرتبطة ؟؟

الفتاة الجميلة : عندى بوى فريـند ، فيرد صوت الخاطف (بلطف ورومانسية) :

- إعتبرينى البوى فريـند الجزء التانى، Boy friend 2، BF2 خلاص متتقين، أنا معنديش مانع، عندك مانع ؟
- البوى فريـند بتاعى يزعل

- مايزعل، مش أحسن ماترعلينى إنتى، أله، ما أنا لو زعلت منك
يعنى ممكن ،،،
- فتقاطعه الفتاة الجميلة (بلطف ورومانسية) : مكن إيه ؟ فيرد
صوت الخاطف: لأ، ممكن حاجات كتير، يعنى ممكن نبيعك فى
سوق العبيد، إيبىييه، سوق الأعضاء، الكلوه لوحدها والودان
لوحدها وجوز العيون دول لوحدهم وممكن أطلب فدية من خطيبك،
وومكن أسيبك هنا للسلعوه

فتفزع الفتاة الجميلة قائلةً : السلعوه لأ!!!!!!!!!!!!

فيرد صوت الخاطف : يعنى سيبتى كل إالى أنا قلته ده، وماخوفتيش
إلا م السلعوه، واضح إن السلعوه مشهورة أكثر منى ومن ماركو
فرنانديز ذات نفسه، مش بعيد الكاتب يقنطرنى أنا وماركو القصة
الجاية وياخد السلعوه فى البطولة، يكونش الموطن الأصلى للسلعوه،
عندكوا فى نيوزيلاندا

مقر عمليات الخاطف

- نرى يحيى يتصل، ونسمع جرس تليفون،
فإذا بصوت الخاطف (مضجراً) : أيوه عاوز إيه يا يحيى مش شايفنى
مشغول
- أيوه ياريس إحنا قلقنا عليك لحسان تكون إتخطفت ولا حاجه يا
دكتور
 - لأ، أنا بخير يا يحيى بس مشغول دلوقتى، معايا بت نيوزلندية إنما
إيه
 - هو الموضوع كده يا ريس وإحنا قلقانين عليك، عندنا شغل كتير،
إحنا جايين ،،، قالها يحيى (مبتسماً)
 - يا رخم

يحيى (لزملاؤه) : يلا بينا نستقبله
ريهام : كان متأخر ليه
يحيى : ه ابقى أقولك بعدين

بالجزيرة مدرج الطائرة

يهبط الخاطف من الطائرة وما إن يبتعد عن الطائرة يخلع الماسك الأصفر للمرة الأولى فيظهر وجهه المجعد الباسم وقد تعدى السنتين من عمره وتبدو عليه علامات الفرحه، وهو نفس وجه دكتور باسل الذى كان المقدم أدهم يجمع عنه المعلومات بناء على ما أدلت له بها دكتور عايدة، وظهر على شاشات الرائد عماد ومقدم أدهم ورؤسائه

بمقر عمليات الخاطف بالحديقة

إستقبال حافل من تلاميذ الخاطف لأستاذهم فيُعَانِثُهُ يحيى ومن ثم، يُعَانِثُهُ هشام وتقترب منه ريهام وتضع يدها على كتفه
يحيى : حمد الله ع السلامة ياريس
ريهام : نَوْرَت بيتك ومطرحك يا عبقرى
يتوجه الخاطف مستر فای عبر الأشجار لمقره بالفيلا بصحبة تلاميذه وهم فريق عمله الذى يتابع كل عملياته من على الأرض بينما يكون هو فى السماء

وعلى حمام السباحة

مدد قدميه على الشيزلونج مستر فای وهو مع تلاميذه بالفيلا على حمام السباحة مع غروب الشمس وكأنما عاد بين أهله وأحس بالأنس معهم، فعلاقتهم علاقة وطيبة ومحبة من تلاميذ لأستاذهم الذى يعتبرونه مثلهم الأعلى

وكانما إشتاق لهذه الجلسة، فبدأ يتحدث بقلب مفتوح وبسلاسة وطلاقة ودون تكلف كأنما هو بين أولاده تماماً

يحيى : أخبار الرحلة إيه يا دكتور ؟

• والله كانت رُكبي بتسبب كل ما أقولهم ه افجر الطائرة، أنا مش ع الطائرة، أنا م يهمنيش، ألا لو طلع واحد مستبيع وقالى فجرها، م أعرفش كنت ه اعمل إيه، خصوصاً بعد الركاب ما سايروا الكابتن وشجعوه ينزل بالطيارة فى البحر

• عشان نيتك الصافية بس يا دكتور والخير إالى بتعمله

مستر فاى بسخرية : لا عندك حق يا يحيى، أنتوا عارفين يا ولاد إيه إالى عجبني فى العملية دى، إنها كلها جديدة من نوعها، الميكروفونات، والماسكات، بس إنت ياد يا يحيى أقنعت الواد بتاع الصيانة إزاي يحط الماسكات مكان أقنعة الأكسجين

يحيى : الفلوس تعمل كل حاجه يا باشا، وبعدين دول ٥ مليون جنيه، يعنى عمره م هيجيبهم من شغله طول حياته وهى عملية واحدة

هشام : بس الصدفة إن الواد دا مقطوع من شجرة، لو حد تانى كان خاف على عيلته والشغلانه دى

يحيى : العبرة بالتحريات يا باشا، سيبك إنت، بس الواد كان عنده إستعداد، يعنى الشيطان كان ملاعبه جاهز

ينظر إليه مستر فاى (مبتسماً) : جدع ياد، لا بس أنا كت قلقان عليكوا ، فيسأله يحيى عن السبب فيرد (مبتسماً) : كت خايف حد يتأخر فى الدليفري بتاعه ولا حد يفصل معاكوا وإحنا متشغلين فى الجو والبنزين ممكن يخلص

فيدخل كابتن جلال مبتسماً يهز يديه يميناً وشمالاً : يخلص إزاي يا باشا وإحنا هنا، الله ينور يا باشا كله أُلصطَه

(حقاً مفاجأة من العيار الثقيل، كابتن جلال من ضمن من إشتركوا أو
خططوا لعملية الخطف ! فماذا إذاً عن الهبوط بقاع البحر وعنبر ٢٥
!! أكان كل ذلك خداع وهراء أم سيناريو وحوار معد مسبقاً بمنتهى
الدقة والحرفية)

ويسترسل كابتن جلال: بس إيه رأيك، عَجَبَتَك ؟؟ ****
مستر فاي (مبتسماً) : عَجَبَتِنِي !! دا إنت أستاذ بس إنت سايب
الطيارة إزاي دلوقتى مش خايف حد يطلع بيها
فيرد كابتن جلال : إيه يا كبير هى توك توك، ولا أربطها فى شجرة
يعنى، م تقلقش أنا معشقها وحاططها ع الرابع
مستر فاي (مبتسماً) : معشقها إزاي !! هى مش أتوماتيك !! تعرف
طب دا إالى جوه الطيارة دول، هما ثروتنا
كابتن جلال : ماتخافش كله أُلصطه، أيوه يا سيدى، وه تبيعهم جملة
ولا قطاعى

ينظر إليه مستر فاي ويسترسل كابتن جلال : أيوه يعنى، فى حد ه
يشيل البيعه على بعضها ولا ه تصرفها قطاعى فيرد مستر فاي
(مبتسماً) بأنها قطاعى

فيتداخل يحيى : كل شويه رايعين فى حتة، شويه ه يشتغلوا ضحايا
فى عملية إرهابية وشويه ه ينقطعوا ويتباعوا أعضاء لدكتور ديفيد
وغيره وشويه ،،،،

كابتن جلال (مقاطعاً) : حيلك حيلك، إيه، أنا قاعد فى السلخانة ولا
إيه، ويسترسل (مبتسماً) : بس سيبك إنت، العملية مزجتتى، وينظر
لمستر فاي : إحنا لازم يبقى لنا شغل كثير مع بعض، بس إيه حكاية
الإثنين إالى نزلتهم فى الآخر دول يا دكتور ؟

مستر فاي (مبتسماً) : وإنت شفتهم ؟؟
كابتن جلال : لأ، م إنت لبستهم الماسكات قبل ما ينزلوا

- فیرد مستر فای : لأ، دول لیهم حکایة تانیة، مش ه أبقى أقولك علیها بعدین، متعمداً أن یخفی علیہ خبرهم ، فیضحك کابتن جلال :
- ماشی یا کبیر أسرار المهنة یعنی !!! بس دول کانوا بیئکلموا عربی، مصری کمان
 - آ ،، ما هم مصریین
 - أله، یعنی دمنأ ولحمنا !!! ویعیدها کابتن جلال (بجدیة) بصوت رنان قوی "یعنی دمنأ ولحمنا"
 - إیه الوطنیة إلی نزلت علیک فجأة دی ویسترسل بقوة وحسم : الشغل مافیهبوش عواطف ولا حدود لازم یبقى قلبک میت
- بیئسم کابتن جلال مرة أخرى : مفیش مشكلة بس إحنا عاوزین نعمل تیم team تیم وورك
- مستر فای (مبتسماً) : صحیح دا أول تعامل بیننا، بس أنا قررت لازم نمضی بروتوکول تعاون، "أرضی" ویشیر لنفسه وفريقه ، "جوى" ویشیر للکابتن
- کابتن جلال : إحنا بتوعک یا باشا، والمرة الجایة ه نطلب ١٠٠ مليون دولار
- فینصحہ مستر فای : الطمع یقل ما جمع
- عشان نختصر الوقت یا باشا خلینا نأمن مستقبلنا أوام أوام، بقى بذمتک حد إتعاون معاک زیی کده فی أى عملیة
 - بصراحة، لأ، بس إنت لو حصل واتخطفت تانى ه یشکوا فیک إنت وه یبقى نهارک مش فایت، دا لو طلعک نهار أصلاً
 - ودى تقوت علیا یا باشا، أنا م ینفعش أکررها تانى، دی حتی تبقی
- مفقوسه

• أمال ه تعمل إيه، ه تطلع الدوبلير بتاعك ولا ه تلبس طاقية الإخفا، فيجيبه كابتن جلال : إيه يا كبير، أنا ه ديك مفاتيح الحل، فيسأله عنها مستر فاي (مبتسماً)

يحنى كابتن جلال ظهره ووجهه فى إتجاه مستر فاي : يعنى، ه أعرفك تتعامل إزاي مع أى طيار غيرى، وه أتابع معاك عن بُعد، وأديك الردود إالى مفروض تقولها بناء على رد فعل الطيار، وأوجهك إمتى تطلب قطع الإتصال بالبرج وإمتى تشغله، وكل الخبايا إالى تتجلك أى عملية ،

يعود كابتن جلال بظهره ويفرده بشكل مستقيم إالى الوراء مع ظهر الكرسى ويسترسل : لإن الغلطة بفورة يا باشا، وانت دماغك دى غالية علينا، دا غير إننى أقدر أدرب لك الشباب دول، وينظر للشباب ويسترسل : كورسات تدريب أهه، ويرفع يديه قريباً من كتفيه

مستر فاي (مبتسماً) : تدريبهم على إيه، الطيران ؟!!
فيرد كابتن جلال : لأ، القرصنة، أههههه، فيضحك الجميع

لم يكن أحد ليتصور أن كابتن جلال قد تأمر مع الخاطف، إذا" كانت محاولة نزوله بالطائرة فى البحر لتهديد الخاطف ما هى إلا تمثيلية كى يؤكد لرئيس الشركة وللجميع بأنه يحاول تخليص الطائرة بشتى الطرق من الخاطف وكان حديثه إليهم حديث خادع وحديثه مع الخاطف بالطائرة حديث مرتب ومتفق عليه مسبقاً بإستثناء ما خرج عن النص، وبالطبع أنيتا

يرن تليفون كابتن جلال فينظر للموبايل فيجد إسم ورقم والدّه على شاشة الموبايل، فلا يفتح الخط ويرفع رأسه في ضيق ويتذكر ما حدث مع والده وهو يوبخه لضعف شخصيته منذ خمس سنوات، عندما وجه إليه والده نقداً لازعاً وهو بفيلا والد جلال

((والدّه : إنت إيه يا أخى، عُمرك ما ه تعتمد على نفسك، إنت مالکش شخصية فيرد كابتن جلال : هو عشان مش موافكك فى رأيك يبقى ماليش شخصية، ثم يوبخه والده))) وعلى ما يبدو أن تلك هى الإشارة التى أشار إليها السيد عطار د ، ذلك المنجم بالبرنامج التلفزيونى عن تأديب للصغير، أى الإبن، أبو جناحين، كناية عن أنه طيار

مستر فای : إيه م ردتش ليه

فيرد كابتن جلال (بتأثر) : لا، مكالمه مش مهمه

يرن تليفون هشام، فيفتح الخط : أيوه، أيوه، عقلة سبابة يمين

يضع هشام يده على سماعة التليفون ويسأل يحيى وريهام : عندنا

عقلة سبابة يمين، فيستقر يحيى من هشام : مقاس كام

هشام (يحيى) : ٢٨ فيرد يحيى بالنفى بينما تهز ريهام رأسها بالنفى

أيضاً فيرد هشام على المتصل ليخبره بعدم توافر طلبه

ينظر إليهم دكتور باسل وكأنما لم يعجبه الحوار ولا الرد، فليس ذلك ما

علمهم إياه، أين الدبلوماسية وأين أصول التسويق، فيشير لهشام أن

يعطيه السماعة فيناولها إليه، لنسمع الأستاذ نفسه وهو يعلمنا أصول

الحوار والتسويق

مستر فاي : مين معايا ويسترسل (مبتسماً) : دكتور بيتر، أهلاً
فينك من زمان، إيه فين لوطاتك الحلوة، دا إنت كت بتاخذ كميات،
قصرنا معاك ولا حاجه، جالك طلب ناقص مرة، طحينه، سلطات، حد
م الشباب زعلك، أه ،، طيب ،، بص ،، هو دلوقتي مفيش عقله سبابه
يمين،، تاخذ أكّرة لانوس شمال ، ويتدارك فاي خطأ : إيسيبسييه تاخذ
عقله يمين وتعملها ضبط زوايا، في عندك واد حلو أوى بتاع زوايا،
إلى كابتن جلال بيضبط عنده الإيرياص بتاعته وينظر لكابتن جلال
ويسترسل : مع إن الأكّرة والعقله بيعملوا نفس الشغلانة، الإيتين
بيفتحوا، ع العموم ه نكتبه في النواقص وأول ما ييجي ه نديك خبر
عطول، ولا يكون عندك فكر بيتر حبيبي، وينهى المكالمه
ثم يلتفت مستر فاي إلى هشام (مبتسماً) : كده الكلام، ما تُقْطُمش،
مفيش حاجة إسمها معندناش، لازم تاخذ وتدّى، تعمل علاقات، تسبب
الباب موارب ماتخليش الزبون يطفش ويدور في حته تانية، فين الـ
Marketing ، إيه، م خدوش في المعهد،
آه صحيح، ويبتسم إبتسامه عريضة ويسترسل : مابيتدرس ده، أكّرة
لانوس، و ، أه ، بس تعرف ياد يا هشام، الساوند سيستم إلى إنت
عملته ده، جبار، كُتّ عشان أعلن خطف الطيارة والكام رساله إلى
قبل م ننزل الماسكات دى، كانوا في منتهى الصعوبة بقيت خايف حد
يلاحظ حركة الموبايل مع الصوت
ينظر يحيى لمستر فاي : ه تقولى يا باشا، ثم ينظر يحيى لهشام
ويثنى عليه : هشام دا جبار دى لِعِبْتُهُ مش وَصَلَك الموبايل واى فاي
Wifi مع المكرفونات إلى إنت حظيتها في إدراج الشنط بالطريقة بتاعته
مستر فاي (مبتسماً) : بعد الماسكات بقه، كُتّ ب اتكلم براحتي،
وخرجت ع النص كمان، آه، ماهو مش هو دا إلى المؤلف كان قايلي
عليه أقوله في القصة

یحیی : بس إنت أستاذ برودو إنك قدرت تتركب كل المكرفونات دی
لوحدك

فیثنی هشام علی أستاذہ : أمال أستاذ إزای
مستر فای : أنا قصدت أركب الطائرة متأخر زی ما إتقنا عشان كل
ما أفتح درج الشنط إلی فوق ألاقیه ملیان فأقفله تانی لحد م ألاقى
مكان فاضی، وطبعاً كل مره كُت أمد إیدی أثبت فیهِ میکروفون صغیر
من إلی إداهوملی الواد هشام

هشام : كلها كام یوم ونبقى بنلعب بالملايين لعب
مستر فای (مبتسمًا) : عندك حق، إحنا من حقنا نحتفل بنجاح العملية
یحیی : و إنت جیت فی جمل یا دكتور والله م أزعلك أبداً

مقر عملیات الخاطف علی حمام السباحة
یتغنی الجميع بأغنية (أحلام المليونيرات) مساءً بالجزيرة وحديقة الفيلا
على حمام السباحة ووسط الأشجار، یتغنون عن أحلام كل فرد من
أفراد فريق مستر فای التي یريد تحقیقها بعد أن أصبحوا مليونيرات،
یتغنوها بصحبة سعید دلیفری، ذلك المطرب السابق الذی إنضم لفريق
مستر فای منذ حوالی سنة

Song 3

مستر فای وفريقه :

مليونيرات - مليونيرات - حتی سعید

مستر فای :

ورینی کدا الطلبات ، و راجعی ، کدا ع الإیرادات
وإتحلی ، مخزن المجوهرات ، وورینی کدا الباسبورتات
حددلی سعر الدماغ ، والکتف ، من غیر دراع
والقلب، من غیر شریان ، وکمان رکبة ، من غیر عضلات

وكمآن مرة ، كومبو من غير سلطات
مرة عُمَّلة يمين ، وكمآن مرة ونج شمال
إدينى كمان طلبات ، إدينى إدينى
وابعتلى هدية لمستر وينج ، وهدية كمان ع الإيرياص
حبيلى كابتن نبيل ، وكمآن الراجل الكبير
حبيلى كابتن نبيل ، وكمآن الراجل الكبير
ياسلام يا واد يا هشام ، ع دماغك والواى فای
وانتى كمان يا ريهام ، سيستم بالساعة للمشوار
والا ، الواد سعيد ، تقوله ، علطول يطير
ويرجع بالفارغ ، يحمل ويطير
يحيى ، ابنى الروحى ، نَزَل ، القط الضاحك ، وفص ملح وداب
خلاص عاوز يتوب ، يقعد فى بيته ياكل فريك
الفريق كله :

مليونيرات - مليونيرات - حتى سعيد

هشام :

وأنا ه أدى لنفسى الدكتوراه ، وأقعد أتجستن وأشرب ريحان

ريهام :

وأنا بقه ه أفتح مطعم ، شبابيكه من الطيارة ، وكراسى من
الجبارة

كل زبائنه ، من الناس المختارة ، وكمآن ممنوع ، دخول الغلابة

سعيد :وأنا بقه ه أعمل أسطول

وأحتكر النقل من الهند لإسطنبول ، ومن الدنمارك ، لجنوب
الجابون

ولا حد يضايقنى ، ولا يقدر ، حتى ينافسنى

يدفعه (يزقه) عادل بيده

الفريق كله :

مليونيرات - مليونيرات - حتى سعيد

يحيى :

التوبة التوبة ، التوبة التوبة

الفريق كله :

مليونيرات - مليونيرات - حتى سعيد

يحيى :

التوبة التوبة ، التوبة التوبة

(٩) إْحْذِرْ ، أَنْتَ مُرَاقِبٌ

بمقر عمليات الخاطف

يرين تليفون مستر فای، وآه من الموبایلات ورناتها الغير متوقعة، فهل
من مفاجأة أخرى، يفتح الخط وهو جالس بالصالة

فم رجل يتحدث على الجانب الآخر : إنت فين يا باسل، كنت بتعمل
إيه فى الطيارة كل دا، فيرد دكتور باسل (مستر فای) (بابتسامة
المعهوده والتى لا تفارقه) : كنت اااااااا ،، فيقاطعه صوت الرجل:

خلى بالك يا دكتور وخد حَذْرَك كويس، البوليس عنده شكوك حواليك،
أنا مش عاوز أريكك بس خد حَذْرَك، وم تدخلش حد غريب الفيلا
اليومين دول، وإتأكد إن كل أنظمة الأمان والكاميرات شغاله كويس وم
تتعاملش مع أى عميل جديد الفترة دى لحد ما تبعد الشكوك عنك

وئيئهى المتصل المكاملة ويُغلق مستر فای الخط وتظهر علامات القلق
على قسماات وجهه ،، يقطع هذا السكون يحيى بحديثه : خير يا ريس،
مين إالى قلقك بالشكل ده

- لا ولا حاجة
- هو إحنا قاعدين هنا وساببين الركاب فى الطائرة إزاي
- لا م تخفش م أنا مثبتهم، قلتهم لو حد إتحرك الطائرة ه تنفجر، ووقفت أنيتا ع الفصل، إبيبييه، ع الطائرة، تكتب إسم إالى يتكلم فى ورقة ،،، قالها كابتن جلال مبتسماً
- يحيى : أستاذ بس مين أنيتا دى !!!
- دكتور باسل (مستر فای) : لا ،، دى بت ألمانية طيبة قوى، قابلناها فى الطائرة، ف اaaaaaaaaا خدنا وإدينا فى الكلام، مفيش هما دقتين
- كابتن جلال : دقتين برودو يا دكتور، دا بييجى ربع ساعة وإحنا متشغلين فى الجو

هشام : نهارنا فل إن شاء الله، آه يا خوفي من آخرتها
مستر فاي : قول يا مسهل بس وسيبها على الله
فنرى الجميع يتناولون المشروبات على إختلاف أنواعها
النجوم جلية بالسماء ونسمات أكتوبر تهيم بالمكان، فلا مثل لها، يسند
مستر فاي رأسه على الكرسي وينظر لتلك النجوم المتألقة بالسماء
فيخاطبه يحيى : شكك سرحت فى ذكرياتك يا دكتور،
يعود مستر فاي برأسه للخلف ويغمض عينيه ويأخذ نفس عميق ويفتح
عينيه قائلاً : أنا طول عمرى كنت متفوق فى الكمبيوتر والقرصنة،
وكثير كنت ب ادخل على كمبيوترات زمايلي وإصحابي، وقليل أوى لما
كنت أقول لحد منهم، ولما كانوا يعرفوا كانوا يتجننوا أنا ب اعمل كده
إزاي

يحيى (الدكتور باسل) : وكُت بتلبس الفانلة السودا إللى فيها دايرة
وسهم دى بردو وإنت بتتقرصن عليهم، فيبتسم مستر فاي قائلاً : لحد
ما الفاس وقعت فى الراس، و يضحك ضحكة قصيرة ويسترسل : كان
يوم مهبب

فيسأله هشام كيف كان ذلك فيجيبه مستر فاي : إتجست على شركة
كت بتتعامل معانا وساعتها الشيطان لعب بدماغى والفلوس عمتنى،
طلعت أسرار الشركة لشركة تانية

سعيد دليفري (بسذاجة) : وقبضت التمن ؟
مستر فاي (مبتسماً) : لأ، عملتها زكا، ب أقولك الفلوس عمتنى، تقولى
قبضت التمن، لو أعرف إن دا مستوى ذكائك م كُتِش شَعَلَتَك معانا ،،
ينظر مستر فاي لباقي المجموعة مسترسلاً بإبتسامته المعهودة : مين
إللى عمل إنترفيو interview للواد ده
الحضور : بس يا سعيد ، بس يا سعيد

فتنظر ريهام (السعيد) وتخره على جنب بصوت خافت : صدقت بقى،
كويس إنك صالحت يحيى وإلا كان خدھا حلوانه ف سلوانه، إسكت
أسكت دا كان ه يجيبك إعدام، فيبرق سعيد بعينيه شاخصاً نظره
دكتور باسل (مستر فای) (مبتسماً) : والشركة دى كت بتاعة حد
كبير، كبير أوى، ولما جندوا عدد كبير من الخبرا فى الكمبيوتر ،
ينظر مستر فای للجميع واحداً واحداً ثم يسترسل : إدروا يوصلولى
ريهام : وبعدين يا دكتور

مستر فای (مبتسماً) : لأ، ودى فيها وبعدين، واحد قفشوه بيعمل
هاكينج ويبسرب معلومات مهمة، ه يعملوا فيه إيه !!
فترد ريهام (بحسن نية) : أيوه يا دكتور، يعنى عاوزين نعرف عملوا إيه
معاك يا دكتور ؟

فينظر مستر فای للجميع واحداً واحداً وينظروا إليه منتظرين الإجابة
يشغف فيجيب (بحرج) : مصممه يعنى !! يهز مستر فای رأسه ولا
يرد

فينظر إليه يحيى متعجباً : يكونوش !!! وينظر يحيى لمستر فای
ويهز رأسه بخبث مبتسماً ويلف أصبع السبابة بصورة دائرية
فيرد مستر فای (بحرج وإبتسامة) : لا لا ،، مش إالى فى دماغك
يحيى : آمال حصل إيه ؟؟؟

مستر فای : عينك م تشوف إلا النور مجلس تأديب ،، وو ،،،،،
وأجبرونى أقدم إستقالتي، لكن الحقيقة كان فى زملا وقفوا معايا
مانساھمُش أبداً، دكتور عايدہ، دكتور عايدہ كانت أكثر واحدة وقفت
معايا، ياما نصحتنى وحاولت مع مجلس الإدارة يغيروا قرارهم، بس
الحقيقة، ويسترسل مستر فای (بإبتسامته التى لا تغيب عن وجهه) :
إظاھر إن إالى أنا عملته كان كتير

((وعلى ما يبدو أن تلك هى الإشارة التى أشار إليها السيد عطار ،
ذلك المنجم بالبرنامج التلفزيونى عن تأديب الكبير، أى دكتور باسل))
يحيى : واضح إنك طينت الدنيا يا ريس
مستر فاى : يعنى ويسترسل : أهى دكتور عايدى دى، كانت بطلة
شطرنج، فيرد يحيى : إيه، كسبت بطولة النادى ولا الحته إالى كتوا
ساكنين فيها ؟؟

- لآ، نادى إيه يا واد يا يحيى، دى عقبال عندك بطولة الجمهورية،
ودخلت بطولة العالم وخسرت فى النهائى من بطل روسيا المصنف
رقم واحد ع العالم
- آه ،، فيشر !!!
- وانت تعرفه !!!
- طبعاً كُت ه الاعبُ يا أستاذ
- إزأى،، وانت بتلعب شطرنج ؟؟؟
- لا، م أنا خت بطولة العالم فى الطاولة
- ودى علاقتها إيه بالشطرنج !!!
- لا ولا حاجة، قالوا بطل العالم فى الطاولة يلاعب بطل العالم فى
الشطرنج، متش طاولة ومتش شطرنج
- طب وم لاعتوش ليه مش يمكن كُت غلبته فى الطاولة ع الأقل
- لا، م قالولى إنه بيسهر كل يوم فى قهوة الواد زيزو وه يغلبنى فى
الطاولة بردو
- جدع، دكتور عايدى بقه، كانت ذكية وواثقة من نفسها مش زيك كده
ياد يا يحيى، مستطرداً (برومانسية) : كانت ذكية جداً، وجدعة
جداً، وَلَمَاحَة
- فينظر يحيى للدكتور ويقول بإبتسامة خبيثة ليكمل له ما نوى أن ينطق
به : جداً

یہز مستر فای رأسہ بالإيجاب وهو مبتسم مسترسلاً : وتاخذ بالها من كل حاجة، ومفیش حاجه تفوتها أبداً
ينظر يحيى للدكتور محتفظاً بإبتسامته الخبيثة : بس واضح إنها بتعزك اوى ويسترسل : وانت كمان فيضحك مستر فای ضحكة خفيفة : وأنا كمان إيه ياد، يا نهار يحيى (مقاطعاً) : وانت كمان بتعزها

- بس ياد
- طب لما يعنى فى كل المعزة دى مَعْرِفَتِش تأثر على مجلس الإدارة يغير قراره ليه يا أستاذ
- والله بالرغم من إن الموضوع كان ممكن يعدى بطريقة أسهل من كده بلفت نظر، إيبىييه، إيقاف، خصومات، بس مش عارف إيه إالى سخن الموضوع ووصله لدرجة إجبارى ع الإستقالة دى، زى ما يكون فى حد كان عاوز يزقنى بره
- حصل خير يا دكتور دا إنت حتى دايماً تقول كده
- تعرف يا يحيى، إالى إنتوا م تعرفوهوش، إن بعد الإستقالة بشهر واحد، كنت بـ أبتدى فى الشغل إالى إحنا ماشيين فيه دلوقتى ، فتتدخل ريهام بالحديث :

مجهودك يا دكتور

مستر فای : لأ

ريهام : لأ، إزاي؟؟

مستر فای : أنا لقيت حد بيكلمنى وهو إالى بدأ يوجهنى

يحيى : ودا مين دا إن شاء الله

مستر فای : لا، م تسألنيش لاني لحد دلوقتى م اعرفش هو مين

ريهام : يعنى فى راجل كبير زى م بنشوف فى الأفلام، ودا مين بسلامته، فيشير مستر فای بيده لأعلى

ريهام : فوق !! فوق فين !! فى الطائرة !!
فيضحك مستر فاى : بأقولك العلم عند الله
يحيى : أتارى، ساعات كُتْ أقولك مستر جاك بيتأخر علينا فى الدفع
، كُتْ تقولى دى أوامر عُليا ولازم تتنفذ، يعنى دى كت أوامر الرجل
الكبير

فيهز مستر فاى رأسه لتحت وفوق مرتين بالإيجاب ويسترسل يحيى :
والإنتين إالى نزلتهم م الطائرة من شوية وركبتهم عربية غير الباص
إالى خد الأمريكان، فيهز مستر فاى رأسه بعلامة ليس لها معنى سواء
بالإيجاب أو السلب، لم يفهم منها يحيى شيئاً ، فيرد مستر فاى :
عديها دى يا يحيى

فيسترسل يحيى : ودا بياخد نصيبه إزاي فى العمليات إالى إحنا
بنعملها يا دكتور

مستر فاى : م تقتكروش إنه بعيد عن إالى إحنا بنعمله، أول ما
إشتغلنا كلفنى أفتح أسواق نصرف فيها الأعضاء والجثث والناس إالى
ه نخطفها، لكن كان بيدى توجيهات وأحياناً أسماء نتعامل معاها
بعينها فى بعض الدول، يعنى م نقدرش نلعب من وراه هو بياخد حقه
أول بأول

يحيى (متعجباً) : ياه

مستر فاى : بس التجربة علمتنى

يحيى : علمتك إيه يا باشا

مستر فاى (مبتسماً) : علمتنى إنى أشتغل لحساب نفسى، يعنى مفيش
مانع نعمل سبوبة صغيرة كدا من وراه،، وأهه طورنا نفسنا ووصلنا
للمستوى إالى أنتوا شايفينو ده ويسترسل (بسخرية) : ما هو دا "تطوير
الأداء" إالى بتسمعوا عنه فى الكتب developalization
يحيى : بس ماسمعناش عنها قبل كده يا دكتور

مستر فای (مبتسماً) : ولا أنا

یسترخی یحیی علی الكرسي وکأنما خطر بباله إسترجاع الماضي
کذلك كما فعل أستاذہ دكتور باسل : أنا بقیه، بعد م جهزت مشروعی
وعرضته علی الدكتور بتاعی فی مادة البرمجة، أخده منی وقدمه

بإسمه وبقيت شايف مشروعی بیتقدم بإسم حد تانی أدام عینی
فیعلق مستر فای (مبتسماً بسخریة) مؤنباً یحیی الذی یعتبره ابنه
الروحی: الکوبلیه ده کان عاوز مزیکا حزینی، هات یاد یا عادل
الکمنجة وإضرب بحیره البجع لهیتشکوک، وإنت یاد یا یحیی، عید تانی
کده إلی إنت قلته،،، یا عم م إنت قلت الکلام ده ملیون مرة قبل کده،
لازم تنکد علی نفسك وعلینا وع الناس دی کلها،

ویشیر علی الجميع بیده ثم یمد مستر فای یده ویربط علی کتف یحیی
بمودة وعطف : ولا ترعل نَفَسَک یمکن خیر، لولا کده م کُتِش وصلت
لی إنت وصلتلہ دلوقتی، دا إنت مفروض تروح تشکره یا یحیی

- وهو أنا راضی عن نفسی یا دكتور، دا إحنا بنسرق
- یا دی النيلة، إنت ه تقلبها نکد لیه، م تسیبنا نفرح شویہ، ویسترسل
مستر فای (لعادل) : هات یابنی الشیثة دی

یقترّب عادل من مستر فای ویضع الشیثة أمامه فیقترب برأسه من
رأس مستر فای

مستر فای (لعادل) (بصوت جدی خافت) : شکک کت عاوز تقول
حاجه

- آ یا دكتور
- قول ما تتکشفش، إنت عارف أنا ب أعزک أد إیه
- بحیره البجع مش بتاعة هتشکوک یا ریس، قالها (بصوت خافت)
- مستر فای (بصوت خافت) : أله، أمال بتاعة مین ؟
- بتاعة شریف عرفه یا باشا

يسحب مستر فاي نفس من الشيشة ويُخبر عادل (بصوت خافت) :
طب كويس إنك قولتلى قولى بقه، ثم يسحب نفس آخر من الشيشة
ويسترسل : عملت زى ما قُلتك مع الركاب
عادل : تمام يا دكتور، بس حكايتهم إيه الإيتين إالى نزلوا فى الآخر
دول يا دكتور

ينظر إليه مستر فاي نظرة ثابتة وكأنما يريد أن يقول له "لا تسأل"
ولكن بلطف فهو مقرب إليه وله معزة فى قلب مستر فاي ويبادلُه عادل
نفس المعزة، فيرد عليه مبتسماً : ما تسألش كثير، ثم يسحب نفس من
الشيشة ، ومن ثم يُطِلُّهُ مستر فاي (بلطف) على السر الذى أخفاه
على الجميع : لا، دى شوية كبد وقوانص على ما أُنُّم، بس ما تجبش
سيرة لحد

فعلى ما يبدو أنها سبوبة خاصة بمستر فاي قد يكون إتفق على
صفتها منفرداً بعيداً عن تعليمات رئيسه (الكبير)

بمقر وكالة فاي وبحديقة الفيلا

- حيث مستر فاي مع تلميذه يحيى وسط الأشجار
- إيه إالى خلاك تقول كده وإحنا قاعدين يا يحيى
 - الهم يا دكتور، والله أنا مش مبسوط الحلال طعمه حلو والحرام
طعمه وحش يا دكتور
 - إنت نسيت طموحك إالى م كنلوش حدود، كان طول عمرك عاوز
تكون غنى وكان ليك كلمة مشهورة أنا فاكرها كويس، تحب أفكرك
بيها، فيرد يحيى :
 - "إن إالى يتحكم بالتكنولوجيا، من حقه يتحكم فى العالم"

• وبعدين إحنا بناخد بمجهودنا إالى م قدرناش ناخده بالعدل ،، قالها مستر فای وهو يهز رأسه بالإيجاب ،، ينظروا إالى هشام بالحديقة حيث يجلس مع الآخرين يتبادلون الحديث بينما يشوون جدى على النار ويسترسل مستر فای : يعنى هشام زميلك إالى م تعينش فى الكلية عشان مالوش ضهر، بالرغم من إنه كان الأول ع الدفعة وجايب إمتياز ولا ريهام إالى ،،،،

يحيى (مقاطعاً) : دكتور إنت بس بتبرر إالى إحنا بنعمله، مش معنى إننا إنتظلمنا إننا نبرر لنفسنا الجُرم إالى إحنا بنعمله ،، يستقبل مستر فای كلمة يحيى القاسية (بجدية ولطف) : جُرم !!!!

تسود لحظات من الصمت بين الإثنين بينما يسIRON بحديقة الفيلا الكبيرة ثم يلتفت يحيى لأستاذة : دكتور، دى آخر عملية ليا فينظر إالى أستاذة (وبمنتهى الود) : أنا م اقدرش أغصب عليك لو كان دا ه يريحك ويضع مستر فای يده اليمنى على كتفه (مبتسماً) : أنا ه ابقى مبسوطك

يرى الإثنين الفوطة الصفراء على زجاج الطائرة الصغيرة الخاصة بسعيد دليفري وهو نائم على المرجيحة بالحديقة فيبادر (مستر فای) بإبتسامته : إيه الواد سعيد حاطط الفوطة الصفراء الطيارة ليه يحيى : إظهار مش طالع

مستر فای : ولا أقنعتة يتوب هو كمان !!!! يخرب عقلك مش ه يفضل حد ياد يا يحيى ، ويضحك الإثنين بينما يسIRON فيسترسل مستر فای : أهو تعرف الواد سعيد ده، كان مطرب، بيتسم يحيى فينظر إالى مستر فای مسترسلاً : أيوه مطرب، قابلته فى ملهى فى تايلاند، لقيت فيه المواصفات إالى أنا عاوزها، حلجى، بيتكلم كويس، وفوق ده وده، مايسبش حقه، مره كان ه يموت واحد عشان رغيف عيش،

ليه علاقات بناس كثير من طبقته، عاوز ياكل عيش، بيدور على سكة أكل العيش بملقاط،

الأهم من دا كله، بيتكلم لغات أسيوية، وأنا كنت عاوز أفتح أسواق جديدة، وفي نفس الوقت بيتكلم عربى كويس أقدر أتواصل معاه، أمه مصرية وأبوه هو إالى تايلاندى وإسمه الحقيقى ساتين، وأنا إالى سميتة سعيد، بيتسم يحيى وينظر إليه ويسترسل مستر فاى : ب اقولك إيه أنا مش عاوزك تعرّف كابتن جلال أى حاجه ولا أى خيط للعملا إالى بنشتغل معاهم

• أوامرك يا بوس

يتبادل الإثنان النظرات وكأنما يريد يحيى أن يسأله عن السبب، إلا أن يحيى دائماً ما يثق بما يفكر به أستاذه فلا يجد ضرورة مُلحة فى السؤال، إلا أن أستاذه يفهم تلك النظرات، فيفهمه ويحييه دون أن يسأل : يعنى، محدش بيضمن حد فى الزمن ده يا يحيى، وأديك شايف، هو بتاع مصلحته، مصلحته وبس، يعنى النوع دا م تاملوش

• بس إنت قدرت توصله إزاي يا أستاذ، وإزاي جه فى دماغك تضمه للفريق بتاعنا

• أنا م ضمتوش ولا حاجه يا يحيى، دى تعليمات جاتلى من فوق
• من الراحل الكبير !!! فينظر إليه مستر فاى مبتسماً إبتسامة عريضة ويهز رأسه بالإيجاب تصديقاً لكلامه قائلاً : حتى الراحل الكبير قالى إنها أوامر جاياله من فوق، فوق فين، الله أعلم، يمشى الإثنان سوياً باتجاه الفيلا إلى حيث يوجد الآخرين، وفجأة يصرخ سعيد :

• " مش ممكن " وكأنما أصابه كابوس

يحيى : فى إيه ياد يا سعيد

سعيد : سينما بتعرض خطف الطيارة زى الموقف إالى إحنا فيه دا بالظبط، ولا أما أكون قاعد فى السима وبأشوف الفيلم ع الشاشة يحيى : وبعدين يا سعيد

سعيد : لقيتاك المنتج والمخرج والمؤلف قاعدين فى الصف إالى أدامى، ولقيتاك المنتج بيتريق ع المؤلف وع المخرج بلكنته البورسعيدى الجميلة : إيه أم الحكاية إالى مش عاوزة تخلص ديا، هو مفيش حد عارف يحرر أم الطيارة دى ولا إيه، أمال فين أدهم باشا، مش عارف يمسك ولا خيط م إالى جوله ع الجاهز دول، بقى كل الخيوط إالى عنده دى ومش عارف يوصله، دا لو كان كرومبو كان فور القضية وحرر الطيارة، ولا عم فاى دا ه يتتو خاطفها كده وأنا عمال بأكع إيجار الطيارة كل يوم، فى إيه ياااا عم المؤلف، مفيش حل ولا إيه، ولا تكونوش عاملين حسابكوا تفجروا الطيارة وأدفع أنا تمنها، وينظر للمؤلف وللمخرج شذراً، شوفوا يكون فى علمكوا، كلها عشر دقائق، لو الموضوع دا م إتحلش، أنا ه يبقالى تصرف تانى معاكوا

يمر كشاف النور بالسينما ويطلب الهدوء من المنتج محذراً إياه بإخراجه من القاعة

مستر فاى : الله يطمنك يا سعيد، دا حلم تقوله فى وشى، طب لو كمالته جاتلك بكره وطلعت وحشه، إبقى خليها فى سرك وما تقولهاش سعيد : ولو طلعت حلوه يا دكتور مستر فاى : إبقى فرحنا

فيلا والد كابتن جلال - قائد الطائرة

يطرق أدهم بيه باب الفيلا الفخمة فتفتح له الخادمة

هى إحدى الأبواب التى يتتبعها أدهم بيه لعله يصل لشيئ قد يفيد
بشأن كابتن جلال قائد الطائرة، ذلك الشاب الذى حاول النزول بالطائرة
إلى قاع البحر فى تصرف نادر للتعامل مع خاطف طائرة يدعو حتماً
لمعرفة هذه الشخصية الغريبة (العنيدة)

أدهم بيه : فريد بيه موجود

فترد الخادمة : فى إنتظارك يا فندم

ترافقه الخادمة ويتبعها عبر المدخل الفاخر ويقابلهم فريد بيه مرحباً به:

• أهلاً أدهم بيه

• أهلاً فريد بيه

يشير فريد بيه لأدهم بيه بيده اليمنى فى هدوء دون أن ينطق ويتوجها
إلى غرفة الصالون ، وحيث يتناول مقدم أدهم كوب شاي بالصالون
يتبادلا الحديث

• يعنى لسه م وصلتشو لحاجه يا سيادة المقدم ؟

• إحنا مكثفين البحث ف كل الإتجاهات وإن شاء الله ه نوصل

• إمتى بس ،، قالها فريد بيه (بقلق)

• م تنساش إن الطائرة لسه مخطوفة إنهاردة الصبح، مش علوزك

تقلق خالص، ويتناول مقدم أدهم رشفة من كوب شاي ويسترسل :

الحقيقة دكتور عايد عمته، كمان، كانت قلقانة عليه أوى

• عمته !! من إمتى عمته تقلق عليه، دى عمرها م حَبَلْنَا الخير ،،

هكذا كان إنطباع فريد بيه الذى علق (بإستغراب)

• ليه يا فريد بيه ؟

• عندها إعتقاد من ١٥ سنة إنى أخذت ميراثها هى وإخواتها

• وإيه دخل دا بقلقها عليه، الحقيقة قابلتها ولقيت فيها إنسانية غريبة

• إنسانية !! زى م تكون بتكلمنى عن حد تانى يا سيادة المقدم

تَدْخُلُ والدَة كابتن جلال أثناء الحديث، سيدة بيضاء فى أوائل الخمسينات ولكنها تظهر كما لو كانت أصغر سناً بكثير وتتحدث مباشرة : لأن عُمْرَهَا ما زارْتنا ،،، فينهض مقدم أدهم ويصافح والدَة كابتن جلال والتي تسترسل : أنا والدَة جلال

• تشرفنا يا هانم

نرى الجميع جالسين فتسترسل والدَة كابتن جلال : ومش بس كده يمكن فريد إتحرج يقولك إنها هددته هنا فى البيت ده من أكثر من ١٥ سنة

فيتعجب أدهم بيه : هددته بإيه يا هانم

• حِلَفْتِ لتحرق قلب فريد عليه وهى عارفه إن جلال إبنا الوحيد فريد بيه : وحلفت إنها ه ترَجَع كل قرش ب تعتقد إنى أخذته بدون وجه حق

أدهم بيه : وكابتن جلال أخباره إيه معاكوا

فريد بيه : الحقيقة جلال على خلاف دايم معانا من أكثر من سنة ومتغير خالص، بس بالرغم من كده، هو إبنى إالى لازم أخاف عليه أدهم بيه : شكراً يا فريد بيه ، ويضع أدهم بيه فنجان الشاى على الترابيزة ويسترسل : ممكن أطلع أشوف أوضته

يصعد الثلاثة غرفة كابتن جلال ويبدأ كابتن أدهم بالبحث بالغرفة فريد بيه (بضيق) : سعادتك ب تدور زى ما يكون إبنى متهم !! دا إبنى هو إالى مخطوف !!!

يرد أدهم بيه بجدية بينما يبحث بالغرفة دون توقف يفتح دواليب وأدراج وينظر هنا وهناك : لا أبداً يا فريد بيه لو كان متهم كنا جينا فْتَشْنَا بصورة رسمية ،، وينظر إليه بجدية مسترسلاً : أنا ب ادور بصفة شخصية عشان مقام سيادتك ،، ويحول نظره لوالدَة كابتن جلال مسترسلاً : والهانم طبعاً

يفتح درج مكتبه فيجد ألبوم صور فيفتحه، فيجد صور من بينها صورة دكتوراه عايدته وسط عدد من الأشخاص يبدو عليها أنها صور عائلية أدهم بيه : إيه الصور دى

فيرد فريد بيه (بتعجب) : دى صور عمته وولاد عمته وف أماكن مختلفة !!! ينظر فريد بيه إلى زوجته (بتعجب) : دى صور حديثة !!! أنا أول مره أشوف الصور دى، هو من إمتى بيخرج ويسافر معاهم !!!

والدة كابتن جلال (بضجر) : إظهار إبتك بيتصرف من ورانا ومحدث بيعرف هو بيروح فين، ولا بيسمع كلام مين أدهم بيه : شكراً فريد بيه ، شكراً يا هانم يتوجه الثلاثة إلى الصالة بمدخل الفيلا ويسلم فريد بيه على أدهم بيه بيده

والدة كابتن جلال (بهدهوء وتأثر) : يا ريت تظمننا أول م توصل لحاجه يا سيادة المقدم ، فينظر إليها مقدم أدهم بينما يربط بيده اليسرى على يد فريد بيه وبتأثر يقول : تابع أخبار موسوعة جينيس خلال الست ساعات الجابين، أكيد، أكيد، هتلاقى حاجة

ويتوجه أدهم بيه عبر الصالة إلى الخارج، بينما يقف فريد بيه ينظر لزوجته بإستغراب

بأمن الدولة

نجد أدهم بيه ممسكاً بدوسيه ويتوجه عبر الكوريدور الهادئ إلى مكتب اللواء شاكى مساء يوم الإختطاف ويدخل قائلاً : تقرير خبير الأصوات بالطب الشرعى بياكد إن الصوت إلى كليم مسئول الصيانة فى المطار هو نفس الصوت إلى إتصل بمستر فاى يا شاكى بيه • وهو مين يا حضرة الظابط ،، تساءل اللواء شاكى

فيشير أدهم بيه على الورقة أمام اللوا شاكِر، فتبدو الدهشة على وجه اللواء شاكِر والذى ينطق (مندهِشاً) : مش معقول !!!!!!! *****
تعالى معايا، عندنا إجتماع مع سيادة الوزير ويتجهوا مسرعين نحو الباب

غرفة الإجتماعات الكبرى بمقر أمن الدولة

حيث عدد من الضباط من كبار الرتب يجلسون بغرفة الإجتماعات الكبرى فى حضور وزير الداخلية وعدد من الضباط واللواء شاكِر وأدهم بيه يراجعون البيانات الواردة من جهات أخرى واللواء شاكِر يشرح على الشاشة :

- آخر تحريات سيادة المقدم أدهم بتأكد إن شوكت بيه مدير أمن شركة الطيران متورط فى عملية الإختطاف، وكمان قدرنا نحط إيدينا على المكان بالتحديد،

كل التحريات إالى قام بيها مقدم أدهم الدندراوى المكلف بالعملية مع فريقه هنا ومن موقع الأحداث بتأكد إنه هنا بالتحديد، ويشير بعصا بيده على جزيرة بالخريطة على الشاشة، مسترسلاً : فى الجزيرة دى، ولحظة الهجوم ه تكون إنهاردة، علشان نحقق عنصر المفاجأة

وزير الداخلية (بوقار وهدوء) : مش عاوزين أى غلطة يا رجالة عملية الطيارة مسمعه عند القيادة السياسية، كل واحد عارف دوره كويس، وه تبقى حاجه كويسه إنكوا تنفذوا العملية بنجاح فى أقل من ١٢ ساعة، على بركة الله

ينتهى الإجتماع وينصرف الحاضرين ويعود اللواء شاكِر لمكتبه وبصحبتة أدهم بيه، ويكون فاضل بيه فى إنتظاره وبمكتب اللواء شاكِر

فاضل بيه : خير يا أدهم بيه إتصلت بيا !!!! ولية أكدت عليا م
اجبش شوكت بيه معايا، و إني م اديلوش خبر بالمقابلة دي !!!
الموضوع مهم و ف غاية السرية، ويميل اللواء شاكرا برأسه ناحية
فاضل بيه وينطق الجملة التالية كلمة كلمة، بسكوت ثانية واحدة بين
كل كلمة والتي تليها : إحنا، حطينا، إدينا، علي،، خيوط،،
الموضوع،، كلها،، ثم يعود اللوا شاكرا بظهره إلى الخلف قليلاً
ويسحب علبة السجائر من على المكتب ويخرج سيجارة ثم يميل برأسه
ناحية فاضل بيه مرة أخرى ، ويسترسل قائلاً كلمة كلمة ببطء شديد :
والمفاجئة،، إن،، شركتك،، مخترقة،، يا،، فاضل،، بيه
فاضل بيه (مندهشاً) : تقصد شوكت بيه ؟!!!،،، فيهب اللواء شاكرا
رأسه بالإيجاب

أدهم بيه : بالظبط، هو زعيم المخطط دا كله وهو نفسه الرجل الكبير
فاضل بيه (مندهشاً) : مش ممكن !! دا أنا مديله كل الصلاحيات !!
أدهم بيه : وم تغيرش أى حاجه لحد م العملية تتم، عشان مايحسش
بأى تغيير

فاضل بيه : واية إلی مطلوب منى دلوقتى
اللواء شاكرا : ماتعرفوش أى معلومة جديدة، هانت خلاص، كلها
ساعات

يتحدث اللواء شاكرا بالتليفون : أيوه، إحنا نسقنا مع السلطات عندك
وبلغناهم إننا ه ننفذ العملية إنهاردة، هما ه يقدمولكوا كل المساعدات
اللوجيستية إلی ممكن تحتاجوها فى الهجوم على الفيلا، ه تقبضوا
عليهم وتطلعوا بيهم بالطيارة مباشرة على مطار القاهرة
أدهم بيه : إسمحلى يا فندم أنا شايف معاليك إننا ممكن ندى نفسنا
مهلة ٢٤ ساعة بس

• ليه يا سيادة المقدم

- نحاول نرجع بعض الأوضاع لنصابها يا فندم، الإرهابي إल्ली إسمه دكتور باسل ده، ممكن يكون بإيده يصلح بعض الأوضاع قبل ما نقبض عليه، ودا ممكن يشجعه، وهو مش تحت قبضة العدالة، وم تنشاش معاليك إنه ممكن يقاوم قواتنا بالسلاح ودا وارد، وفي الحالة دى مانضمنش ممكن يحصل إيه، إحنا مش عاوزين نموته، إحنا عاوزين نوصل لقنوات إتصالة جوه البلد وبراه
- يعنى تتفكر يا أدهم إنه فى إيده يرجع سجين المافيا مثلاً، لا، لا، مفتكرش ويسترسل : الوقت متأخر أوى يا أدهم إحنا بلغنا معالى الوزير، يفكر اللوا شاكرك بعمق ويتبادل النظرات مع مقدم أدهم ثم يسترسل : أنا ممكن أدبك ساعة واحدة، ساعة واحدة بس على مسؤوليتي الشخصية يا أدهم، إتصل بيه وشوف رد فعله إيه

مقر وكالة فاى - الفيلا الأنثريه

- مستر فاى جالس مسترخياً واضعاً قدميه على الترابيزة وحوله عدد من فريق عمله ثم نسمع موبايله يرن فيفتح الخط مستقبلاً صوت المتصل وإذا هو أدهم بيه والذى لا يعرفه دكتور باسل، فيبادر أدهم بيه : أيوه يا دكتور باسل، فيبدو الإنزعاج على وجه مستر فاى فيسترسل أدهم بيه : ولا تحب أقولك مستر فاى ولا الأستاذ زى م تلامذك م بينادوك
- يزداد وجه مستر فاى إنزعاجاً ويُنزل قدميه من على الترابيزة ويعتدل فى جلسته ويرد (بإستغراب) : إيه ماسمعتش بتقول إيه
 - أيوه يا دكتور باسل إحنا عارفين إنت فين
 - إنت جايز عرفت أنا مين لكن ماتعرفش أنا فين، طب أنا فين ؟
- يجلس أدهم بيه بثقة و لا يرد ،، يسترسل مستر فاى : ولا يُمكن تعرف أنا مين كمان، أنا متأكد إنى ماسبتش أى أثر

- إنت مش كنت أستاذ فى المعهد العالى لتكنولوجيا المعلومات ، بيدو الإندهاش على قسماات وجه مستر فاى ويبدأ العرق يتصبب من جبينه ، فيباغته مقدم أدهم بمعلومة أخرى : يحيى معاك ؟؟

لقد أصابت المعلومات التى أدلت بها دكتوراه عايدة فى تتبع تلك الخيوط وانهمرت عليه المعلومات بغزارة وأخيراً أتت بشارها التى هزت كيان وثبات دكتور باسل أو مستر فاى أو الأستاذ كما يلقبه تلاميذه أحياناً كما يباغته أدهم بيه بمعلومة أخرى وهى معرفته بيحيى، أى أنه لا يعلم فقط بالأستاذ بل بفريقه أيضاً،

فهل هى بداية النهاية لمستر فاى وفريقه أم أن دهاء مستر فاى سوف يُذهب تلك الجهود سدى، وهل يتغلب عليها بتصرفات دفاعية سريعة!!!! تليق بعقليته الجبارة فى الدهاء والتخطيط والتنفيذ

يرد دكتور باسل (مستر فاى) (منزعجاً) :

- إيه ؟!!!! إنت عرفت المعلومات دى منين
- مايصحش تشك فى قدراتنا كده يا دكتور، هو مفيش حد بيفكر ويخطط ويدبر إلا إنت !!! دا شغلنا بردو، وأفكر إحنا بنقوم بيه كويس، مش كده بردو
- كده

- لسه عاوز تعرف إنت فين، أصل أنا أحب المفاجآت، عشان ماتتعبش نفسك وتجهز السخن والصاقع ويستترسل ضاحكاً : دا غير المقلى والسلطات وبابا غنوج وماما غنوج طبعاً عشان م ترعلش، نطب عليك فجأة عشان ماتتعبكش، ونبقى ضيوف خفاف خفاف، نيجى ناخذكوا ونمشى علطول، بيدو القلق واضحاً على وجه مستر فاى ولا يرد فيستترسل أدهم بيه (بهدوء) : شوف إحنا عاوزين نريحك وتريحنا،

ويسترسل (بنرفزة) : إحنا نقدر ندخل نجيبك، ثم يتحول مقدم أدهم إلى الهدوء مرة أخرى : شوف ،،

لايزال القلق والترقب يخيم على وجه مستر فاي، الذى ينتظر ما سيمليه عليه المقدم أدهم ، فعلى ما يبدو (ولو مؤقتاً) فإن الدفة قد إنقلبت وأن لمقدم أدهم أن يتحدث بلغة الواثق الذى يعطى الأوامر وعلى مستر فاي أن يستمع ويُنفذ فقد قاد مستر فاي الدفة منذ خطف الطائرة وكان مقدم أدهم مستمعاً ولكن قد تغيرت الأمور على ما يبدو .

أدهم بيه (بهدوء) : أنا ه اعمل معاك صفقة العمر، ويسترسل (بنرفزة) : إالى ممكن، تتجيك من حبل المشنقة

مستر فاي (بسخرية) : طب إتنرفزت تانى ليه، ما تثبت على تون واحد

أدهم بيه (بهدوء) : إنت تسلّم ماركو فرنانديز للسلطات المكسيكية، ويسترسل (بنرفزة) : لإنه بيشكل خطر على الحكومة المكسيكية والأمريكية كمان، ثم يسترسل (بهدوء) : فدا لازم ترجّعه

مستر فاي (بجدية) : بس ماركو مش فى إيدي دلوقتى ويسترسل (برومانسية وهدوء) : أنيتا بس هى إالى فى إيدي، ودى أغلى حاجة أقدر أقدمها لك

أدهم بيه (بنرفزة) : إتصرف، ومن ثم يسترسل (بهدوء) : زى ما تكتكت وهربته، تكتك ورجّعه، وكمان ترجّع آخر كبدين بعثهم لدكتور جونسون، آخر حاجه، الخمسين مليون دولار تشتري بيهم نفسك إنت والمجموعة إالى معاك لإننا لو خدناك م افكرش ه تشوف النور تانى، إنت م بتردش ليه؟

مستر فاي (بسخرية) : أنا مستنى تَعَلَى بالتون تانى، م إنت جملة ع الواطى وجملة ع العالى، دا إنت ه تطلع روح مهندس الصوت لما نيحي نعمل القصة دى فيلم،

مش ه يعرف يعمل معاك إيه ساعتها، لازم أسأل الجمهور إن كان سامع كويس ولا لأ، ف أنا مستنى تَعَلَى بالتون وتَخَلَص الكلمتين بتوعك

أدهم بيه (بنرفزة وصوت أعلى) : قدامك ٣٠ دقيقة وتبلغنى عملت إيه، تقدر تستعين بصديق، مفيش حذف إجابتين، ومفيش تغيير فى الطلبات، و م عندكش أى فرصة للهروب ، ويسترسل (بهدوء) : إحنا محاصرين الجزيرة كويس أوى

مستر فاى (منزعجاً) : جزيرة !!!! فيرد أدهم بيه (بهدوء) : مش قللتك إحنا عارفين كل حاجة، و راصدين كل تحركاتك، مش ناقص إلا إننا ندخل نجيبكوا ونرجع، ه استنى ردك وياريت م تستناش تعليمات الراحل الكبير لإنك مش ه تلتحق

يخيم الوجوم الشديد على وجه مستر فاى وقد ازداد توتراً و ينهى أدهم بيه المكالمه ويبقى مستر فاى فى توتره والذى يخبر فريقه (بإستسلام ويأس) بإنكشغناهم للجهات الأمنية

يحيى : إزاي
مستر فاى : معرفش إزاي ،، بس المهم إننا إنكشغنا وهما محاصرين الجزيرة

يحيى : يعنى خسرنا المعركة !!!!!
كابتن جلال (بأسى) : خسرنا المعركة يا دكتور !!!!! بعد م ضحيت بشغلى

ريهام : بعد المجهود والتخطيط ده كله !!!!!
على ما يبدو فإن الآمال الكبيرة ستبدأ فى الإنهيار، فقد ترك كابتن جلال أسرته وضحى بكل ما هو غال، ضحى بعمله الذى لا يحلم به كثيرون، كما هاجر يحيى وهشام وريهام تلاميذ دكتور باسل والملقب بالأستاذ، هاجروا لتحقيق آمالهم التى لم يستطيعوا تحقيقها بعملهم،

كما ضمت الوكالة عادل المساعد الوفى لهم جميعاً وللاستاذ على الأخص فهو من يُقَدِّره ويحنو عليه ويوكل إليه بعض المهام التى لا يُوكِّلها لأحد غيره، كى ييبث فيه الثقة، كما ضمت الوكالة منصور وسعيد للدليفرى وهما عنصرى حركة على مستوى عالى من المهارة يرن تليفون مستر فاى فيفتح الخط، فنرى فم نفس الرجل نفسه يتحدث : أنت إنكشفت يا دكتور باسل

• صحيح !!!!!!! قالها مستر فاى (بسخرية) ويسترسى : دا أنا خدت يمين مستقيمة، على باك سمرسونت، على رمى ع الإحبال، على ضربة حرة مباشرة مع سبق الإصرار والترصد، وإنت لسه صاحى بتبلغنى دلوقتى !!!

- خد الكمبيوترات والولاد وإهرب بأسرع ما يمكن وبأى شكل
- طب مفيش خطة للهروب يا كبير
- مفيش خطة يا دكتور، الموضوع مفاجئ فى حد عارف تحركاتك وبلغ عنك إنت بالتحديد، مفيش وقت إتحرك بسرعة
- يعنى مخلصتيش أعرف إنت مين طول الفترة دى وكمان مفيش خطة للهروب !!! كملت

فيرد صوت الرجل (بتوتر) : أنا زى زيك م اقدرش أعملك أكثر من كده، معنديش أوامر، ويسترسى (بتأثر وجدية) : أنا كمان معرفش مين إالى فوقى ويبيدنى التعليمات، بس كل إالى أقدر أقولها لك خلى بالك من أنيتا، حاول ترجع بيها، دى عُملة نادرة، مفيش زيتها كتير !! نبقى مع فم المتصل ويبدأ الكادر فى الإبتعاد عن فمه شيئاً فشيئاً، فيظهر شوكت بيه مدير أمن شركة الطيران الذى يسترسى : المهم إن كل واحد فينا بياخد نصيبه

منزل شوکت بیه

حيث يُمسِك شوکت بیه موبایله، ويتصل بمهندس الصيانة أيضاً :
عاوزك تسبب البلد وتسافر فوراً
• وأنا لسه ه استنى يا شوکت بیه أنا حسيت بالمراقبة إلی علی أنا
فعلاً داخل ع المطار

بمقر وكالة فای

مستر فای يفكر تفكير عميق بالأنتریه
يحيى : أكيد إلی كلمك دا الرجل الكبير
مستر فای : مش مهم، إحنا ه نتصرف لوحدها : "يحيى" ،، ينظر إلیه
يحيى منتظراً تعليمات أستاذة فيسترسل مستر فای : إتصلی بالخواجه
سانشيز وخليهم يسلموا ماركو
يحيى (باستغراب) : ودا أقوله إيه دا يا دكتور
• إتصرف قوله أى حاجه
• طب مفيش خطة للمكالمة يا أستاذ
• يعنى أنا كت خطة للهرب عشان أديك خطة للمكالمة !!!! قالها
مستر فای (بسخرية)

يرفع يحيى السماعه ويتصل وهو يعلم تمام العلم بصعوبة الموقف
يحيى : خواجه سانشيز حبيبي أهلا ويسترسل (مبتسماً) : لأ،، لا شكر
على واجب، كلك زوق، لا والله دا كتير عليا، شكراً، شكراً الله يخليك
إحنا م عملناش إلا الواجب، شكراً
مستر فای وفريقه يتعجلون يحيى ويشير هشام إلیه بيديه كى ينتهى
ويدخل فى الموضوع وتشير ريهام إلیه فى الساعة بإصبعها كنايةً عن
أن الوقت يجرى فيسترسل يحيى بالمكالمة : شكراً
يحيى (بنرفزة) بعدما فرغ صبره : ف عرضك إيدنى فرصة أتكلم،

ثم یسترسل (بهدهو) : هو بس فی حاجه غلط فی الأوردر وعاوزین
نرجعه،، آه،، الأوردر فی حاجه غلط،، وعاوزین مارکو یسلم نفسه
للسلطات تانی لحد ما نحل الـ ۱۱۱۱۱۱

تبدو صدمة وتبریئه على وجه یحیی ویُنزل السماعه من على أُذنه
ویُمسکها فی یده

مستر فای : إیه قالک إیه یا یحیی ؟

- مقلش حاجه
- أمال عمل إیه
- قفل السكه
- قفل السكه كذا علطول
- لأ، قال حاجه مفهمتهاش بصوت عالى وهو بیضحك وبعدين قفل
السكه

فینظر مستر فای للحاضرين : بتضحکوا على إیه !!

مستر فای : طب کلم دکتور جونسون کده
یحیی : طب أَشرب مياہ، أبلع الکلمه إلی قالهالی سانشو،،، ویشرب
یحیی کوب ماء

- سانشو،، إنت بتدلعه !!!
- آه،، م إحنا إصحاب،، إصحاب أوی بس هی دى المرة الوحيدة
إلی يتضایق منی فیها
- وه تبقى الأخيرة إن شاء الله،، رد مستر فای (بسخریه) ثم
یسترسل : خلاص مش ه يضایقک تانی، طب إتصل

یرفع یحیی السماعه ویتصل
یحیی : دکتور جونسون أهلاً ثم یسترسل (مبتسماً) : لأ، لا شکر
على واجب، کلک زوق، لا والله دا کثیر علیا، شکرًا، شکرًا الله یخلیک،
إحنا م عملناش إلا الواجب، شکرًا

منزل شوكت بيه

يرن تليفون شوكت بيه فيفتح الخط ويتحدث وهو متضائل أمام الكبير (الذى لا يعرفه) : كويس إنك إتصلت يا كبير، مستر فاى إتكشف يا كبير

نسمع صوت يتحدث ومنديل على السماعه وكأنما شخص يريد تغيير صوته قائلاً (بضجر) : وانت بلغتة ليه ؟؟

- كنت ب انبهه يا كبير ،، قالها شوكت بيه (بتردد وبصوت منخفض)
- ومن إمتى ب تتصرف من غير ما يجيلك تعليمات ،، قالها الكبير (بصوت عالى)

- دا كان ه يقع هو و فريقه كله والطيار إالى كنت حضرتك مصمم تَصُمُّهُ للفريق

- م يقعوا،، إحنا عاوزينهم يقعوا كلهم، حتى الطيار ،، قالها الكبير (بصوت عالى) مُعَنِّفًا شوكت بيه ويسترسل : م تتصرفش من دماغك تانى، وتقل موبايلك وماتردش عليهم، سمعت الكلام وتقل موبايلك، ويغلق الكبير الخط

وبمقر وكالة فاى وبجديقة الفيلا تحديداً

يحاول كابتن جلال الإتصال برقم، ولكن لارد، فنلمح على وجهه علامات التشتت،، لحظات وينطلق جرس هاتفه المحمول كاسراً إنظاره، فينظر فيجد رقم والده مكتوب على الشاشة، فيفتح الخط فوراً ودون تردد وكأنما إنتظر تلك الرنة طويلاً

والد كابتن جلال (بلهفة) : إنت فين يابنى، كابتن جلال (بإستسلام وضعف) : أنا فى ورطة، سامحنى، وتبدو علامات التأثر على قسمات وجهه بوضوح

ويدخل جزء من القوات للفيلا لتفتيشها وما هي إلا لحظات، حتى نرى كافة أعضاء فريق مستر فاي مكبلين داخل الطائرة العسكرية بعد مطاردة بالغابات، ويذهب جزء من القوات يتجه للطائرة المختطفة لتحرير باقى الرهائن

وبداخل الطائرة المختطفه

رجل من القوات : تقدرؤ تشيلؤ الأفعه
ثم يشير للفتاة ذات الرداء القصير : ما عدا إنتى لحد م تشتري حاجة
تسترك ثم ينظر لأنيتا : إنتى إتفضلى معايا إنتى مطلوبة بالإسم
ينظر مستر فاي وفريقه من شباك الطائرة العسكرية من على إرتفاع
قريب فوق سطح الجزيرة بحسرة وينظر يحيى لمستر فاي : أنا عارف
إيه إلى حازز فى نفسك
ينظر يحيى لمستر فاي نظرة خبيثة ويغمز له، ينظر فريق مستر فاي
إليه نظرات متباينة منتظرين رده، ينظر مستر فاي ليحيى فيتحول
وجهه من الحزن إى الإبتسامة إى الفرح إى الضحك فيضحك فريق
مستر فاي جميعاً، وتعلو ضحكات مستر فاي بصورة هستيرية ويتبعه
فريقه بضحكات عالية جداً وسط إستغراب القوات الخاصة

(١٠) التكريم

قاعة إحتفالات الشرطة مساء يوم الإختطاف
عدد كبير من الحضور وعدد كبير من الضباط بالقاعة وبالصف
الأول سيادة معالى وزير الداخلية وكبار القيادات ومسئولى شركة
الطيران ودكتور عايده

يقدم سيادة الوزير شهادة تقدير للمقدم أدهم ويُقَلِّدُه ميدالية حول رأسه
ويصافحه ثم يتحرك مقدم أدهم إلى يساره ليسلم على محيي باشا الذى
كلفه بالعملية، ف يُخْرِجُ مقدم أدهم من جيب جاكيت البدلة تمثال أوسكار
ذهبى بحجم شبر ٢٥ سم تخرج معه جزء من بطانة الجيب الكبير

مقدم أدهم (بإبتسامة) : الترزى وسع الجيب زيادة شوية !! ويُتَأَوَّلُ
التمثال لمحيي باشا ويبتسم الإثنين ويدور بينهم حوار ودى لثنائى
قليلة، ويبتسم اللواء شاكى بجوارهم، و نرى دكتور عايده مبتسمة وسط
الحضور بالصف الأول، ويشير إليها أدهم بيه من على المسرح
بعلامة النصر وتهز رأسها بالإيجاب بإبتسامة خفيفة

وبالقاعة، يشير المنتج بقلق للمخرج : ألا التمثال دا ذهب !!!!
فيهز المخرج رأسه يمينا وشمالا بالسلب، فيتمتم المنتج الذى إشتري
الرواية أن الحمد لله، لحسان هى مش ناقصة تكاليف ، يستمر المخرج
والمؤلف فى أكل الفيشار

يتوجه كابتن جلال علام (مقدم برنامج طرائف وعجائب) ليصعد على
المسرح ويده موسوعة جينيس فيتوجه لفاضل بيه ليكتب فيها فاضل
بيه الحدث بيده وسط إبتسامات شاكى بيه وأدهم بيه ويشير أدهم بيه
لفاضل بيه بيده كأنما يقول له "إكتب" فذاك هو ما وعدت به

مقدم أدهم (لفاضل بيه) (بسخرية) : كنت شاكك ،، أه
فيرد فاضل بيه (بإبتسامة) : بصراحة مكنش باين عليك، تعرف يا
أدهم بيه

مقدم أدهم (مقاطعاً) : خير يا فاضل بيه ؟
فاضل بيه (بإبتسامة) : أنا لسه مش مصدق لحد دلوقتی !!
مقدم أدهم (بهزار) : إيه !!! أقرصك، ولا أديك رصاصتين فى دماغك
عشان تصدق إنها حقيقة

(١١) النصر

الشمس ساطعة بصباح اليوم التالي لتحرير الطائرة تنفذ عبر زجاج
حُجرة مكتب ونرى جريدة على مكتب بها منشيت كبير : "القبض
على خاطف الطائرة وتحرير كافة الرهائن"

و ورقة على المكتب مكتوب عليها بخط اليد
وكالة فاي الدولية للتوريدات / Fi Agency

مانيلا الفلبين	لاجوس نيجيريا	روما إيطاليا	القاهرة مصر	ريو دي جانيرو البرازيل
مايك جوناثان	إتو إنيامبا	ألتو مارديني	دكتور باسل	جوليو ألدو سيزار

نرى يد سيدة تتجه بقلمها إلى الخانة المكتوب بها "مصر" وتشطب
بقلمها على إسم دكتور باسل بعلامة إكس X كبيرة ، وتكتب إسم
جديد مكانه فتكتب "دكتور شامل" وكأنما تستبدله لإدارة الوكالة في
مصر

تبتعد الصورة تدريجياً عن القلم وعن سطح المكتب خروجاً تدريجياً إلى
باب الحجرة ومن ثم إلى خارجها والإبتعاد عنها شيئاً فشيئاً ونرى
مكتوب على باب الحجرة

"دكتور عايدة"

"أستاذ ورئيس قسم البرمجيات

والتكنولوجيا"

وتتخفض الإضاءة تدريجياً

وهنا على الخط الموازي نجد المنتج بقاعة السينما يهلل فرحاً وحرناً ،،

فرحاً بأن دكتورة عايده التي تقاضت الكثير عن دورها كضيفة شرف بطلب من المخرج، ما من أحد سواها ليقوم بذلك الدور المتميز ، فهي المتألقة دائماً ، الهادئة ، العقل المدبر الذي لا مثيل له وحزناً على إنهيار المبادئ التي علمتنا إياها

فقد كان المنتج فى أول الأمر حريصاً على إسناد الدور لممثلة غير معروفة حيث أنه دور ثانوى كضيفة شرف، توفيراً للميزانية، إلا أن نظرة المخرج كانت أوقع وأعمق، فتلك النجمة التي عُرفت بأدوارها الملتزمة، كانت أساساً لإقناع الجمهور بعادتها ومبادئها، كى يكون وقع الحدث والخدعة على الجمهور أشد، فالمخرج مخضرم لا محالة، فقد ذهب بنا جميعاً إلى إحتتمالات أخرى، إلا أن تكون دكتورة عايده هى العقل المدبر وراء تلك الأحداث !!!!

عزيزى القارئ

،

،

مهلاً

،

،

لم يُسدل الستار بعد، يمكنك إحتساء فنجان الشاي الذى أمامك لنستكمل (سويًا)

قصتنا التي لم تنتهى بعد ف الكثير والكثير فى إنتظارنا ، هل نسيت كلمات السيد عطار د أو الحكيم بأن المفاجآت ستزل كالصواعق واحدة تلو الأخرى

ف قبل ثلاث سنوات من إحتفالية شركة ستار إير لاينز بمكتبها

جلست دكتورة عايدة وأمامها مراد بيه الصفتي الملياردير المعروف،
نعم مراد بيه والد نادين المضيفة، جلسا يحتسيان القهوة فيبادر مراد بيه
(بنرفزة) :

• شوفتي إلی عملہ أخوکی یا عايدہ أنا، أنا يتحداني وعاوز ينزل
الإنتخابات قصادی، مكفهوش المرة إلی فاتت صرف أد كده وبردو
مقدرش عليا، ببعيدها تاني !!! ولزمتها إيه الدوشة دی كلها ما أنا
ه أزيحه المرة دی كمان، وهي صعبة عليا، مش يخليه فی البنزس
بتاعه، ولا أضيعهوله

• والله زمان يا مراد، وحشتني نرفزتک ،، قالتها د. عايدہ بإبتسامة
واثقة

تدخل نرمين مراد الصفتي (الأخت الصغرى لنادين) إلى مكتب دكتورہ
عايدہ تلك الفتاة الجميلة الهادئة الطبع بالسنة الدراسية الرابعة والأخيرة
بالمعهد العالي لتكنولوجيا المعلومات

• بابا إنت هنا وتتنظر لدكتورہ عايدہ قائلَةً لها : أهلاً يا دكتورہ
• أيوه، قلت أعدى أسلم ع الدكتورہ وأطمئن عليكی يا نرمين يا
حبيبتي، إيه مروحه دلوقتي

• أنا مش مروحه يا بابا، أنا رايحه أقابل نادين فی المطار راجعه من
بروكسل وجايبالي حاجه تجنن معاها، لما أرجع البيت ه أوريها لك
تتصرف نرمين مبتهجة ويسترسل مراد بيه :

• كان أدامی أسفرها تدرس بره بس بصراحة لقيت نفسی مش
مطاوعاني أسيبها بره لوحدها، وكنت متأكد إنی ه أبقى مطمئن
عليها وياكى

- معقولة تخليها تدرس بره وأنا هنا يا مراد !!!! نرمين دى زى بنتى ولا إنت تقدر تبعد عنها كمان مانتاش فاكِر لما تاهت عنك يومين
- تقصدى إختطفت، قالها بغصة فى حلقه
- كنت وقتها عامل زى المجنون، فيعود بظهره للوراء متذكراً ذلك الحادث المرير منذ خمس عشر سنة عندما إختطفت إبنته نرمين ولم يبلغ البوليس وأثر أن يدفع ثلاثة ملايين جنيه ليفتيها آنذاك
- يااااااا،، قالها بنفس طويل وإسترسل : قلبتى عليا المواجه يا عايدته ماتكرينيش ،، ويأخذ مراد بيه رشفة من الفنجان ويسترسل : من أيام نادى المعلمين إالى فى الجزيرة لما كنا أنا وإنتى وفريد بنلعب تنس، وفريد رفض يجوزك ليا وأنا
- وإنت مش قادر تنسأهاله قالتها دكتوراه عايدته مقاطعة وهى مبتسمة
- كان فاكِرنى عشان بهزر مع دى ولا ب أعاكس دى، كان فاكِرنى هجاص ورقاص وماينفعش أجوز أخته،،، تصدقى يا عايدته، أنا كنت أغلب م الغلب، وأخوكى هو إالى كان مقطع السمكة وديله
- وهو إالى كان بيعرف شلتنا قلة الأدب كلها
- كل واحد بياخد نصيبه يا مراد
- ما أنا بصراحة مش مستحمل إالى بيعمله أخوكى ده، مزادات القرى السياحية يناطحنى فيها، صفقات الدواجن، مناقصات، كل حاجه يقولولى فريد الأسيوطى فريد الأسيوطى، زى ما يكون مفيش غيرى فى السوق ينافسه، رغم إنه عارف إننى أقوى منه بكثير وأقدر عليه، بس والله يا عايدته أنا عاملك إنتى خاطر
- لااااااااا ماتعمليش خاطر، خد راحتك ع الآخر، أهه عندك، إهرسه،، يشرب مراد بيه رشفة من الفنجان وتسترسل دكتوراه عايدته بمنتهى التركيز : "مراد" ، إحنا مصلحتنا واحدة، أنا عاوزه ميراثى من فريد، وإنت ليك تار عنده، وعاوز تزيجه من طريقك

- عاوزة تقولى إيه يا عايدة !! قالها بتعجب
- إنت بفلوسك وعلاقاتك، وأنا بترتيبي وإدارتي للوكالة
- وكالة !!!!
- وكالة ، ه تشتغل فى التجارة فينظر إليها مراد بعينين ثاقبتين منتظراً توضيحاً دقيقاً ومفصلاً لما تفكر فيه، فتسترسل دكتوراه عايدة : وكالة ه تشتغل فى كل حاجه، مشروعة، أو غير مشروعة، تلحظ دكتوراه عايدة قسماات وجهه المندهب، فتبادر : مش جديده عليك يا مراد، أنا متابعاك ومتابعه الناس إلى بتهاجمك بتقول إيه، وإن كان نُص إلى بيقولوه، غلط، فالا، نُصه، صح، ينظر إليها بإستياء وكأنما لا يقبل تلميحاتها، وعلى ما يبدو أيضاً أنها أكثر رغبة منه فى أن تبدأ فى مشروعاتها الذى تستطيع من خلاله أن تحقق المال والانتقام من أخيها فريد الأسيوطى فتسترسل بقوة ووضوح : أنا عارفه، وناس كتير عارفه، إنت بتشتغل فى إيه، وزيادة الخير خيرين
- عاوزة تقولى إيه يا عايدة !!
- ندخل فى المفيد ؟ فيومى برأسه بالموافقة
- تجارة ه تكسبك جامد والمكسب مش بس فلوس يا مراد، لأ، وكمان تخالصك من أعدائك إلى مش عاجبينك، فينظر إليها منتظراً تفسيراً لتلك البُشرى التى قد تتيح له الخلاص من أعدائه (الكثيرين)
- طول عمرنا نسمع عن الحوادث إلى زى حادثة نرمين دى فى المجالات، فى التلفزيون، محدش بيحس بالمواقف دى إلا لما يعيش فيها، الواحد ممكن يدفع إلى وراه وإلى قدامه عشان يفندى إلى بيبه
- مصممة تقليى عليا المواجه
- ماهو دا الشغل

- إيه ه نخطف عيال ولا إيه يا عايدہ !!!! قالها بسخرية
- لأ طبعاً خطف العيال حرام، إحناااا ه نشتغل فى القرصنة،،
فينظر إليها مراد متعجباً وتتناول هى رشفة قهوة من فنجانها
وتسترسل : القرصنة الجوية
- "عايدہ" !! ،، قالها مراد بيه باندھاش وسخرية وهو يضع الفنجان
على المكتب ويسترسل : وانتى تفهمى إيه فى الطيارات ولا
- إنت ناسى إن ااا كابتن جلال فريد الأسيوطى يبقى ابن أخويا !!
قالتها مقاطعة ، فيهز رأسه بالسلب وكأنما يقول "مش ناسى" ويرد
بسخرية : وايه يعنى وهو إالى ه يشتغل يعنى !!!!؟؟
- لأ طبعاً جلال يتساق لكن مايسوقش، تربيته ماتسمحوش يعمل
حاجه زى كده، جلال مجرد سلة معلومات بس يا مراد، وبعدين
إنت ناسى إنى كنت تانى العالم فى الشطرنج
- عارف طبعاً، الشهادات منوره ع الحيطه أهه، ويشير بيده إالى
الشهادات ويسترسل : "عايدہ" ممكن توضحى أكثر وماتتقنيش،
قالها بفروغ صبر
- وكالة عالمية بفروع كثير، وتشير بيدها اليمنى بالعرض وكأنما
تكتب مانشيت عريض بصدر صحيفة وتسترسل : متخصصة فى
خطف الطيارات، والناس إالى ضميرها ضايع كثير، وبعدين إحنا
مش ه نوقع طيارات، إحنا ه نخطفها بس
- بس !!!!

- أيوه نبيع أعضاء ماشي، حد عاوز يخطف حد، نتتبع رحلته منين لفين ومن التكييتج،، فينظر إليها مراد بإستغراب وكأنما يريد أن يسأل فتسترسل هي بعيون نافذة : كله بالفلوس، ونجيبه، ودى ه تفيدك إنت شخصياً، أكيد عاوز تجيب ناس كتير م إالى ببحاربوك، إنت فاكرك عملت إيه لما نيرمين إتخطفت من خمستاشر سنة وتسترسل : حد عاوز يفرج عن حد وعاوز يضغط على حكومة معينة نخطف طيارة للدولة دى
- دى أحلام يا عايدة، طب إزاي وإنتى عندك التولز tools إالى تقدرى تتفدى بيها دا كله !!! لا لا دا كلام بعيد أوى،، فترد وكأنما قد أجرت دراسات تحليلية مستقيضة عن آلية التنفيذ، إنها لا تهذى ولا تُلقى بأفكار على سبيل الدردشة وإضاعة الوقت !! بل فى تنفيذ فعلى وللوقوف على آلية إنشاء الوكالة فعلياً،، فتسترسل : من خلال نظام صوتى ع الطائرة من خلال إختراق الإذاعة الداخلية أو واى فاى ساوند سيستم بالميكروفايبر، الخاطف يقول إنه مش ع الطائرة، معنى كده، مفيش مواجهة، يعنى مفيش خطر، محدش ه يفكر يضرب نار لإن العدو مش ظاهر، حتى لو كان ع الطائرة أى حد على أعلى مستوى أمنى،، ينظر إليها بإنبهار منتظراً ما ستسترسل به فتقول : ماسكات تتحط مكان أقنعة الأكسجين قبل الرحلة عطلول، الركاب يغيروا أماكنهم ينظر إليها بإنبهار

فقد بدأ يستشعر، بل ويقتنع بأنها مسيطرة تماماً على خلفيات الموضوع لديها دراسة للموضوع برمته تكتيكاتها شطرنجية من الطراز الأول لا تليق بمركزها الثاني على الحائط من الإتحاد الدولي للشطرنج والذي ربما أخطأ (والتي ألمح إليها ذلك الفلكي/جميل عطار عندما تحسس ماكيت الطائرة مشيراً إلى رقم ٢) بل هي أحق من الروسي المخضرم فيشر ، فيتسائل مراد بيه عن كيفية ذلك، فتجيبه : كله بالفلوس، الطيار، مهندس الصيانة، المضيفة، إنت بفلوسك وأنا بالتكتيك والإدارة ،، فينظر إليها بتعجب فتسترسل : كل واحد فيهم بعد العملية يسألوه ه يحكى الحكاية بالسيناريو إالى ه نقولوله، ويبقى مجرد شاهد ومجنى عليه، يعنى يقبض ويعتبر شاهد كمان، يعنى مش ه يفقد وظيفته، فأكيد ه يوافق على صفقة زى دى، وتسترسل بمنتهى الثقة : بتشك فى قدراتى يا مراد !!

- أبدأ طول عمرى أعرف إنك داهيه بس ماقلتليش إيه علاقة كل البيزنس إالى حكته ده بفريد أخوكى، فريد مقاتل، يتهزم، يقوم تانى، تخطبه، يقوم ويكُون نفسه، فريد عاوز صدمة نفسية مايقومش منها، ينظر إليها بإستغراب،، عاوز تعرف، أه، أنا ه أضم جلال للمنظومة، وطبعاً محدش ه يعرف مين إالى بيدير الوكالة، وفى الوقت المناسب، نَوَّع المجموعة إالى فيها جلال وساعتها، فريد مش ه يبقى فاضيلك

- أيقن مراد بيه بأن الموضوع جدى فهو لا يتحدث مع هاوية بل مع قرصان محترف، قرصان لا ينقصه إلا الفائلة السوداء والتي تحمل علامة القرصنة، فلا ينقصهم إلا إبرام الإتفاق (الشفوى) بالطبع، فمثل تلك الشراكات الآثمة لا تعرف للشهر العقارى سبيلاً ولا للمحامين طريقاً، فيتسائل ليطمئن على شركائهم وموظفيهم بالوكالة : ومين ه يشتغل فى المنظومة دى، إنتى تعرفى حد يقدر يقوم بالمهام دى كلها معاكى
 - فتتظر إليه بمنتهى التركيز وبعيون ثاقبة ترد بمنتهى الثقة : عندى،، فيبادلها مراد بيه النظرات الحثيثة، فتسترسل : عندى الراجل المناسب، آسفه، وكأنما أرادت أن تصح ما قالتها، وتزيد من حدة نظراتها الواثقة مسترسلة : الراجل "العبرى" المناسب، وقد قصدت دكتور باسل بالطبع
 - عموماً أنا مش ه أتدخل فى ترتيباتك دى كلها، تجيبى مين، تعملى إيه، أنا معنديش وقت
 - نقول مبروك ،، تقولها عايده بإصرار وتقف وتمد يدها فيتصافحا
- ظهيرة يوم الإختطاف**
- تتلقى دكتور عايده إتصال، فإذا هو مراد بيه الصفتى
- إيه إالى بيحصل دا يا عايده، نادين ع الطيارة ،، قالها مراد بيه (بنرفزة)
 - هدى نفسك يا مراد، أى رحلة بنشتغل عليها بيبقى عندى أسامى طقم الطيارة كله، أنا عندى مصادرى الموثوق فيها
 - أمال إزاي نادين ع الطيارة يا عايده !!!

- نادین راحت مکان زمیلتها فی آخر لحظة، وإسأل بنفسك فی شركة الطيران، ودا مظهرش عندی، وخلص كنا إبتدینا تنفيذ، بس ماتقلقش خالص یا مراد، الطائرة مش ه يحصلها حاجة أنا متابعه الموقف كويس إحنا عاوزین الركاب، الركاب وبس
- أنا مالیش دعوة یا عایده، أنا ه أتصل بفاضل بیه ،، ویسترسل (بنرفزة) : وبوزیر الطيران نفسه وأبلغهم إنی ممكن أدفع ثروتی كلها عشان خاطر نادین، وهما یتصرفوا بأه
- إظمن یا مراد مش ه يحصل حاجه خالص،، قالتها بصوت عالی فیرد (بنرفزة) : بیقولوا إن الطیار كان عاوز ینزل بالطیارة فی البحر، إفرضی حصل حاجه برا كل حساباتك إلی إنتی مخططاها، ها ه تعوضینی نادین، فترد (بهدهو) :
- ماتخافش الطیار إلی ع الطیارة دی یبقی جلال، جلال الأسیوطی، ومش ه ینزل فی البحر، ویبدو التأثر الشدید علی وجه دکتوره عایده، بس ه تبقی آخر رحلة لیه، دا سیناریو أنا إلی کاتباه یا مراد، وبکوه تشکرنی لأن فیرد مش ه یبقی فاضیلک، ه یبقی مشغول فی الفضيحة إلی ه یسببها له جلال
- ویبدو التأثر علی وجه دکتوره عایده
- طبعاً، م أنتی مش حاسه ب إلی أنا حاسس بیه دلوقتی، ما إنتی لو کان لیکی حد ع الطیارة کننتی حسیتی ب إلی أنا ب أقوله دلوقتی ویبدو التأثر علی وجه دکتوره عایده

(١٢) الصاعقة

منزل دكتوراه عايدہ الرابعة عصرًا ، اليوم التالي لتحرير الطائرة
دكتوراه عايدہ بمنزلها الفخم تقف بالفرنقة المطلة على النيل ترتدى
روب فخم محتشم وتنظر إلى السماء وعلى وجهها ابتسامة خفيفة
ابتسامة فخر وزهو وإحساس بالانتصار وتحقيق حلمها بالانتقام من
أخيها فريد الأسويطى فى شخص ابنه كابتن جلال الذى تحطم بفقد
وظيفته ومستقبله وأخيها الذى سيغرق فى غيابات تلك الفضيحة التى
تورط فيها ابنه وسينشغل بها لىبتعد عن طريق مراد بيه الصفتى ووفق
ما تم التخطيط له وتنفيذه بنجاح منقطع النظير بأيدى تلك الداهية
دكتوراه عايدہ

تلك هى دكتوراه عايدہ، الأستاذة بالمعهد العالى لتكنولوجيا المعلومات،
الإنسانة البسيطة التى إعتقدناها ملاكاً للرحمة والإنسانية والعدل،
حريصة كل الحرص على تحقيق العدالة والإبلاغ عن زميلها القديم
دكتور باسل، لا لشيئ سوى لتحقيق العدالة، ثم فوجئنا بالمشهد
الأخير بأنها العقل المدبر لتلك الأحداث برمتها من بدايتها إلى
نهايتها بلا ذرة رحمة وبلا هوادة، بل ومنتصرة انتصاراً ساحقاً فى
نهاية الأمر، فقد خدعت الكل، شوكت بيه، دكتور باسل، بل والمقدم
أدهم والكل، لكن، هل ينتهى بها المطاف بهذا الانتصار الكبير كما
كانت بطله عالمية بالشطرنج، أم أن للقدر ترتيب آخر

ثم نراها على ترابيزة السفرة الفخمة تتناول الإفطار مع ابنتها الشابة
الثلاثينية حيث تبادر دكتوراه عايدہ بالحديث (بهدوء) : إيه أخبار
مجدى معاكى
الإبنه : كويس يا ماما

نراهم تارةً ينظرون بين الحين والحين لشاشة التلفزيون لمتابعة أخبار تحرير الطائرة المختطفة وتارةً يتحدثون وتارةً يتناولون رشفات من الشاي والنسكافيه

وعلى شاشة التلفزيون تتحدث المذيعة : ومما هو جدير بالذكر أنه قد تم تحرير الطائرة المختطفة في أقل من إثنتى عشرة ساعة تنظر دكتوراه عايدة بالطبق لتتناول زيتونة وتسترسل المذيعة بقراءة الأخبار، بينما نرى مقتطفات لتحرير الطائرة في الجزيرة ولحظة القبض على مستر فاي وفريقه

وتسترسل المذيعة : ف بالرغم من نجاح عملية تحرير الطائرة إلا أن النهاية المأساوية كانت من نصيب إثنين من الركاب فكانوا من الضحايا الذين تم إختطافهم من على متن الطائرة قبل تحرير باقى الركاب وهم لرجل يدعى شمندى ولد عبد الستار ويحمل الجنسية المصرية، وتظهر صورة شمندى على شاشة التلفزيون، وتسترسل المذيعة : ولطبيب مصرى يحمل الجنسية الكندية ويدعى "حازم حمدى على شهاب"

ترفع دكتوراه عايدة نظرها لشاشة التلفزيون فى ذهول ونسمع صدى الصوت يرن بقوة على أذن دكتوراه عايدة التى تتلقى سماع الاسم كالصاعقة

صدى الصوت القوى الرنان : "ويدعى / حازم حمدى على شهاب" يرن جرس موبايل دكتوراه عايدة الموضوع على الترابيزة فتفتح الخط فنسمع من يقول : البقاء لله شد حيلك يا عايدة ،، إنه الملياردير مراد بيه الصفتى

وتظهر صورة الطبيب الشاب على شاشة التلفزيون والتى تحقق بها دكتوراه عايدة، يسقط الموبايل من يدها على الترابيزة

فنسمع صوت مراد بيه الصفتي عبر الموبايل وهو يقول : عايده ،،
عايده ،، إنتى سمعانى ،، سمعانى يا عايده

وتسترسل المذيعه : والحاصل على درجة الدكتوراه من جامعة
مونتريال، وبحسب إعتراقات الخاطف فإنه تم تسليم الأول لطالبى
الثأر منه وتسليم الثانى لتاجر أعضاء بنفس المدينة التى هبطت بها
الطائرة وتم نقله على الفور لإحدى المراكز المجرمة والمتخصصة فى
تجارة الأعضاء البشرية

يخيم الذهول على وجه دكتوراه عايده وهى تُحَقِّق نظرها بشدة لشاشة
التليفزيون والذى تعلوه برواز بطولة العالم للشطرنج والتى حصلت
فيها على المركز الثانى، ويظهر بها رقم ٢ بوضوح فوق إسمها وهو
الرقم الذى ذكره ذلك العراف بالقناة الفضائية محلاً للموقف، وتحتها
رقعة شطرنج وتوقيع رئيس الإتحاد الدولى للشطرنج

ومرة أخرى نسمع صوت مراد بيه الصفتي عبر الموبايل الملقى على
التراييزة وهو يقول : عايده ،، سمعانى يا عايده

وتسترسل المذيعه على الشاشة : وأنه قد تم تنفيذ عملية نقل عدد من
أعضاؤه فور وصوله للمركز على أن يتم التخلص من الجثة فوراً
وذلك بحسب إعتراقات الخاطف والذى إعترف بأن تلك العملية لم تكن
بعلم الراجل الكبير وفقاً لأقواله

نسمع صدى الصوت يرن بقوة على أذن دكتوراه عايده التى تتلقى
الكلمات كالصاعقة صدى الصوت القوى الرنان "وذلك بحسب
إعتراقات الخاطف" ،، "وذلك بحسب إعتراقات الخاطف" ،، "إعتراقات
الخاطف"

نسمع صوت مراد بيه الصفتي عبر الموبايل الملقى على التراييزة وهو
يقول : عايده ،، سمعانى يا عايده

فعلى ما يبدو أن صفقة شمندي و دكتور حازم كانت صفقة خاصة بمستتر فای الذى تعمد إخفاءها عن الجميع لتكون سبوبة خاصة به وخالصة له من خلف ظهر رئيسه الذى لا يعرفه ولكن هذا هو حال المنحرفين، فمن الصعب أن يراجعهُ رئيسه فى عدد الركاب فسيجد الكثير من الحجج لتبرير موقفه، فكانت كرصاصة أصابت معلمه على وزن "نشنت يا فالج" فقد أصابت الصفقة المحدودة (صفقة شمندي و دكتور حازم) قلب أكبر رأس بالوكالة

لا تفارق علامات الذهول وجه دكتور عايدة وإبنتها، دكتور عايدة التى خططت ودبرت ولم تدع لا صغيرة ولا كبيرة إلا وقد عمّلت لها ألف حساب وهو ما يليق بها كواحدة من أبرز أبطال العالم فى الشطرنج، منظومة مستر فای التى أدارتها بحرفية على مدار سنوات كواحدة من ضمن إحدى فروعها المنتشرة بأنحاء العالم والتى تصل فى النهاية لأن يهتز كوب الشاي بيدها ثم يقع وينسكب على مفرش الترابيزة تنهمر قطرات الدموع من عينيها على مفرش الترابيزة فتصرخ دكتور عايدة وتحرك كف يدها اليمنى للأمام صارخة بصوت قوى:
لأ!!!!!!!!!!!!!!

ولا نزال نسمع صوت مراد بيه الصفتى عبر الموبايل الملقى على الترابيزة وهو يقول : عايدة ،، سمعانى يا عايدة تنهض إبنتها التى ليست بأفضل حالاً منها فتمد يديها لتحتضن أمها ، فيتوقف المشهد المأسوى على ذلك، فتلك لابد وأن تكون هى النهاية الحتمية لمن خطط ودبر، وهنا نتذكر أربع مشاهد خاطفة متتابعة ، نتذكر مشهد كابتن جلال وهو يتحدث لمستتر فای كابتن جلال (بجدية) : أله ،، يعنى دمنّا ولحمنّا !!! والتى نسمع رنينها مرتين "يعنى دمنّا ولحمنّا"

دكتور باسل (مستر فای) : إيه الوطنية إلی نزلت عليك فجأة دی الشغل مافيهوش عواطف ولا حدود "لازم يبقى قلبك ميت" "لازم يبقى قلبك ميت"

نتذكر مشهد الرجل العجوز بالطائرة ينصح الطبيب الشاب من وراء الماسكات والذي إتضح فيما بعد بأنه دكتور حازم الرجل العجوز : ياااه ، جاي المشوار دا كله وماتعديش على أهلك والتي نسمع رنينها مرتين "وماتعديش على أهلك"

نتذكر مشهد دكتور عايد مع دكتور بثنه عن دكتور حازم دكتور عايد (بأسى) : كان بيحصر لها من ست شهور فى جامعة مونتريال، بس لسه ما قليش عمل إيه

دكتور بثنه : يااه، ومكلمكيش من ست شهور والتي نسمع رنينها مرتين "ومكلمكيش من ست شهور"

نتذكر مشهد الملياردير مراد الصفتى وهو يؤنب دكتور عايد "طبعاً م أنتى مش حاسه ب إلی أنا حاسس بيه دلوقتى ما إنتى لو كان ليكى حد ع الطيارة كنتى حسيتى ب إلی أنا ب أقوله دلوقتى" والتي نسمع رنينها مرتين "ما إنتى لو كان ليكى حد ع الطيارة كنتى حسيتى ب إلی أنا ب أقوله دلوقتى"

ينظر المنتج إلى وجه دكتور عايد قائلاً بشماتة وهو ينظر للمخرج والمؤلف الذين يتناولون الفيشار : لا، تستاهل، بعد إلی عملته دا كله، تستاهل، دا كفاية إيجار الطيارة، إحنا دافعين كام لحد دلوقتى، فكرنى كده، وبعدين لما جلال بيه عنده طيارة، طب كنا أجروا منه وكان ريحنا شويه فى الإيجار

ويبتعد الكادر

وهكذا يسدل الستار على القصة التي بدأت كوميدية بكامل صفحاتها حتى المشهد الأخير، تراجية مأساوية باللقطة الأخيرة والتي غطت بمأساويتها وجدتها على أنيتا وخفتها، وشمندى وثأره، وفرنانديز وشهرته التي فاقت ميسى ومستر فاي بطل قصتنا الذى سيستبعده المؤلف بالجزء الثانى حتماً، وسانشيز الذى يطلب واسطة للتعيين بالمافيا بالإنترفيو، وتمثال الأوسكار، وجيب الجاكتة، بل وماريا شخصياً وبورنيطتها المكسيكية، وزد على ذلك المستشارة الألمانية وتدخلها للإفراج عن أنيتا

تمت بحمد الله وتوفيقه

فصول القصة

نهاية الحلقات	الصفحة	عنوان الفصل	فصول القصة
٧	٥	(١) الحفلة	الأول
*****	١٣	(٢) الصدمة	الثاني
	١٨	(٣) التكليف	الثالث
٥٠ ، ٢٥	٢٤	(٤) الخدعة	الرابع
	٥٤	(٥) فريق مستر فاي	الخامس
٧٥	٦٥	(٦) المطالب	السادس
	٨١	(٧) رحلة المكسيك	السابع
١٣٤ ، ١٠١	٩٩	(٨) الشهادة	الثامن
١٥٧	١٤٢	(٩) إحذر ، أنت مراقب	التاسع
	١٧٠	(١٠) التكريم	العاشر
	١٧٢	(١١) النصر	الحادي عشر
١٨٧	١٨٢	(١٢) الصاعقة	الثاني عشر

إقرأ للمؤلف :

- دليفري
- الأسيرة الرابعة
- غوانتانامو / هل نبدأ الحرب
- كاميرا ١٠
- ينشر قريباً إن شاء الله
- ينشر قريباً إن شاء الله
- ينشر قريباً إن شاء الله

كما نعد القراء الأعزاء بأعمال جديدة أخرى وكاميرا خفية خلال عام ٢٠١٨ إن شاء الله